

नमो नमो निम्मल दंसणस्स

आगमसुत्ताणि



७

उवासगदसाओ

सप्तमं अंगसुतं

संसोहय-संपायग

निपुण निर्यामिड पू. मुनिराज श्री सुधर्म सागरज्ज म. ना शिष्य

मुनि दीपरत्नसागर

બાલ બ્રહ્મચારી શ્રી નેમિનાથાય નમઃ

નમો નમો નિષ્પલ દંતણસ

શ્રી આનંદ-ક્ષમા-લલિત-સુશીલ-સુધર્મસાગરગુરુત્થો નમઃ

૪૫-આગમસુત્તાણિ

જા. ના. ૨. ૧૫૦૦/૨૫૨ સુર. ગામ. ૧૬
૧૦ વર્ષાબેર બેન આરાધના કેન્દ્ર, કોબાર

Serving JinShaan

પેન-૩૬/૦૦૭



070050

gyanmandir@kobatirth.org

W-1865

29-12-96

:- સં સો હ ય-સં પા ય ગ :-

પૂજ્ય મુનિરાજ શ્રી સુવર્ધસાગરજી મહારાજ સાહેબના શિષ્ય

મુનિ દીપરત્નસાગર

તા. ૨૨/૭/૯૬

સોમવાર ૨૦૫૨

અષાઠ સુદ : ૬

૪૫ આગમના સેટની કિંમત - રૂ. ૧૫૦૦/-
(ભાવિ આગમ-કાર્ય ખાતે)

આગમ શ્રુત પ્રકાશન

મુદ્રક

નવપ્રભાત પ્રિન્ટીંગ પ્રેસ ધીકાંટારોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,
શાહીબાગ, અમદાવાદ.

[2]

આર્થિક અનુદાન દાતા

૪૫ આગમમાં મુખ્ય દ્રવ્ય સહાયક

મિત્રભાઈ કમણીવર્મા શ્રી સૌમ્યગુણાશ્રીગુની પ્રેરણાથી

૪૫ મ્મ ૬ જુ ત્ત નુ રા મી જ મ છો પ સિ કા

શ્રીમતી નયનાબેન રમેશચંદ્ર શાહ - સપરિવાર [વડોદરા]

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેય સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા.સૌમ્યગુણાશ્રીજીના શિષ્યા તપસ્વી સા.સમજાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે થયેલ જ્ઞાનપૂજન તથા ગુરુભક્તો તરફથી, બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ ચોરાના સ્મરણાર્થે લીલીબેન રતીલાલ તરફથી, મુરેન્દ્રનગર.
- ૬ પૂ.રત્નત્રયાશ્રીજી મ.ની દ્વિતીયપુન્યતિથિ નિમિત્તે સા.મોદસ્તનાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ.ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી ધિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસામટી, સુભાગપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દોડા) અમદાવાદ

[3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોકીપોળ, શ્વે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્વે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્વે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્વે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા. આ. શ્રી વિજયરામચંદ્રસૂરીશ્વરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, મુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેવેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાયણા શ્રમણીવર્યા શ્રી અનંતગુણશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

● ૪૫ - આખમ સેટ-ચોજના ગ્રાહક - દાતા ●

પ. પૂ. સા. સૌમ્યગુણશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુણીબેન જ્વાનંદભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, ચુડા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. મહેતા, ધાન, હાલ-મદ્રાસ
૬. શ્રીમતી મયુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણિબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મૃદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજાશ્રીજીની પ્રેરણાથી - હાલ પુણિયાવાળા

૧ કાંતિલાલ હજરીલાલ ચોવટીયા

૨ સંપત્તી રતનલાલ ભગવાનદાસ રાહોડ

૩ મધુમતી રાજેશ રેદાસની

૪ સરલાબેન રમેશચંદ્ર વોરા

૫ સુખનભાઈ બાલચંદજી ચોરડીયા

૬ અ.સૌ.હંતાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ રતીલાલ રાણપુરાવાળા તરફથી

૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

૧ સુખડીયા હસમુખલાલ વનેચંદ (જમવંચલી) નંદુરબાર

૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર

૩ સા. સમજાશ્રીજીની પ્રેરણાથી શ્રી અજિતનાથ - મંદિર શ્રે. મૂર્તિ સંઘના શ્રાવિકાબહેનો નંદુરબાર

૪ સા. સમજાશ્રીજીની પ્રેરણાથી - શાહ મુનિલાલજી શિવલાલજી, સોનગીર

૫ સુખડીયા ચત્રભુજ જગમોહનદાસ હ. વીરાભાઈ - પોરાજી

૬ શાહ પદ્મલાલ ફકીરચંદ, વિવિહારક (ડભોઈ) હાલ-અમદાવાદ

૭ સા. શ્રી સૌમ્યગુણશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ

૮ સા. શ્રી સૌમ્યગુણશ્રીજીની પ્રેરણાથી શ્રીમતી જસુદેવેન લક્ષ્મીચંદ મેતા, હ. ઈન્દુભાઈ દામાણી, સુરત

૯ સા. શ્રી મોક્ષરત્નાશ્રીજીની પ્રેરણાથી સ્વ. સોમચંદ બોધાભાઈ પરિવાર હ. બાલુબેન, ચમપુરા

૧૦ પૂ. આગમોદ્ધારકશ્રીના સમુદાયના દીર્ઘસંઘથી વિદુષી સા. શ્રી મુતારાશ્રીજી જામનગરવાળાના ઉપદેશથી તથા તેમના પદ્મશિષ્યાની પુનિત પ્રેરણાથી

૧૧ ભોગીલાલ ત્રીભોવનદાસ શાહ, હ. નમનાબેન, વડોદરા

૧૨ સંગીતા અજમેરીયા - મોરબી

● ૪૫ આમનસોદ યોજના-જામદાતા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણશ્રીજીની પ્રેરણાથી કિરણબેન અજિતકુમાર કાપડીયા, વડોદરા

૩. સા. શ્રી સમજાશ્રીજીની પ્રેરણાથી - શ્રી નિજામપુરા જૈન સંઘ, વડોદરા

૪. સા. શ્રી સમજાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા

૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, નંદુરબાર

૬. માણેકબેન શાહ- વડોદરા

૭. શોભનાબેન શાહ - વડોદરા

:- गं था णु क्क म :-

क्रमको	अन्धायणं	सुतं	बाहा	अणुक्कम	पिङ्गको
१	आनंद	१-१७	१-	१-१९	२-१२
२	कामदेव	१८-२६	-	२०-२८	१२-२१
३	चुलणी पिता	२७-२९	-	२९-३१	२१-२६
४	सुरादेव	३०-३१	-	३२-३३	२६-३२
५	चुल्लसय	३२-३४	-	३५-३६	३२-३८
६	कुडकोतिअ	३५-३८	-	३७-४०	३८-४२
७	सहालपुत	३९-४५	-	४१-४७	४२-५२
८	महासतय	४६-५४	-	४८-५६	५२-५६
९	नंदिनीपिया	५५-	-	५७-	५६-६०
१०	सेइयापिता	५६-७२	२-१३	५८-७३	६०-६३

परिसिट्ठ-निदंसणं

क्रम	परिसिट्ठं	पिङ्गको
१	विसयाणुक्कमो	८
२	विसिट्ठसंघाणुक्कमो	८
३	विसेध नाभाणुक्कमो	८
४	गाहाणुक्कमो	८
५	सुत्ताणुक्कमो	८

नमो नमो निम्पल दंसणस्स
पंचम गणघर श्री सुषर्मा स्वाभिने नमः

७

उवासग दसाओ

सत्तपं अंगसुत्तं

पढमं अज्झयणं—आणंदे

(१) तेणं कालेणं तेणं समएणं चंपा नामं नयरी होत्था-वण्णओ पुण्णभदे चेइए-वण्णओ

११-१

(२) तेणं कालेणं तेणं समएणं [समणस्स भगवओ महावीरस्स अंतेवासी] अज्जसुहम्मे [नामं धेरे जातिसंपण्णे कुलसंपण्णे बलसंपण्णे रूढसंपण्णे विणयसंपण्णे नाणसंपण्णे दंसणसंपण्णे चरित्तसंपण्णे सज्जासंपण्णे लाघवसंपण्णे ओयंसी तेयंसी वच्चंसी जसंसी जियकोहे जियमाणे जियामाए जियलोमे जियणिदे जिइंदिए जियपरीसहे जीवियासमरणभयविष्णुमुक्के तवप्पहाणे गुणपुप्पहाणे करणप्पहाणे घरणप्पहाणे निग्गहप्पहाणे निच्छवप्पहाणे अज्जवप्पहाणे मद्दवप्पहाणे लाघवप्पहाणे खंतिप्पहाणे गुत्तिप्पहाणे मुत्तिप्पहाणे विज्जप्पहाणे मंतप्पहाणे बंभप्पहाणे वेयप्पहाणे नयप्पहाणे नियमप्पहामे सन्नप्पहामे सोयप्पहाणे नाणप्पहामे दंसणप्पहाणे चरित्तप्पहाणे ओराले घोरे घोरमुणे घोरतवस्सी घोरबंभवेरवासी उच्छूढसरीरे संखित्तविउलतेयलेस्से चउदसपुव्वी चउनाणोवगए पंचहिं अणगारसएहिं सद्धिं संपरिवुडे पुव्वाणुपुव्विं चरमाणे गामाणुगामं दूइज्जमाणे सुहंमुहेणं विहरमाणे जेणेव चंपा नयरी जेणेव पुत्रभदे चेइए तेणेव उवागच्छइ चंपानयरी बहिया पुण्णभदे चेइए अहापडिरूवं ओगहं ओगिण्हइ ओगिण्हिता संजमेणं तवसा अप्पाणं भावेमाणे विहरइ तेणं कालेणं तेणं-समएणं अज्जसुहम्मस्स धेरस्स जेइ अंतेवासी अज्जजंबू नामं अणगारे कासव गोत्तेमं सत्तुस्सेहे समचउरंससंठाणसंठिए वइरिसहणारायसंघयणे कणगपुलगनिघस-पण्णारे उगगतवे दित्ततवे तत्ततवे महातवे ओराले घोरे घोरमुणे घोरतवस्सी घोरबंभवेरवासी उच्छूढसरीरे संखित्तविउलतेयलेस्से अज्जसुहम्मस्स धेरस्स अदूरसापंते उइहंजाणू अहोसिरे ज्ञाणकोट्टोवगए संजमेणं तवसा अप्पाणं भावेमाणे विहरइ तए णं से अज्जजंबू नामं अणगारे जायसइहे जायसंसए जायकोऊहल्ले उपण्णसइहे उपण्णसंसए उपण्णकोऊहल्ले संजायसंसए संजायकोऊहल्ले समुपण्णसइहे समुपण्णसंसए समुपण्णकोऊहल्ले उड्डाए उट्टेइ उट्टेत्ता जेणेव अज्जमसुहम्मे धेरे तेणेव उवागच्छइ उवागच्छिता अज्जसुहम्मं धेरं तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता नच्चासण्णे नाइदूरे सुस्सूसमाणे नमंसमाणे अभिमुहे विणएणं पंजलिउडे] पज्जुवासमाणं एवं वयासी-जइ णं भंते समणेणं भगवया महावीरेणं जाव संपत्तेणं छट्ठस्स अंगस्स नायाधम्मकहाणं अयमट्ठे पत्रत्ते सत्तमस्स णं भंते अंगस्स उवासगदसाणं समणेणं भगवया महावीरेणं जाव संपत्तेणं के अट्ठे पत्रत्ते एवं खलु जंबू समणेणं भगवया महावीरेणं जाव संपत्तेणं सत्तमस्स अंगस्स उवासगदसाणं दस अज्झयणा पन्नत्ता तं जहा-१२-११-२-१

(३) आणंदे कामदेवे य गाहावत्तिचुलणीपिता

सुरादेवे चुल्लसयाए गाहावइकुंडकोलिए

सदालपुत्ते महासतए नंदिणीपिया लेइयापिता

॥१॥-१

(४) जइ णं भंते समणेणं भगवया महावीरेणं जाव संपत्तेणं सत्तामस्स अंगस्स उवाग-
दसाणं दस अञ्जयणा प. पढमस्स णं भंते समणेणं भगवया महावीरेणं जाव संपत्तेणं के अट्टे प. ॥२॥-२

(५) एवं खलु जंबू तेणं कालेणं तेणं समएणं वाणियगामे नामं नयरे होत्था-वण्णओ तस्स
वाणियगामस्स नयरस्स बहिया उत्तरपुरत्थिमे दिसीमाए एत्थ णं दूइपलासए नामं चेइए तत्थ णं
वाणियगामे नयरे जियसत्तू राया होत्था-वण्णओ तत्थ णं वाणियगामे नयरे आणंदे नामं गाहावई
परिवसइ-अट्टे [दित्ते वित्ते विच्छिण्णविउलभवण-सयणासण-जाणवाहणे बहुधण-जायकूरुव
रयए ओगपओगसंपत्ते विच्छड्डियपउरभत्तापाणे बहुदासी-दास-गो-महिंस-गवेलगण्णभूए बहुज-
णस्स] अपरिभूए तस्स णं आनंदस्स गाहावइस्स चत्तारि हिरण्णकोडीओ निहाणपउत्ताओ चत्तारि
हिरण्णकोडीओ वडिहपउत्ताओ चत्तारि हिरण्णकोडीओ पवित्थरपउत्ताओ चत्तारि वया दस-
गोसाहस्सिएणं वएणं होत्था से णं आनंदे गाहावई बहूणं राईसर-[तलवर-माडंबिय-कोडुंबिय-इअ-
सेट्टिसेणावेइ]-सत्थवाहाणं बहसु कजेसु य कारणेसु य कुडुंबेसु य भंतेसु य गुज्जेसु य रहस्सेसु य
निच्छएसु य ववहारेसु य आपुच्छणिजे पडिपुच्छणिजे सयस्स वि य णं कुडुंबस्स मेढी पमाणं आहारे
आलंबणं चक्खु मेढीभूए पमाणभूए आहारभूए आलंबणभूए चक्खुभूए सव्वकअवहवए यावि
होत्था तस्स णं आनंदस्स गाहावइस्स सिवानंदा नाम भारिया होत्था-अहीण-जाव सुल्ला आनंदस्स
गाहावइस्स इट्ठा आनंदेणं गाहावइणा सट्ठि अनुसत्ता अविरत्ता इट्ठे सट्ठ-फरिस-रस-रूव-गंधे पंच-
विहे माणुस्सए कामभोए पच्चणुभवमाणी विहरइ तस्स णं वाणियगामस्स नयरस्स बहिया उत्तर-
पुरत्थिमे दिसीमाए एत्थ णं कोल्लाए नामं सण्णिवेसे होत्था-रिद्धत्थिमिए जाव पासादिए दरिसणिजे
अभिरूवे पडिरूवे तत्थ णं कोल्लाए सण्णिवेसे आनंदस्स गाहावइस्स बहवे मित्त-नाइ-नियग-सयण-
संबंधि-परिजणे परिवसइ-अट्टे जाव बहुजणस्स अपरिभूए तेणं कालेणं तेणं समएणं समणे भगवं
महावीरे जाव [जेणेव वाणियगामे नयरे जेणेव दूइपलासए चेइए तेणेव उवागच्छइ उवागच्छिता
अहापडिरूवं ओगगहं ओगिणिहत्ता संजमेणं तवसा अप्पाणं भावेमाणे विहरइ] परिसा निगगया
कूणिए राया जहा तहा जियसत्तू निग्गच्छइ जाव पज्जुवासइ

तए णं से आनंदे गाहावई इमीसे कहाए लट्ठडे समाणे-एवं खलु समणे [भगवं महावीरे
पुव्वाणुपुत्थि चरमाणे गामाणुगामं दूइअमाणे इहमागए इह संपत्ते इह समोसडे इहेव वाणियगामस्स
नयरस्स बहिया दूइपलासए चेइए अहापडिरूव ओगगहं ओगिणिहत्ता संजमेणं तवसा अप्पाणं
भावेमाणे विहरइ तं महप्फलं खलु भो देवाणुप्पिया तहारूवाणं अरहंताणं भगवंताणं नामगोयस्स वि
सवणयाए किमंग पुण अभिगमण-वंदण-नमंसण-पडिपुच्छण पज्जुवासणयाए एगस्सवि आरियस्स
घम्मियस्स सुवयणस्स सवणयाए किमंग पुण विउलस्स अट्टस्स गहणयाए तं गच्छामि णं देवाणु-
प्पिया समणं भगवं महावीरं वंदामि नमंसांमि सक्कारेमि सम्माणेमि कल्लाणं मंगलं देवयं चेइयं]
पज्जुवासामि-एवं सपेहेइ संपेहिता ण्हाए [कयबलिकम्मे कय-कोउयमंगलपायच्छित्ते सुद्धप्पावेस-
आई मंगल्लाई यत्थाई पवर परिहिए] अप्पमहाधाभरणालंकिररीरे सयाओ मिहाओ पडिणिक्खमइ
पडिणिक्खमिता सकोरं टमल्लदामेणं छत्तेणं धरिअमाणेणं मणुस्सवगुरापरिचित्ते पादविहारचारेणं
वाणियगामं नयरं मज्झमज्जेणं निग्गच्छइ निग्गच्छिता जेणामेव दूइपलासए चेइए जेणेव समणे

भगवं महावीरे तेणेव उवागच्छइ उवागच्छिता समणं भगवं महावीरं तिकखुत्तो आयाहिण-पया-
हिणं करेइ करेता वंदइ नमंसइ जाव पजुवासइ ।३।३

(६) तए णं समणे भगवं महावीरे आनंदस्स गाहावइस्स तीसे य महइमहालियाए परिसाए
जाव धम्मं परिकहेइ परिसा पडिगया रायाय गए ।४।४

(७) तए णं से आणंदे गाहावइ समणस्स भगवओ महावीरस्स अंतिए धम्मं सोच्चा निसम्मं
हइतुइ-चित्तमाणंदिए पीइमणे परमसोमणस्सिए हरिसवसविसप्पमाणहियए उट्ठाए उट्ठेइ उट्ठेत्ता
समणं भगवं महावीरं तिकखुत्तो आयाहिण-पयाहिणं करेइ करेता वंदइ नमंसइ वंदेत्ता नमंसित्ता।
एवं वयासी सद्दाहमि णं भंते निगगंथं पावयणं पत्तियामि णं भंते निगगंथं पावयणं रोएमि णं भंते
निगगंथं पावयणं अब्भुट्ठेमि णं भंते निगगंथं पावयणं एवमेयं भंते तहमेयं भंते अवितहमेयं भंते
असंदिद्धमेयं भंते इच्छियमेयं भंते पडिच्छियमेयं भंते इच्छिमपडिच्छियमेयं भंते। हेयं तुभ्ये वदह जहा
णं देवाणुप्पियाणं अंतिए बहवे राईसर-तलवर-माडंबिय-कोडुंबिय-इब्भ-सेड्डि-सेणावड-सत्थवा-
हप्पभिइया मुंडा जाव पव्वइया नो खलु अहं तथा संचाएमि मुंडे भवित्ता अगाराओ अणगारियं
पव्वइयत्ताए अहं णं देवाणुप्पियाणं अंतिए पंचाणुव्वइयं सत्तसिक्खावडयं-दुवालसविहं सावगधम्म
पडिवज्जिस्सामि अहासुहं देवाणुप्पिया मा पडिबंथं करेहि ।५।५

(८) तए णं से आनंदे गाहावइ समणस्स भगवओ महावीरस्स अंतिए तप्यंढमयाए धूलयं
पाणाइयायं पच्चक्खाइ जावज्जीवाए दुविहं तिविहेणं-न करेमि न कारवेमि मणसा वयसा कायसा
तयाणंतरं च णं धूलयं मुसावायं पच्चक्खाइ जावज्जीवाए दुविहं तिविहेणं न करेमि न कारवेमि
मणसा वयसा कायसा तयाणंतरं च णं धूलयं अदिन्नादाणं पच्चक्खाइ जावज्जीवाए दुविहं तिविहेणं-
न करेमि न कारवेमि मणसा वयसा कायसा तयाणंतरं च णं सदारसंतोसीए परिमाणं करेइ-नत्रत्थ
एक्काए सिवनंदाए भारियाए अवसेसं सव्वं मेहुणविहिं पच्चक्खाइ तयाणंतरं च णं इच्छापरिमाणं
करेमाण-हिरण-सुवण्णविहिपरिमाणं करेइ-नत्रत्थ चउहिं हिरणकोडीहिं निहाणपउत्ताहिं चउहिं
वडिदपउत्ताहिं चउहिं पवित्थरपउत्ताहिं अवसेसं सव्वं हिरण-सुवण्णविहिं पच्चक्खाइ तयाणंतरं
च णं चउप्पयविहिपरिमाणं करेइ-नत्रत्थ चउहिं वएहिं दसगोसाहस्सिएणं वएणं अवसेसं सव्वं
चउप्पयविहिं पच्चक्खाइ तयाणंतरं च णं खेत्त-वत्थुविहिपरिमाणं करेइ-नत्रत्थ पंचहिं हलसएहिं
नियतणसतिएणं हलेणं अवसेसं सव्वं खेत्त-वत्थुविहिं पच्चक्खाइ तयाणंतरं च णं सगडविहि-
परिमाणं करेइ-नत्रत्थ पंचहिं सगडसएहिं दिसायत्तिएहिं पंचहिं सगसएहिं संवहणिएहिं अयसेसं
सव्वं सगडविहिं पच्चक्खाइ तयाणंतरं च णं वाहणविहिपरिमाणं करेइ-नत्रत्थ चउहिं वाहणेहिं
दिसायत्तिएहिं चउहिं वाहणेहिं संवहणिएहिं अवसेसं सव्वं वाहणविहिं पच्चक्खाइ तयाणंतरं च णं
उवमोग-परिमोगविहिं पच्चक्खायमाणे-उल्लणियाविहिपरिमाणं करेइ-नत्रत्थ एगाए गंधकासाईए
अवसेसं सव्वं उल्लणियाविहिं पच्चक्खाइ तयाणंतरं च णं दंतवणविहिपरिमाणं करेइ-नत्रत्थ एणेणं
अल्लट्ठीमहुएणं अवसेसं सव्वं दंतवणविहिं पच्चक्खाइ तयाणंतरं च णं फलविहिपरिमाणं करेइ-
नत्रत्थ एणेणं खीरामलएणं अवसेसं सव्वं फलविहिं पच्चक्खाइ तयाणंतरं च णं अब्भंगणविहि-
परिमाणं करेइ-नत्रत्थ सयपागसहस्सपागेहिं तेलेहिं अवसेसं सव्वं अब्भंगणविहिं पच्चक्खाइ तया-
णंतरं च णं उव्वट्ठणाविहिपरिमाणं करेइ-नत्रत्थ एणेणं सुरभिणा गंधट्टएणं अवसेसं सव्वं उव्वट्ठणा-
विहिं पच्चक्खाइ तयाणंतरं च णं मज्जणविहिपरिमाणं करेइ-नत्रत्थ अट्ठहिं उट्ठिएहिं उदगस्स घडेहिं

अवसेसं सत्त्वं मज्जनविहिं पच्चक्खाइ तयाणंतं च णं वत्थविहिपरिमाणं कोइ-नत्तत्थ एणेणं खोम-
जुयलेणं अवसेसं सत्त्वं वत्थविहिं पच्चक्खाइ तयाणंतं च णं विलेवणविहिपरिमाणं कोइ-नत्तत्थ
अगरु-कुंकुमचंदणमादिएहिं अवसेसं सत्त्वं विलेवणविहिं पच्चक्खाइ तयाणंतं च णं पुप्फविहि-
परिमाणं कोइ-नत्तत्थ एणेणं सुद्धपउमेणं मालइकुसुमदामेणं वा अवसेसं सत्त्वं पुप्फविहिं पच्चक्खाइ
तयाणंतं च णं आभरणविहिपरिमाणं कोइ-नत्तत्थ मद्रुकण्णेज्जएहिं नाममुद्दाए य अवसेसं सत्त्वं
आभरणविहिं पच्चक्खाइ तयाणंतं च णं धुवणविहिपरिमाणं कोइ-नत्तत्थ अगरु-तुरुक्क-धूवमा-
दिएहिं अवसेसं सत्त्वं धूवणविहिं पच्चक्खाइ तयाणंतं च णं भोयणविहिपरिमाणं करेमाणेपेज्ज-
विहिपरिमाणं कोइ-नत्तत्थ एणाए कट्टपेज्जाए अवसेसं सत्त्वं पेज्जविहिं पच्चक्खाइ तयाणंतं च णं
भक्खविहिपरिमाणं कोइ-नत्तत्थ एणेहिं धयपुण्णेहिं खंडखज्जएहिं वा अवसेसं सत्त्वं भक्खविहिं
पच्चक्खाइ तयाणंतं च णं ओदणवि-हिपरिमाणं कोइ-नत्तत्थ कलमसालि ओदणेणं अवसेसं सत्त्वं
ओदणविहिं पच्चक्खाइ तयाणंतं च सूवविहिपरिमाणं कोइ-नत्तत्थ कलायसूवेणं वा मुगासूवेण वा
माससूवेण वा अवसेसं सत्त्वं सूवविहिं पच्चक्खाइ तयाणंतं च णं धयविहिपरिमाणं कोइ-नत्तत्थ
सारदिणं गोघयमंडेणं अवसेसं सत्त्वं धयविहिं पच्चक्खाइ तयाणंतं च णं सागविहिपरिमाणं कोइ-
नत्तत्थ वत्थुसाएणं वा तुंबसाएण वा सुत्थिसाएण वा मंडुक्किक्कसाएण वा अवसेसं सत्त्वं सागविहिं
पच्चक्खाइ तयाणंतं च णं माहुरयविहिपरिमाणं कोइ-नत्तत्थ एणेणं पालंकापाहुरणं अवसेसं
सत्त्वं माहुरयविहिं पच्चक्खाइ तयाणंतं च णं तेमणविहिपरिमाणं कोइ-नत्तत्थ सेहंवदालियंबेहिं
अवसेसं सत्त्वं तेमणविहिं पच्चक्खाइ तयाणंतं च णं पाणियविहिपरिमाणं कोइ-नत्तत्थ एणेणं
अंतलिकखोदणं अवसेसं सत्त्वं पाणियविहिं पच्चक्खाइ तयाणंतं च णं मुहवासविहिपरिमाणं
कोइ-नत्तत्थ पंचसोगंधिणं तंबोलेणं अवसेसं सत्त्वं मुहवासविहिं पच्चक्खाइ तयाणंतं च णं
चउच्चिहं अणट्ठादंडं पच्चक्खाइ तं जहा-अवज्झाणाघरितं पमायाचरितं हिंसप्याणं पायकम्मो-
वदेसे।६।६

(१) इहखलु आनंदाइ समणे भगवं महावीरे आनंदं समणोवासगं एवं वयासी-एवं खलु
आनंदा समणोवासएणं अभिगयजीवाजीवेणं [उवल्लहपुण्णपावेणं आसय संवर-निज्जर-किरिया-
अहिगरण-बंधमोक्खकुसलेणं असहेज्जेणं देवासुरनाग-सुवण्ण-जकअख-रक्खस-किण्णर-किंपु-
रिस-गरुल-गंधव्व-महोरगाइएहिं देवगणेहिं निगंथाओ पावयणाओ] अणइक्कमणिज्जेणं सम्म-
त्तस्स पंच अतियारा पेयाला जाणियव्वा न समायरियव्वा तं जहा-संका कंखा वितिगिच्छा
परपासंडपसंसा परपासंडसंघवो तयाणंतं च णं धूलयस्स पाणाइवायवेरमणस्स समणोवासएणं
पंच अतियारा पेयाला जाणियव्वा न समायरियव्वा तं जहा बंधे यहे छदिच्छेदे अतिभारे भत्तपाण-
वोच्छेदे तयाणंतं च णं धूलयस्स मुसावायवेरमणस्स समणोवासएणं पंच अतियारा जाणियव्वा न
समायरियव्वा तं जहा-सहसाभक्खाणे रहस्सभक्खाणे सदारमंतभेए मोसेवएसे कूडलेहकरणे
तयाणंतं च णं धूलयस्स अदिन्नादाणवेरमणस्स समणोवासएणं पंच अतियारा जाणियव्वा न
समायरियव्वा तं जहा-तेणाहडे तक्करप्पओगे विरुद्धरज्जातिकक्कमे कूडतुल-कूडमाणे तप्पडिरुद-
गववहारे तयाणंतं च णं सदारसंतोसीए समणोवासएणं पंच अतियारा जाणियव्वा न समायरि-
यव्वा तं जहा-इत्तरियपरिगगहियागमणे अपरिगगहियागमणे अणंगकिट्ठा परवीवाहकरणे कामभोगे
तिव्वाभिलासे तयाणंतं च णं इच्छापरिमाणस्स समणोवासएणं पंच अतियारा जाणियव्वा न

समायरियव्वा तं जहा-खेतवत्पुपमाणत्तिकम्मे हिरण्णसुवण्णपमाणत्तिकम्मे घण धण्णपमाण-
 त्तिकम्मे दुपयचउप्पयपमाणत्तिकम्मे कुवियपमाणत्तिकम्मे तयाणंतरं च णं दिसिबयस्स सप्-
 णोवासएणं पंच अतियारा जाणियव्वा न समायरियव्वा तं जहा उड्ढदिसिपमाणत्तिकम्मे अहो-
 दिसिपमाणत्तिकम्मे तिरियदिसिपमाणत्तिकम्मे खेतवुड्ढी सतिअंतरद्धा तयाणंतरं च णं उव-
 भोगपरिभोगे दुविहे पत्रत्ते तं जहा-भोयणओ कम्मओ य भोयणओ सप्पणोवासएणं पंच अति-
 यारा जाणियव्वा न समायरियव्वा तं जहा-सविताहारे सचित्तपडिबद्धाहारे अप्पउलिओसहि-
 भक्खणया दुप्पउलिओसहिभक्खणया तुच्छोसहिभक्खणया कम्मओ णं सप्पणोवासएणं पत्ररस
 कम्मा- दाणाई जाणियव्वाइं न समायरियव्वाइं तं जहा-इंगालकम्मे वणकम्मे साडीकम्मे भाडीकम्मे
 फोडीकम्मे दंतवाणिज्जे लक्खवाणिज्जे रसवाणिज्जे विसवाणिज्जे केसवाणिज्जे जंतपीलणकम्मे
 निल्लंछणकम्मे दवग्गिदावणया सरदहतलागपरिसोसणया असतीजणपोसणया तयाणंतरं च णं
 अणद्धादंडवे- रमणस्स सप्पणोवासएणं पंच अतियारा जाणियव्वा न समायरियव्वा तं जहा-कंदप्पे
 कुक्कुइए मोहरिए संजुत्ताहिकरणे उवभोगपरिभोगातिरित्ते तयाणंतरं च णं सामाइयस्स सप्पणो-
 वासएणं पंच अतियारा जाणियव्वा न समायरियव्वा तं जहा-मणदुप्पणिहाणे वड्ढुप्पणिहाणे काय-
 दुप्पणिहाणे सामाइयस्स सतिअकरणया सामाइयस्स अणवद्वियस्स करणया तयाणंतरं च णं देसा-
 वगासियस्स सप्पणोवासएणं पंच अतियारा जाणियव्वा न समायरियव्वा तं जहा-आणवणप्पओगे
 पेसणवणप्पओगे सद्धानुवाए रुवाणुवाए वहियापोगलपक्खेवे तयाणंतरं च णं पोसहोववासस्स
 सप्पणोवासएणं पंच अतियारा जाणियव्वा न समायरियव्वा तं जहा- अप्पडिलेहियदुप्पडिलेहिय-
 सिज्जासंधारे अप्पमज्जिय-दुप्पमज्जिया-सिज्जासंधारे अप्पडिलेहिय-दुप्पडिलेयउच्चारपासवणभूमी
 अप्पमज्जिय-दुप्पमज्जिय-उच्चारपासवणभूमी पोसहोववासस्स सम्मं अणणुपालणया तयाणंतरं च णं
 अहासंविभागस्स सप्पणोवासएणं पंच अतियारा जाणियव्वा न समायरियव्वा तं, सचित्तनिकखे-
 वणया सचित्तपिहणया कालात्तिकम्मे परववदेसे मच्छरियया तयाणंतरं च णं अपच्छिममारणंति-
 यसंलेहणाज्जूसणाराहणाए पंच अतियारा जाणियव्वा न समायरियव्वा तं, इहलोगासंसप्पओगे पर-
 लोगासंसप्पओगे जीवियासंसप्पओगे मरणासंसप्पओगे कामभोगासंसप्पओगे । ७।-४

(१०) तएणं से आनंदे गाहावई सप्पणस्स भगवओ महावीरस्स अंतिए पंचाणुव्वइयं
 सत्तसिक्खावइयं-दुवालसविहं सावयधम्मं पडिवज्जति पडिवज्जिता समणं भगवं महावीरं वंदइ
 नमंसइ वंदित्ता नमंसित्ता एवं दयासी-नो खलु मे भंते कप्पइ अज्जप्पभिइ अण्णउत्थिए वा
 अण्णउत्थिय-देवयाणि वा अण्णउत्थिय-परिगहियाणि वा अरहंतचेइयाइं वंदित्ते वा नमंसित्ते
 वा पुंविं अणालत्तेणं आलवित्ते वा संलवित्ते वा तेसिं असणं वा पाणं वा खाइमं वा साइमं वा
 दाउं वा अनुप्पदाउं वा नत्थ रायाभिओगेणं गणाभिओगेणं बलाभिओगेणं देवयाभिओगेणं गुरु-
 निगहेणं वित्तिकंतारेणं कप्पइ मे समणे निगंथे फासु-एसणिज्जेणं असण-पाण-खाइम-साइमेणं
 वत्थ पडिग्गह-कंबल-पायपुंछणेणं पीढ-फल-सेज्जा-संधारएणं ओसह-भेसज्जेणं य पडिल्लभेमाण-
 स्स विहरित्ते-त्ति कइ इमं एयारूवं अभिग्गहं अभिगिण्हइ अभिगिण्हित्ता पसिणाइं पुच्छइ
 पुच्छित्ता अट्ठाइं आदियइ आदित्ता समणं भगवं महावीरं तिक्खुत्ते वंदइ नमंसइ वंदित्ता नमंसित्ता
 सप्पणस्स भगवओ महावीरस्स अंतियाओ दूइपलासाओ चेइयाओ पडिणिक्खमइ पडिणिक्ख-
 भित्ता जेणेव वाणियगामे नयरे जेणेव सए गिहे जेणेव सिवानंदा भारिया तेणेव उवागच्छइ

उवागच्छिता सिवानंद भारियं एवं वयासी-एवं खलु देवाणुप्पिए मए समणस्स भगवओ महावीरस्स अंतिए धम्मं निसंते से वि य धम्मं मे इच्छिए पडिच्छिए अभिरुइए तं गच्छाहि णं तुमं देवाणुप्पिए समणं भगवं महावीरं वंदहि जाव पज्जुवासाहि समणस्स भगवओ महावीरस्स अंतिए पंचाणुव्वइयं सत्तसिक्खावइयं-दुवालसविहं गिहिधम्मं पडिवज्जहि । ८८-४

(११) तए णं सा सिवानंदा भारिया आनंदेणं समणोवासएणं एवं वुत्ता समाणा हट्ठतुट्ठ जाव सिरसावत्तं मत्थए अंजलिं कट्ठु एवं सामि ति आणंदस्स समणोवासगस्स एयमट्ठं विणएणं पडि-सुणेइ तए णं से आणंदे समणोवासए कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया लहुकरणजुत्त-जोइयं समखुरवालिहाण-समलिहियसिंणएहिं जंबूणयामयकलावजुत्त-पडिदिसिद्धएहिं रययामयघंट-सुतरज्जुगवरकंचणखचियनत्थपगहोग्गहियएहिं नीलुप्पकयामेल-एहिं पवरगोणजुवाणएहिं नाणामणिकणग-घंटियाजालपरिगयं सुजायजुगजुत्त-उज्जुग-पसत्थसु-विरइनिम्मियं पवरलक्खणोववेयं जुत्तामेव धम्मियं जाणप्पवरं उवड्डवेह उवड्डवेत्ता मम एयमाण-तिय पच्चप्पिणह तए णं ते कोडुंबियपुरिसा आणंदेणं समणोवासएणं एवं वुत्ता समाणा हट्ठतुट्ठचि-त्तमाणंदिया जाव एवं सामि ति आणाए विणएणं वयणं पडिसुणेति पडिसुणेत्ता खिप्पामेव लहु-करणजुत्त-जोइयं जाव धम्मियं जाणप्पवरं उवड्डवेत्ता तमाणत्तियं पच्चप्पिणंति तए णं सा सिवानंदा भारिया ण्हाया कयबलिकम्भा कय-कोउय-मंगलपायच्छिता सुद्धप्पावेसाइं मंगलाइं वत्थाइं पवर परिहिया अप्पहमहत्थाभरणालंकियसरीरा चेडियाचक्कवालपरिकिण्णा धम्मियं जाणप्पवरं दुरु-हइ दुरिहिंता वाणियगामं नयरं मज्झमज्जेणं निगगच्छइ निगगच्छिता जेणेव समणे भगवं महावीरे तेणेव उवागच्छइ उवागच्छिता तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता नच्चासण्णे नाइदूरे सुस्सूसमाणा नमंसमाणा अभिमुहेविणएणं पंजलियडा पज्जुवासइ तए णं समणे भगवं महावीरे सिवानंदाए तीसे य महइमहालियाए परिसए जाव धम्मं परिकहेइ तए णं सा सिवानंदा भारिया समणस्स भगवओ महावीरस्स अंतिए धम्मं सोच्चा निसम्मं हट्ठतुट्ठ-चित्त-माणंदिया जाव उट्टाए उट्टेइ उट्टेत्ता समणं भगवं महावीरं तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता एवं वयासी-सद्दाहामि णं भंते निगंयं पावयणं जाव इच्छिय-मेयं भंते पडिच्छियमेयं भंते इच्छिय-पडिच्छियमेयं भंते से जहेयं तुब्बे वदइ जहा णं देवाणुप्पियाणं अंतिए बहवे राईसर-तलवर-माडंबिय-कोडुंबिय-इब्ब-सेडि-सेणावइ-सत्थवाहप्पभि इया मुंडा भविता अगाराओ अणगारियं पव्वइया नो खलु अहं तथा संचाएमि मुंडा भविता अगाराओ अण-गारियं पव्वइत्ता अहं णं देवाणुप्पियाणं अंतिए पंचाणुव्वइयं सत्तसिक्खावइयं-दुवालसविहं गिहिधम्मं पडिवज्जिस्सामि अहासुहं देवाणुप्पिया मा पडिबंध्यं करेहि तए णं सिवानंदाभारिया सम-णस्स भगवओ महावीरस्स अंतिए पंचाणुव्वइयं सत्त-सिक्खावइयं-दुवालसविहं गिहिधम्मं पडि-वज्जइ पडिवज्जिता समणं भगवं महावीरं वंदइ नमंसइ वंदित्ता नमंसित्ता तमेव धम्मियं जाणप्पवरं दुरुहइ दुरुहिंता जामेव दिसं पाउब्भूया तामेव दिसं पडिगया । ११-४

(१२) भंतेति भगवं गोयमे समणं महावीरं वंदइ नमंसइ वंदित्ता नमंसित्ता एवं ययासी-पहू णं भंते आणंदे समणोवासए देवाणुप्पियाणं अंतिए मुंडे [भविता अगाराओ अणगारियं] पव्वइत्ताए नो इण्ठे समट्ठे गोयमा आणंदे णं समणोवासए वहूइं वासाइं समणोवासगपरियाणं पाउणिहित्ति पाउणिता [एक्कारस य उवासगपडिमाओ सम्मं काएणं फासित्ता मासिए संलेहणाए अत्ताणं

झूसिता सडि भताइं अणसणाए छेदेता आलोइय-पडिक्कंते समाहिपते कालमासे कालं किछा। सोहम्मे कप्ये अरुणामे विमाणे देवताए उववजिहिति तत्थ णं अत्थेगइयाणं देवाणं चत्तारि पत्ति-ओवमाइं ठिई पन्नत्ता तत्थ णं आणंदस्स वि समणोवासगस्स चत्तारि पत्तिओवमाइं ठिई पन्नत्ता भविस्सई तए णं समणे भगवं महावीरे अण्णदा कदाइ जाव विहरइ । १०।-१०

(१३) तए णं से आणंदे समणोवासए जाए-अभिगयजीवाजीवे [उवलल्लुपुण्णापावे आसवसंवरनिज्जर - किरिया - अहिगरण - बंधमोक्खकुसले असहेजे देवासुरणागसुवणजकूखर-क्खस-किण्णर-किंपुरिस-गरुल-गंधव्व-महोरगाइएहिं देवगणेहिं निगंथाओ पावयणाओ अण्ड-क्कमणिजे निगंथे पावयणे निस्संकिए निक्कंखिए निव्वितितिच्छे लख्खे गहियट्ठे पुच्छियट्ठे अभिगयट्ठे विणिच्छियट्ठे अट्ठिभिज्जेपमाणुरागस्ते अयमाउसो निगंथे पावयणे अट्ठे अयं परमट्ठे सेसे अण्डेऊसियफलिहेअंवंगुयदुवारेचियत्तंतेउर-परघरदार-प्पवेसेचाउइसट्ठमुदिट्ठ-पुण्णमा-सिणीसु पडिपुण्णं पोसहं सम्म अणुपालेत्ता समणे निगंथे फासु एसणिजेणं असण-पाण-खाइमं-साइमेणं वत्थ-पडिगह-कंबल-पायपुंछणेण ओसह-भेसजेणं पाडिहारिएणं य पीढ-फलग-सेज्जा-संधारएणं] पडिलामे माणे विहरइ तए णं सा सिवानंदा भारिया समणोवासिया जाया-अभिगय- जीवाजीवा समणे निगंथे फासु-एसणिजेणं असण-पाण-खाइम-साइमेणं वत्थ-पडिगह कंबल-पायपुंछणेणं ओसह-भेसजेणं पाडिहारिएणयपीढ-फलग-सेज्जा-संधारएणं] पडिलाभेमाणीविहरइ। ११।-११

(१४) तए णं तस्स आनंदस्स समणोवासगस्स उच्चावएहिं सीलव्वयगुण-वेरमण-पच्चक्खण-पोसहोववासेहिं अप्पाणं भावेमाणस्स चोइस संवच्छराइं वीडक्कंताइं पन्नरसमस्स संवच्छरस्स अंतरा वट्ठमाणस्स अण्णदा कदाइ पुव्वरत्तावरत्तकालसमयंसि धम्मजागरियं जागर-माणस्स इमेयारूवे अज्झत्थिए चित्तिए पत्थिए मणीगए संकप्ये समुप्पजित्था-एवं खलु अहं वाणि-यगामे नयरे यहूणं राईसर-[तलवर-माईविय-कोडुंविय-इद्ध-सेट्ठि-सेणावइ-सत्यवाहाणं बहूसु कजेसु य कारणेसु य कुडुंबेसु य मंतेसु य गुज्जेसु य रहस्सेसु य निच्छएसु य ववहारेसु य आपुच्छ-णिजे पडिपुच्छणिजे] सयस्स वि य णं कुडुंबस्स [मेढी पमाणं आहारे आलंबणं चक्खू मेढीभूए पमा-णभूए आहारभूए आलंबणभूए चक्खुभूए सव्वकज्जवड्ढावए] तं एतेणं वक्खेवेणं अहं नो संचा-एमि सयणस्स भगवओ महावीरस्स अंतियं धम्मपन्नत्ति उवसंपजित्ता णं विहरित्तए तं सेयं खलु ममं कल्लं [पाउप्पभायाए रयणीए फुल्लुप्पलकमलकोमलुम्मिलियमि अहं पंडुरे पए रत्तासोग्ग-गास-किंसुय-सुयमुह-गुंजद्धरागरसिसे कमलागरसंडबोहए उट्ठियमि सूरु सहस्सरस्समिमि दिण-घरे तेयसा] जलंते विपुलं असण-पाण-पाण-खाइम-साइमं [उवक्खडावेत्ता मित्त-नाइ-नियग-सयण-संबंधिपरिजणं आमंतेत्ता तं मित्त-नाइ-नियग-सयण-संबंधि-परिजण विपुलेणं असण-पाण-खाइम-साइमेणं वत्थ-गंधमल्लालंकारेण य सक्कारेत्ता सम्माणेत्ता तस्सेव मित्त-नाइ-नियग-सयण-संबंधि-परिजणस्स पुरओ] जेडुपुत्तं कुडुंबे ठवेत्ता तं मित्त-जाव जेडुपुत्तं च आपुच्छित्ता कोल्लाए सणिवेसे नायकुलंसि पोसहसालं पडिलेहिता समणस्स भगवओ महावीरस्स अंतियं धम्मपन्नत्ति उवसंप-जित्ता णं विहरित्तए-एवं सपेहइ संपेलहेत्ता कल्लं जाव विपुलं असण-पाण-खाइमं-साइमं उवक्ख-डावेइ उवक्खडावेत्ता मित्त-जाव परिजणं आमंतेइ आमंतेत्ता ततो पच्छाण्हाए कयबलिकम्मे [कय-कोउय-मंगल-पायच्छित्ते सुद्धप्पावेसाइं मंगलाइं वत्थाइं पवर परिहिए] अप्पमहग्गधाभरणालंकिय-सरीरे भोयणवेलाए भोयणमंडवसि सुहासणवरगए तेणं मित्त-नाइ-नियग-सयण-संबंधि-परिज-

णेणं सद्धिं तं विपुलं असण-पाण-खाइम-साइमं आसादेमाणे विसादेमाणे परिभाएमाणे परिभुंजेमा-
णे विहरइ जिभियभुत्तुत्तागए णं आयंते चोक्खे परमसुइयूए तं मित्त-नाइ जाव-पुरओ जेइपुत्तं
सद्दा-वेइ सद्दावेत्ता एवं वयासी एवं खलु पुत्ता अहं वाणियगामे नयरे बहूणं [जाव आपुच्छणिज्जे
पडिपुच्छणिज्जे सयस्स वि य णं कुडुंयस्स मेढी जाव सव्यकज्जवअइइवए तं एतेणं वक्खेवेणं अहं
नो संचाएमि समणस्स भगवओ महावीरस्स अंतियं धम्मपण्णत्तिं उवसंपज्जिता णं] विहरितए तं
सेयं खलु मम इदाणि तुमं सयस्स कुडुंबस्स पेढिं पमाणं आहारं आलबणं चक्खुं ठावेत्ता [तं मित्त-
नाइ-नयग-सयणे-संबंधि-परिजणं तुमं च आपुच्छिता कोट्ठाए सण्णिवेसे नायकुलंसि पोसहसालं
पडिलेहिता समणस्स भगवओ महावीरस्स अंतियं धम्मपण्णत्तिं उवसंपज्जिता णं] विहरितए तए
णं से जेइपुत्ते आणंदस्स समणोवासगस्स तए त्ति एयमइंविणएणं पडिसुणेति तए णं से आनंदे
समणोवासए तस्सेव मित्त-[नाइ-नियग-सयण-संबंधि-परिजणस्स] पुरओ जेइपुत्तं कुडुंबे ठावेति
ठावेत्ता एवं वयासी-मा णं देवाणुप्पिया तुढ्मे अज्जप्पभिइं केइ ममं बहसु कज्जेसु य कारणेसु य मंतेसु
य कुडुंबेसु य गुज्जेसु य रहस्सेसु य निच्छएसु य ववहारसु य आपुच्छउ वा पडिपुच्छउ वा ममं
अट्ठाए असणं वा पाणं वा खाइमं वा साइमं वा उवक्खडेउ वा उक्खरेउ वा तए णं से आणंदे
समणोवासए जेइपुत्तं मित्त-नाइ-नियग-सयण-संबंधि-परिजणं च आपुच्छइ आपुच्छिता सयाओ
गिहाओ पडिणिक्खमइ पडिणिक्खमिता वाणिवगामं नवरं मज्झमज्जेणं निगच्छइ निगच्छिता
जेणेव कोट्ठाए सण्णिवेसे जेणेव नायकुले जेणेव पोसहसाला तेणेव उवागच्छइ उवागच्छिता
पोसहसालं पमज्जइ पमाज्जिता उच्चार-पासवणभूमि पडिलेहेइ पडिलेहेत्ता दब्बसंधारयं संथरेइ
संथरेत्ता दब्बसंधारयं दुरुहइ दुरहिता पोसहसालाए पोसहिए [वंमयारी उम्मुक्कमणिसुवण्णे वव-
गयमालावण्णविलेवणे निक्खित्त-सत्थमुसले एगे अबीए] दब्बसंधारोवगए समणस्स भगवओ
महावीरस्स अंतियं धम्मपण्णत्तिं उवसंपज्जिता णं विवहइ । १२।-१२

(१५) तए णं से आणंदे समणोवासए पढमं उवासगपडिमं उवसंपज्जिता णं विहरइ तए णं
से आणंदे समणोवासए पढमं उवासगडिमं अहासुत्तं अहाकप्पं अहामगं अहातच्चं सम्मं काएणं
फासेइ पालेइ सोहेइ तीरेइ कितेइ आराहेइ तए णं से आणंदे समणोवासए दौच्चं उवासगपडिमं एवं
तच्चं चउत्थं पंचमं छट्ठं सत्तमं अट्ठमं नवमं दसमं एककारसमं आराहेइ । १३।-१३

(१६) तए णं से आणंदे समणोवासए इमंणं एयारूवेणं ओरालेणं विउलेणं पयंतेणं
पगगहिएणं तवोकम्मेणं सुक्के [लुक्खे निम्मंसे अड्ढिच्चेम्मावणस्से किडिकिडियाभूए] किसे धमणि-
संतए जाए तए णं तस्स आणंदस्स समणोवासगस्स अण्णदा कदाइ पुव्वरता जाव धम्मजागरियं
जागरमाणस्स अयं अज्झत्थिए चितिए पत्थिए मणोगए संकप्पे समुप्पज्जित्या-एवं खलु अहं इमेणं
[एयारूवेणं ओरालेणं विउलेणं पयंतेणं पगगहिएणं तवोकम्मेणं सुक्के जाव] धम्मणिसंतए जाए तं
अत्थि ता मे उट्ठाणे कम्मे बले वीरिए पुरिसक्कार-परक्कमे सद्धा-धिइ-संवेगे तं जावता मे अत्थि
उट्ठाणे कम्मे बले वीरिए पुरिसक्कार-परक्कमे सद्धा-धिइ-सवेगे जाव य मे धम्मायरिए धम्मोवए-
सए समणे भगवं महावीरे जिणे सुहत्थी विहरइ तावता मे सेयं कल्लं पाउप्पभायाए रयणीए जाव
उट्ठियिम्मि सूरै सहस्सरस्सिम्मि दिणयरे तेयसा-जलंते अपच्छिममारणंतियसंलेहणा-झसणा-
झूसियस्स भत्तपाण-पडियाइन्नि-यस्स कालं अणवकंखमाणस्स विहरितए-एवं संपेहेइ संपेहेत्ता
कल्लं पाउप्पभायाए रयणीए जाव उट्ठियिम्मि सूरै सहस्सरस्सिम्मि दिणयरे तेयसा जलंते अपच्छि-

ममारणंतिय जाव कालं अणवकंखमाणे विहरइ तए णं तस्स आणंदस्स समणोवासगस्स अण्णदा कदाइ सुभेणं अज्झवसाणेणं सुभेणं परिणामेणं लेसाहिं विसुज्झमाणीहिं तदावरणिज्जाणं कम्माणं खओवसमेणं ओहिनाणे समुप्यण्णे-पुरत्थिमे णं लवणसमुदे पंचजोयणसयाइं खेतं जाणि पासइ [दक्खणे णं लवणसमुदे पंचजोयणसयाइं खेतं जाणइ पासइ पच्चत्थिमे णं लवणसमुदे पंच-जोयणसयाइं खेत जाणइ पासइ] उत्तरे णं जाव चुद्धिहमंलवंतं वासधरपव्वयं जाणइ पासइ उद्धं जाव सोहम्मं कप्पं जाणइ पासइ अहे जाव इमीसे रयण्यभाए पुढवीए लोलुयद्युतं नरयं चउरा-सीतिवाससहस्सद्धितियं जाणइ पासइ। १४।-१४

(१७) तेणं कालेणं तेणं समएणं समणे भगवं महावीरे समोसरिए परिसा निगया जाव पडिगया तेणं कालेणं तेणं समएणं समणस्स भगवओ महावीरस्स जेठ्ठे अंतेवासी इंदभूई नामं अणगारे गोयमसगोते णं सत्तुस्सेहे समचउरसंसंठाणणसंठिए वज्जरिसएनारायणसंधयणे कणग-पुलगनिघसपन्होरे उग्गतवे दितातवे तत्ततवे महातवे ओराले घोरे घोरगुणे घोरतवस्सी घोरबंम-चेरवासी उच्छूढसरीरे संखितविउलतेयलेस्से छड्डंछुटेणं अणिक्खितेणं तवोकम्भेणं संजमेणं तवसा अप्पाणं भावेमाणे विहरइ तए णं से भगवं गोयमे छट्ठक्खमणपारणगंसि पढमाए पोरिसीए सज्झायं करेइ विड्याए पोरिसीए ज्ञाणं झियाइं तड्याए पोरिसीए अतुरियमचवलमसंभंते मुहपोत्तियं पडि-लेहेइं पडिलेहेता भायणवत्याइं पडिलेहेइं पडिलेहेता भायणाइं पगज्जइ पमज्जिता भायणाइं उग्गा-हेइं उग्गाहेता जेणेव समणे भगवं महावीरे तेणेव उवागच्छइ उवागच्छिता समणं भगवं महावीरं वंदइ नमंसइ वंदित्ता नमंसिता एवं वयासी-इच्छामि णं भंते तुब्भेहिं अट्ठमणुण्णाए समाणे छट्ठक्ख-मणपारणगंसि वाणिघगामे नयरे उच्च-नीच-मज्झिमाइं कुलाइं घरसमुदाणस्स भिक्खायरियाए अडित्तए अहासुहं देवाणुप्पिया मा पडिवंधं करेह तए णं भगवं गोयमे समणेणं भगवया महावीरेणं अट्ठमणुण्णाए समाणे समणस्स भगवओ महावीरस्स अंतियाओ दूइपलासाओ चैइयाओ पडिणि-क्खमइ पडिणिक्खमित्ता अतुरियमचवलमसंभंते जुगंतरपलोणाए विट्ठीए पुरओ इरियं सोहेमाणे-सोहेमाणे जेणेव वाणिघगामे नयरे तेणेव उवागच्छइ उवागच्छिता वाणिघगामे नयरे उच्च-नीय-मज्झिमाइं कुलाइं परसमुदाणस्स भिक्खायरियं अडइ तए णं से भगवं गोयमे वाणिघगामे नयरे उच्च-नीय-मज्झिमाइं कुलाइं घरसमुदाणस्स भिक्खायरियाए अडमाणे अहापज्जतं भत्तपाणं पडि-ग्गाहेइ पडिग्गाहेता वाणिघगामाओ नयराओ पडिणिगच्छइ पडिणिगच्छिता कोल्लायस्स सण्णि-वेसस्स अदूरसामंतेणं वीईवयमाणे बहुजणसहं निसामेइ बहुजणो अण्णमण्णस्स एवमाइक्खइ एवं भासइ एवं पण्णवेइ एवं परूवेइ-एवं खलु देवाणुप्पिया समणस्स भगवओ महावीरस्स अंतेवासी आनंदे नामं समणोवासए पोसहसालाए अपच्छिम [मारणंतिय-संलेहणा-झूसणा-झूसिए भत्तपाण-पडियाइक्खिए] कालं अणवकंमाणे विहरइ तए णं तस्स गोयमस्स बहुजणस्स अंतिए एयमट्ठं सोच्चा निसम्म अयमेयारूवे अज्झत्थिए चित्तिए पत्थिए मणोगए संकप्पे समुप्पज्झिया-तं गच्छामि णं आणंदं समणोवासयं पासामि-एवं संपेहेइ संपेहेता जेणेव कोल्लाए सण्णिवेसे जेणेव पोसहसाला जेणेव आणंदे समणोवासए तेणेव उवागच्छइ तए णं से आनंदे समणोवासए भगवं गोयमं एज्ज-माणं पासइ पासित्ता हट्ठुट्ठ-जाव हियए भगवं गोयमं वंदइ नमंसइ वंदित्ता नमंसिता एवं वयासी-एवं खलु भंते अहं इमेणं ओरालेणं जाव किसे धमणिसंतए जाए नो संचाएमि देवाणुप्पियस्स अंतियं पाउव्वमित्ता णं तिक्खुतो मुद्धाणेणं पादे सु अभिवंदित्तए तुब्भे णं भंते इच्छाक्कारेणं

अण्णथि-ओएणं इओ चेव एह जेणं देवाणुप्पियाणं तिक्खुतो मुद्धानेणं पादेसु वंदामि नमंसामि तए णं से भगवं गोयमे जेणेव आनंदे समणोवासए तेणेव उवागच्छइ १५।-१५

(१८) तए णं से आनंदे समणोवासए भगवओ गोयमस्स तिक्खुतो मुद्धानेणं पादेसु वंदइ नमंसइ वंदित्ता नमंसित्ता एवं वयासी-अत्थि णं भंते गिहिणो गिहमज्जावसंतस्स ओहिनाणे समुप्पज्जइ हंता अत्थि जइ णं भंते गिहिणो [गिहमज्जावसंतस्स ओहिनाणे] समुप्पज्जइ एवं खलु भंते वि गिहिणो गिहमज्जावसंतस्स ओहिनाणे समुप्पण्णे-पुरत्थिमे णं लवणसमुद्दे पंचजोयणसयाइ खेतं जाणामि पासामि दक्खिणे णं वि पच्चत्थिमे णं वि उत्तरे णं जाव चुल्लहिमवंतं वासधरपक्कयं जाणामि पासामि उड्ढं जाव सोहम्मं कप्पं जाणामि पासामि अहे जाव इमूसे रयणप्पभाए पुढवीए। लोलुयच्चुतं नरयं जाणामि पासामि तए णं से भगवं गोयमे आनंद समणोवासयं एवं वयासी-अत्थि णं आनंदा गिहिणो जाव समुप्पज्जइ नो चेव णं एमहालए तं णं तुमं आणंदा एयस्स ठाणस्स आलोएहिं [पडिक्कमाहि निंदाहि गरिहाहि विउट्ठाहि विसोहेहि अकरणाए अब्भुट्ठाहि अहारिहं पायच्छित्तं] तवोकम्मं पडिवज्जइ तए णं से आणंदे समणोवासए भगवं गोयमं एवं वयासी-अत्थि णं भंते जिणवयणे संताणं तच्चाणं तहियाणं सच्चूयाणं भावाणं आलोइज्जइ [निंदिज्जइ गरिहिज्जइ विउट्ठिज्जइ विसोहिज्जइ अकरणयाए अब्भुट्ठिज्जइ पडिक्कमिज्जइ अहिरहं पायच्छित्तं तवोकम्मं] पडिवज्जइ नो इण्ठे समट्ठे जइ णं भंते जिणवयणे संताणं [तच्चाणं तहियाणं सच्चूयाणं] भावाणं नो आलोइज्जइ जाव तवोकम्मं नो पडिवज्जइ तं णं भंते तुम्हे चेव एयस्स ठाणस्स अत्ताएह जाव पडिवज्जेह तए णं से भगवं गोयमे आणंदेणं समणोवासएणं एवं वुत्ते समाणे संकिए कंखिए विति-गिच्छसमावण्णे आणंदस्स समणोवासगस्स अंतियाओ पडिणिक्खमइ पडिणिक्खमिता जेणेव दूइपलासे चेइए जेणेव समणे भगवं महावीरे तेणेव उवागच्छइ उवागच्छित्ता समणवस्स भगवओ महावीरस्स अदूरसामंते गमणा गमणाए पडिक्कमइ पडिक्कमिता एत्तणमणेसणं आलोएइ आ-लोएत्ता भत्तपाण पडिदंसेइ पडिदंसित्ता समणं भगवं महावीरं वंदइ नमंसइ वंदित्ता नमंसित्ता एवं वयासी-एवं खलु भंते अहं तुम्हेहिं अब्भणुण्णाए [समाणे वाणिज्यामे नयरे भिक्खयारियाए अडमाणे अहापज्जतं भत्तपाणं पडिग्गाहेमि पडिग्गाहेत्ता वाणिज्यामाओ नयराओ पडिणिग्गच्छमि पडिगिण्णच्छित्ता कोल्लायस्स सण्णिवेसस्स अदूरसामंतेणं वीरद्वयमाणे बहुजणसदं निसामेमि बहु-जणो अण्णमण्णस्स एवमाइक्खइ एवं भासइ एवं पण्णवेइ एवं परूवेइ-एवं खलु देवाणुप्पिया सम-णस्स भगवओ महावीरस्स अंतैवासी आनंदे नामं समणोवासए पोसहसालाए अपच्छिममारणंति-यसंलेहणा-झूसणा-झूसिए भत्तपाण-पडियाइक्खिए कालं अणवकंखमाणे विहरइ तए णं मम बहुजणस्स अंतिए एयमट्ठं सोच्चा निसम्म अयमेयारूवे अज्झत्थिए चित्तिए पत्थिए मणोगए संकप्पे समुप्पज्जित्था-तं गच्छामि णं आणंदं समणोवासयं पासामि-एवं संपेहेमि संपेहेत्ता जेणेव कोल्लए सण्णिवेसे जेणेव पोसहसाला जेणेव आणंदे समणोवासए तेणेव उवागच्छामि तए णं से आणंदे समणोवासए ममं एज्जमाणं पासइ पासित्ता जाव वंदित्ता नमंसित्ता एवं वयासी-एवं खलु भंते अहं इमेणं ओरालेणं विउलेणं पयत्तेणं पण्हिएणं तवोकम्मेणं सुक्कं लुक्खे निम्मंसे अट्ठिचम्मावण्ठे किडिकिडियाभूए किसे धमणिसंतए जाए नो संचाएमि देवाणुप्पियस्स अंतियं पाउब्भविता णं तिक्खुतो मुद्धानेणं पादेसु अभिवंदित्तए तुम्हे णं भंते इच्छक्कारेणं अण्णमिओगेणं इओ चेव एह जेणं देवाणुप्पियाणं तिक्खुतो मुद्धानेणं पादेसु वंदामि नमंसामि तए णं अहं जेणेव आणंदे

समणोवासए तेणेव उवागच्छामि तए णं से आणंदे समणोवासए ममं तिव्वुत्तो मुद्धाणेणं पादेसु वंदइ नमंसइ वदित्ता नमसित्ता एवं वयासी-अत्थि णं भंते गिहिणो गिहमज्जावसंतस्स ओहिनाणे समुण्यज्जइ हंता अत्थि जइ णं भंते गिहिणो गिहमज्जावसंतस्स ओहिनाणे समुण्यज्जइ एवं खलु भंते मम वि गिहिणो गिहमज्जावसंतस्स ओहिनाणे समुण्यण्णे-पुरत्थिमे णं लवणसमुद्धे पंचजोयणसयाइ खेत्तं जाणामि पासामि जाव लोलुयच्चुयं नरयं चउरासीतिवाससहस्सट्ठितियं जाणामि पासामि तए णं अहं आणंदं समणोवासयं एवं वइत्था-अत्थि णं आणंदा गिहिणो गिहमज्जावसंतस्स ओहिनाणे समुण्यज्जइ नो चेव णं एमहालए तं णं तुमं आणंदा एयस्स ठाणस्स आलोएहिं जाव अहारिहं पायच्छित्तं तवोक्कमं पडिवज्जइ तए णं से आणंदे ममं एवं वयासी-अत्थि णं भंते जिणवयणे संताणं तच्चाणं तहियाणं सब्बूयाणं भावाणं आलोइज्जइ जाव अहारिहं पायच्छित्तं तवोक्कमं पडिवज्जइ नो इण्ठे समद्धे जइ णं भंते जिणवयणे संताणं तच्चाणं तहियाणं भावाणं नो आलोइज्जइ जाव अहारिहं पायच्छित्तं तवोक्कमं नो पडिवज्जइ तं णं भंते तुम्हे चेव एयस्स ठाणस्स आलोएह जाव अहारिहं पायच्छित्तं तवोक्कमं पडिवज्जेह तए णं अहं आणंदेणं समणोवासएणं एवं वुत्ते समाणे संक्रिए कंछिए वित्तिगिच्छसमावण्णे आणंदस्स समणोवासगस्स अंतियाओ पडिणिक्खामि पडि-णिक्खमिक्खा जेणेव इहं तेणेव हव्वामागए तं णं भंते किं आणंदेणं समणोवासएणं तस्स ठाणस्स आलोएयच्चा [पडिक्कमेयच्चं निंदेयच्चं गरिहेयच्चं विउट्ठेयच्चं विसोहेयच्चं अकणयाए अब्बुट्ठे-यच्चं अहारिहं पायच्छित्तं तवोक्कमं] पडिवज्जेयच्चं उदाहु मए गोयमाइ समणे भगवं महावीरे भगवं गोयमं एव दयासी-गोयमा तुमं चेव णं तस्स ठाणस्स आलोएहिं जाव [अहारिहं पायच्छित्तं तवो-क्कमं] पडिवज्जइ आणंदं च समणोवासयं एयमद्धं खामेहिं तए णं से भगवं गोयमे समणस्स भगवओ महावीरस्स तए त्ति एयमद्धं विणएणं पडिसुणेइ पडिसुणेत्ता तस्स ठाणस्स आलोएइ जाव पडिवज्जइ आणंदं च समणोवासयं एयमद्धं खामेइ तए णं समणे भगवं महावीरे अण्णदा कदाइ बहिया जणवयविहारं विहरइ १९६-१६

(१९) तए णं से आनंदे समणोवासए बहूहिं सील-व्वय-गुण-वेरमण-पच्चक्खाण-पोसहो-ववासेहिं अप्पाणं भावेत्ता वीसं वासाइ समणोवासगपरियागं पाउणिता एक्कारस व उवास-गपडिमाओ सम्मं काएणं फासित्ता मासियाए संलेहणाए अत्ताणं झूसित्ता सट्ठि भत्ताइ अणसणाए छेदेत्ता आलोइय-पडिक्कंते समाहिपत्ते कालमासे कालं किच्चा सोहम्मे कप्पे सोहम्मवडेंसगस्स महाविमाणस्स उत्तरपुरत्थिमे णं अरुणाभे विमाणे देवत्ताए उववयणे तत्थ णं अत्थेगइयाणं देवाणं चत्तारिपलिओवमाइ ठिई पन्नत्ता तत्थ णं आणंदस्स वि देवस्स चत्तारि पलिओवमाइ ठिई पन्नत्ता आनंदे णं भंते देवे ताओ देवलोगाओ आउक्खएणं भवक्खएणं ठिइक्खएणं अणंतरं चयं चइत्ता कहिं गच्छिहिइ कहिं उववज्जिहिइ गोयमा महाविदेहे वासे सिज्जिहिइ वुज्जिहिइ मुच्चिहिइ सब्ब-दुक्खानमंतं काहिइ एवं खलु जंवू समणेणं भगवया महावीरेणं उवासगदसाणं पढमस्स अज्झ-यणस्स अयमद्धे पन्नते १९७-१७

● षट्मं अज्झयणं समत्तं ●

वीअं अज्झयणं-कामदेवे

(२०) जइ णं भंते समणेणं भगवया महावीरेणं जाव संपत्तेणं सत्तमस्स आंगस्स उवासग-दसाणं पढमस्स अज्झयणस्स अयमद्धे पन्नते दोच्चस्स णं भंते अज्झयणस्स के अद्धे पन्नते एवं खलु

जंबू तेणं कालेणं तेणं समएणं चंपा नाम नयरी पुण्णभदे चेइए जियसत्तू राया [तत्थ णं चंपाए नयरीए कामदेवे नामं गाहावई परिवसइ-अइढे जाव बहुजणस्स अपरिभूए तस्स णं कामदेवस्स गाहावइस्स छ हिरण्णकोडीओ निहाणपउत्ताओ छ हिरण्णकोडीओ वडिदपउत्ताओ छ हिरण्णकोडीओ पवित्थरपउत्ताओ छ व्वया दसणोसाहस्सिएणं वएणं होत्था से णं कामदेवे गाहावई बहूणं जाव आपुच्छणिअे पडिपुच्छणिअे सयस्स वि य णं कुंडुवस्स मेदी जाव सव्वकज्जवइढावए यावि होत्था तस्स णं कामदेवस्स गाहावइस्स भद्दा नामं भारिया होत्था-अहीण-पडिपुण्णपंचिदियसरीरा जाव माणुस्सए कामभोए पच्चणुभवमाणी विहरइ] तेणं कालेणं तेणं समएणं समणे भगवं महावीरे जाव जेणेव चंपा नयरी जेणेय पुत्रभदे चेइए तेणे उवागच्छइ उवागच्छिता अहापडिक्खं ओग्गहं ओगिण्हिता संजमेणं तवसा अप्पाणं भावेमाणे विहरइ परिसा निग्गया कूणिए राया जहा तथा जियसत्तू निग्गच्छइ जाव पज्जुवासइ [तए णं से कामदेवे गाहावई इमीसे कहाए लच्छेइ समाणे-एवं खलु समणे भगवं महावीरे पुव्वाणुपुव्वि चरमाणे गामाणुगामं दूइज्जमाणे इहमागए इह संपत्ते इह समोसदे इहेव वंपए नयरीए बहिया पुण्णभदे चेइए अहापडिक्खे जाव विहरइ तं महप्फलं खलु भो देवाणुप्पिया तहारूवाणं अरहंताणं भगवंताणं नामगोयस्स वि सवणयाए किमंग पुण अभिगमण-वंदण-नमंसण-पडिपुच्छणपज्जुवासणवाए एगस्स वि आरियस्स धम्मियस्स सुवयणस्स सवणयाए किमंग पुण विउल्लस्स अट्ठस्स गहणयाए तं गच्छामि णं देवाणुप्पिया समणं भगवं महावीरं वंदामि नमंसामि सक्कारेमि सम्माणेमि कल्लाणं मंगलं देवयं चेइयं पज्जुवासामि-एवं संपेहेइ संपेहत्ता ण्हाए कयबलिकम्मे कय-कोउय-मंगलपायच्छित्तो सुद्धप्पावेसाइ मंगल्लाइ कथाइ पवर परिहिए अप्पम-हग्गधाभरणालंकिवसरीरे सयाओ गिहाओ पडिणिक्खमइ पडिणिक्खमित्ते सकोरेंटमल्लदामेणं छत्तेणं धरिअमाणेणं मणुस्सवग्गुत्तापरिखित्ते पादविहारचारेणं वंपनयारिं मज्झमज्झेणं निग्गच्छइ निग्गच्छिता जेणामेव पुण्णभदे चेइए जेणेव समणे भगवं महावीरे तेणेव उवागच्छइ उवागच्छिता समणं भगवं महावीरं तिकखुत्तो आयाहिण-पवाहिणं करेइ करेत्ता वंदइ नमंसइ वंदित्ता नमंसित्ता नद्यासण्णे नाइदूरे सुस्सुसमाणे नमंसमाणे अभिमुहे विणएणं पंजलिउडे पज्जुवासइ तए णं समणे भगवं महावीरे कामदेवस्स गाहावइस्स तीसे य महइमहालियाए परिसाए जाव धम्म परिकहेइ परिसा पडिगया राया य गए तए णं कामदेवे गाहावई समणस्स भगवओ महावीरस्स अंतिए धम्मं सोद्या निसम्मं हट्ठतुड-चित्तमाणंदिए पीइमणे परम सोमणस्सिए हरिसवस-विसप्पमाणहियए उट्ठाए उडेइ उट्ठत्ता समणं भगवं महावीरं एवं वयासी-सहहामि णं भंते निग्गंधं पावयणं पत्तिायामि णं भंते निग्गंधं पावयणं रोएमि णं भंते निग्गंधं पावयणं अब्बुद्धेमि णं भंते निग्गंधं पावयणं एवमेयं भंते तहमेयं भंते अविताहमेयं भंते असंदिद्धमेयं भंते इच्छियमेयं भंते पडिच्छियमेयं भंते इच्छिय-पडिच्छियमेयं से जहेयं तुभे वदह जहा णं देवाणुप्पियाणं अंतिए बहवे राईसर-तलवर-माडबिय-कोडुविय-इत्थ-सेट्ठिसेणावइ-सत्थवाहप्पभिइया मुंडा भवित्ता अगाराओ अणगारियं पव्वइया नो खलु अहं तथा संचाएमि मुंडे भवित्ता अगाराओ अणगारियं पव्वइत्ताए अहं णं देवाणुप्पियाणं अंतिए पंचाणुव्वइयं सत्तासिक्खावइयं-दुवालसविहं सागवधम्मं पडिवज्जिस्सामि जाव अहासुहं देवाणुप्पिया मा पडिबंधं करेहि तए णं से कामदेवे गाहावई समणस्स भगवओ महावीरस्स अंतिए सावयधम्मं पडिवज्जइ तए णं समणे भगवं महावीरे अण्णदा कदाइ चंपाए नयरीए पुत्रभद्दाओ चेइयाओ पडिणिक्खमइ पडिणिक्खमित्ता बहिया जणवयविहारं विहरइ तए णं से कामदेवे

समणोवासए जाए-अभिगयजीवाजीवे जाव समणे निगंथे फासु-एसणिज्जेणं असण-पाण-खाइम-साइमेणं वत्थ-पडिगह-कंबल-पायपुंछणेणं ओसह-भेसज्जेणं पाडिहारिएणं य पीढ-फलग-सेज्जा संथारएणं पडिलाभेमाणे विहरइ तए णं सा भद्दा भारिया समणोवासिया जाया-अभिगयजीवा-जीवा जाव समणे निगंथे फासु-एसणिज्जेणं असण-पाण-खाइम-साइमेणं वत्थ-पडिगह-कंबल-पायपुंछणेणं ओसह-भेसज्जेणं पाडिहारिएणं य पीढ-फलग-सेज्जा-संथार एणं पडिलाभेमाणी विहरइ तए णं तस्स कामदेवस्स समणोवासगस्स उच्चावएहिं सील-व्यय-गुण-वेरमण-पद्मक्खाण-पोसहो-वयसाहिं अप्पाणं भावेमाणस्स चोइस संवच्छराइं वीइक्कंताइं पन्नरसमस्स संवच्छरस्स अंतरा वट्टमाणस्स अण्णदा कदाइ पुव्वरत्तावरत्तकालसमयंसि धम्मजागरियं जागरमाणस्स इमेयारूवे अज्झत्थिए चिंतिए पत्थिए मणोगए संकपे समुप्पज्झित्था-एवं खलुअहं चंपाए नयरीए वहूणं जाव आपुच्छणिज्जे पडिपुच्छणिज्जे सयस्स वि य णं कुडुंबस्स मेढी जाव सब्बकज्जइदाए तं एतेणं वक्खे-वेण अहं नो संचाएमि समणस्स भगवओ महावीरस्स अंतियं धम्मपन्नतिं उवसंपज्जित्ता णं विहरितए तए णं से कामदेवे समणोवासए। जेइपुत्तं मित्त-नाइ-नियग-सयण-संवंधिपरिजणं व आपुच्छइ आपुच्छित्ता जेणेव पोसहसाला तेणेव उवागच्छइ उवागच्छित्ता जहा आनंदो जाव समणस्स भगवओ महावीरस्स अंतियं धम्मपन्नतिं उवसंपज्जित्ता णं विहरइ। १९८१-१८

(२१) तए णं तस्स कामदेवस्स समणोवासगस्स पुव्वरत्तावरत्तकालसमयंसि एगे देवे मावी मिच्छदिट्ठी अंतियं आउब्भूए तए णं से देवे एगं महं पिसायरूवं विउव्वइ तस्स णं दिवस्स पिसाय-रूवस्स इमे एयारूवे वण्णावासे पन्नते-सीसं से गोकिलंज-संठाण-संठिय सालिमसेल्ल-सरिसा से केसा कविलतेणं दिप्पमाणा उड्डिया-कमल्ल-संठाण-संठियं निडांलं मुगुंसपुच्छं व तस्स भुमकाओ फुगफुगओ विगव-वीभत्सदंसणाओ सीसघडिविणिग्गयाइं अच्छीणि विगय-वीमत्स-दंसणाइं कण्णा जह सुप्प-कत्तरं चेव विगय-वीभत्स-दंसणिज्जा उरब्बपुडसंनिमा से नासा झुसिरा जमल-चुल्ली-संठाण-संठिया दो वि तस्स नासापुडया घोडयपुच्छं व तस्स मंसूइं कविल-कविलाइं विगय-वीभत्स-दंसणाइं उट्ठा उट्ठस्स चेव लंबा फालसरिसा से दंता जिब्बा जह जुप्प-कत्तरं चेव विगय-वीभत्सदंसणिज्जा हल-कुडाल-संठिया से हणुया गल्ल-कडिल्लं व तस्स खड्डं फुइं कविलं फरुसं महल्लं मुइंगाकारोवमे से खंधे पुवरकवाडोवमे से वच्छे कोट्टिया-संठाण-संठिया दो वि तस्स बाहा निसा-पाहाण-संठाण-संठिया दो वि तस्स अग्गहत्था निसालोढ-संढाण-संठियाओ हत्थेसु अंगुलीओ सिप्पि-पुडगसंठिया से नक्खा ण्हाविय-पसेवओ व्व उरम्मि लंबंति दो वि तस्स वण्णया पोइं अयकोट्टओ व्व वइं पाण-फलंद-सरिसा से नाही सिक्कग-संठाण-संठिए से नेत्ते किण्णपुड-संठाण-संठिया दो वि तस्स वसणा जमल-कोट्टिया-संठाण-संठिया दो वि तस्स ऊरु अज्जुण-गुडु व तस्स जाणूइं कुडिल-कुडिलाइं विगय-वीभत्सदंसणाइं जंधाओ कक्खडीओ लोमेहि उवचियाओ अहरी-संठाण-संठिया दो वि तस्स पाया अहरी-लोढ-संठाण-संठियाओ पाएसु अंगुलीओ सिप्पि-पुडसंठिया से नक्खा लडह-मडह-जाणुए विगय-भग्ग-भुग्ग-भुमए अवदालिय-वयण-विवर-निह्वालियग्गजीहे सरड-कयपालियाए उंदुरमाला-परिणद्ध-सुकयविंधे नउल-कयकण्णपूरे सप्प-कयवेगच्छे अप्फोडंते अभिगज्जंते भीम-मुक्कटहासे नाणाविह-पंचवण्णेहिं लोमेहिं उवचिए एगं महं नीलुप्पल-गवलगुलिय अयसिकुसुमप्पगासं खुरधार असिं गहाय जेणेव पोसहसाला जेणेव कामदेवे समणोवासए तेणेव उवागच्छइ उवागच्छित्ता आसुरत्ते रुट्ठे कुविए चंडिककिए

मिसिमिसीयमाणे कामदेवं समणोवासयं एवं वयासी-हंभो कामदेवा समणोवासया अय्यपिय-
त्थिया दुरंत-पंत-लक्खणा हीणपुण्णचाउद्दसिया सिरि-हिरि-धिइ-कित्ति-परिवज्जिया धम्मकामया
पुत्रकामया सग्नकामया मोक्खकामया धम्मकंखिया पुत्रकंखिया सग्नकंखिया मोक्खकंखिया
धम्मपिवासिया पुत्रपिवासिया सग्नपिवासिया मोक्ख-पिवासिया नो खलु कप्पइ तव देवाणुप्पिया
सीलाइ वयाइ वेरमणाइ पच्चक्खाणाइ पोसहोववासाइ चालित्तए वा खोभित्तए या खंडित्तए वा
भंजित्तए वा उज्जित्तए वा परिछइत्तए वा तं जइ णं तुमं अज्ज सीलाइ [वयाइ वेरमणाइ पच्चक्खाणाइ]
पोसहोववसाइ न छडेसि न भंजेसि तो तं अहं अज्ज इमेणं नीलुप्पल- [गवलगुलिय-अयसिकुसुमप्प-
गासेण खुरधारेण] असिणा खंडाखंडि करेमि जहा णं तुमं देवाणुप्पिया अट्ट-दुहट्ट-वसट्टे अकाले
चेव जीवियाओ ववरोविज्जसि तए णं से कामदेवे समणोवासए तेणं दिव्वेणं पिसायरूवेमं एवं वुत्ते
समाणे अभीए अतत्थे अणुव्विणे अखुभिए अचलिए असंभंते तुसिणीए धम्मज्झाणोवगए विहरइ

[१९१-१९]

(२२) तए णं से दिव्वे पिसायरूवे कामदेवं समणोवासयं अभीयं [अतत्थं अणुव्विणं
अखुभियं अचलियं असंभंतं तुसिणीयं] धम्मज्झाणोवगयं विहरमाणं पासइ पासित्ता दोद्यं पि तद्यं
पि कामदेवं समणोवासयं एवं वयासी हंभो कामदेवा समणोवासया जाव जइ णं तुमं अज्ज सीलाइ
[वयाइ वेरमणाइ पच्चक्खाणाइ पोसहोववसाइ न छडेसि न भंजेसि तो तं अहं अज्जइमेणं नीलुप्प-
लव-गवलगुलिय-अयसिकुसुमप्पगासेण खुरधारेण असिणा खंडाखंडि करेमि जहा णं तुमं देवाणु-
प्पिया अट्ट-दुहट्ट-वसट्टे अकाले चेव] जीवियाओ ववरोविज्जसि तए णं से कामदेवे समणोवासए
तेणं दिव्वेणं पिसायरूवेणं दोद्यं पि तद्यं पि एवं वुत्ते समाणे अभीए जाव विहरइ तए णं से दिव्वे
पिसायरूवे कामदेवं समणोवासयं अभीयं जाव पासइ पासित्ता आसुरते रुढे कुविए चंडिकिकए
मिसिमिसीयमाणे तिवलियं भिउडिं निडाले साहट्टु कामदेवं समणोवासयं नीलुप्पल-जाव असिणा
खंडाखंडि करेइ तए णं से कामदेवे समणोवासए तं उज्जलं विउलं कक्कसं पगाढं चंडं दुक्खं]
दुरहियासं वेयणं सम्मं सहइ खमइ तित्तिक्खइ अहियासेइ [२०१-२०]

(२३) तए णं से दिव्वे पिसायरूवे कामदेवं समणोवासयं अभीयं जाव विहरमाणं पासइ
पासित्ता जाहे नो संचाएइ कामदेवं समणोवासयं निगंथाओ पावयणाओ चालित्तए या खोभित्तए
वा विपरिणामित्तए वा ताहे संते तंते परितंते सणियं सणियं पच्चोसक्कइ पच्चोसक्किक्ता पोस-
हसालाओ पडिणिक्खमइ पडिकणिक्खमिता दिव्वं पिसायरूवं विप्पजहइ विप्पजहिक्ता एणं महं
दिव्वं हत्थिरूवं विउज्जवइ-सत्तंगपडिड्डियं सम्मं संठियं सुजातं पुरतो उदग्गं पिड्डतो वराहं अयाकुच्छिं
अलंबकुच्छिं पलंव-संबोदराधरकरं अब्भुग्गय-मउल-मल्लिया-विमल-धवलदंतं कंचणोसी-पविट्ट-
दंतं आणामिय-चाय-ललिय-संवेल्लियग्गसोंडं कुम्प-पडिपुण्णचलणं वीसतिनखं अल्लीण-पमाण-
जुतपुच्छं मत्तं मेहमिव गुलुगुलेतं पण-पवण-जइणवेगं-दिव्वं हत्थिरूवं विउज्जित्ता जेणेव पोसह-
साला जेणेव कामदेवे समणोवासए तेणेव उवागच्छइ उवागच्छित्ता कामदेवं समणोवासयं एवं
वयासी-हंभो कामदेवा समणोवासया [अय्यपियपत्थिया दुरंत-पंत-लक्खणा हीणपुत्रचाउद्दसिया
जाव जइ णं तुमं अज्ज सीलाइ वयाइ वेरमणाइ पच्चक्खाणाइ पोसहोववसाइ न छडेसि] न भंजेसि
तो तं अहं अज्ज सोंडाए गेण्हमि गेण्हित्ता पोसहसालाओ नीणेमि नीणेत्ता उड्ढं वेहासं उव्विहामि
उव्विहित्ता तिक्वेहं दंतमुसलेहिं पडिच्छामि पडिच्छित्ता अहे धरणिगतलंसि तिक्वुत्तो पाएसु लोलेमि

जहा णं तुमं देवाणुप्पिया अट्ट-दुहट्ट-वसट्टे अकाले चेव जीवियाओ ववरोविज्जसि तए णं से कामदेवे समणोवासए तेणं दिव्वेणं हत्थिरूवेणं एवं वुत्ते समाणे अभीए अतत्थे अणुच्चिग्गे अखुभिए अवलितए असंभंते तुसिणीए धम्मज्झाणीवगए विहरइ तए णं से दिव्वे हत्थिरूवे कामदेवं समणोवासयं अभीयं जाव विहरमाणं पासइ पासिता दोछं पि तच्चं पि कामेवं [समणोवासयं एवं वयासी-हंभो कामदेवा समणोवासया जाव जइ णं तुमं अज्ज सीलाई वयाइं वेरमणाइं पच्चखाणाइं पोसहोववसाइं न छट्टेसि न भंजेसि तो तं अज्ज अहं सोंडाए गेण्हामि गेण्हता पोसहसालाओ नीणेमि नीणेता उड्डं वेहासं उव्विहामि उव्विहिता तिक्खेहिं दंतमुसलेहिं पडिच्छामि पडिच्छेता अहे धरणितालंसि तिक्खुतो पाएसु लोलेमि जहा णं तुमं देवाणुप्पिया अट्ट-दुहट्ट-वसट्टे अकाले चेव जीवियाओ ववरोविज्जसि तए णं से कामदेवे समणोवासए तेणं दिव्वेणं हत्थिरूवेणं दोछं पि तच्चं पि एवं वुत्ते समाणे अभीए जाव विहरइ तए णं से दिव्वे हत्थिरूवे कामदेवं समणोवासयं अभीयं जाव पासइ पासिता आसुरते रुट्टे कुविए वंडिकिए मिसिमिसीयमाणे कामदेवं समणोवासयं सोंडाए गेण्हति गेण्हिता उड्डं वेहासं उव्विहइ उव्विहिता तिक्खेहिं दंतमुसलेहिं पडिच्छइ पडिच्छिता अहे धरणितालंसि तिक्खुतो पाएसु लोलेइ तए णं से कामदेवे समणोवासए तं उज्जलं [विउलं कक्कसं पगाडं चंडं दुक्खं दुरहियासं वेयणं सम्मं सहइ खमइ तितिक्खइ] अहियासेइ । २१।-२१

(२४) तए णं से दिव्वे हत्थिरूवे कामदेवं समणोवासयं अभीयं अतत्थं अणुच्चिग्गं अखुभिं अवलितं असंभंतं तुसिणीयं धम्मज्झाणीवगयं विहरमाणं पासइ पासिता जाहे नो संचा-एइ [कामदेवं समणोवासयं निगंथाओ पावयणाओ चालितए वा खोभितए वा विपरिणामितए वा ताहे संते तंते परितंते] सणियं-सणियं पच्चोसक्कइ पच्चोसक्किक्ता पोसहसालाओ पडिणिक्ख-मइ पडिणिक्खमिता दिव्वं हत्थिरूवं विप्पजहइ विप्पजहिता एगं मन्नं दिव्वं सप्परूवं विउव्वइ-उगगविसं चंडविसं घोरविसं महाकायं मसीमूसाकालगं नयणविसरोसपुण्णं अज्जणपुंज-निगरप्प-गासं रत्तच्छं लोहिंयलोयणं जमलजुयलचंचलचलंतजीहं धरणीयलवेणिभूयं उक्कड-फुड-कुडिल-जडिल-कक्कस-वियड-फडाडोवकरणदच्छंलोहागर-धम्ममाण-धमधमेतथासं अणाग-तियदिव्व-पचडरोसंदिव्वं सप्परूवं विउव्विता जेणेव पोसहसाला जेणेव कामदेवे समणोवासए तेणेव उवा-गच्छइ उवागच्छिता कामेदेवं समणोवासयं एवं वयासी-हंभो कामदेवा समणोवासया अप्पत्थिय-पत्थिया दुरंत-पंत-लक्खणा हीणपुन्नचाउट्टसिया सिरि-हिरि-धिइ-किरि-परिवज्जिया धम्मकामया पुन्नकामया सगगकामया मोक्खकामया धम्मकंखिया पुन्नकंखिया सगगकंखिया मोक्खकंखिया धम्मपिवासिया पुन्नपिवासिया सगगपिवासिया मोक्खपिवासिया नो खलु कप्पइ तव देवाणुप्पिया सीलाई वयाइं वेरमणाइं पच्चखाणाइं पोसहोववसाइं चालितए वा खोभितए वा खंडितए वा भंजितए वा उज्जितए वा परिच्छइताए वा तं जइ णं तुमं अज्ज सीलाई वयाइं वेरमणइं पच्चखाणाइं पोसहोववसाइं न छट्टेसि न भंजेसि तो ते अज्जेव अहं सरसरस्स कायं दुरुहामि दुरुहिता पच्छिमेमं भाएणं तिक्खुतो गीवं वेढेमि वेढिता तिक्खाहिं विसपरिगताहिं दाढाहिं उरंसि चेव निकुट्टेमि जहा णं तुमं देवाणुप्पिया अट्ट-दुहट्ट-वसट्टे अकाले चेव जीवियाओ ववरोविज्जसि तए णं से कामदेवे समणोवासए तेणं दिव्वेणं सप्परूवेणं एवं वुत्ते समाणे अभीए जाव विहरइ [तए णं से दिव्वे सप्परूवे कामदेवं समणोवासयं अभीयं जाव विहरमाणं पासइ पासिता दोछं पि तच्चं पि एवं वयासी-हंभो कामदेवा समणोवासया जाव जइ णं तुमं अज्ज सीलाई वयाइं वेरमणाइं पच्चखाणाइं

पोसहोववसाई न छहेसि न भंजेसि एवं चेव तेणं दिव्वेणं सप्परूवेणं दोहं पि तच्चं पि एवं वुत्ते समणे अभीए जाव विहरइ। तए णं से दिव्वे सप्परूवे कामदेवं समणोवासयं अभीयं जाव पासइ पासित्ता आसुरत्ते रुद्धे कुविए घंडिकिए भिसिमिसीयमाणे कामदेवस्स सरसरस्स कायं दुरुहइ दुरुहिता पच्छिमेणं भाएणं तिकवुत्तो गोवं वेदेइ वेढित्ता तिकखाहिं विसपरिगताहिं दाढाहिं उरंसि चेव निकुट्टेइ तए णं से कामदेवे समणोवासए तं उज्जलं [विउलं कक्कसं पगाढं चंडं दुक्खं दुरहियासं वेयणं सम्मं सहइ खमइ तितिकखइ] अहियासेइ। २२१-२२

(२५) तए णं से दिव्वे सप्परूवे कामदेवं समणोवासयं अभीयं [अतत्त्वं अणुव्विग्गं अणुभियं अचलियं असंभंतं तुसिणीयं धम्मज्झाणोवगयं विहरमाणं] पासइ पासित्ता जाहे नो संचाएइ कामदेवं समणोवासयं निग्गंथाओ पावयणाओ चालितए वा खोभितए वा विपरिणामेत्ते वा ताहे संते तंते परितंते सणियं सणियं पच्चोसक्कइ पच्चोसक्किक्ता पोसहसालाओ पडिणिक्खमइ पडिणिक्खभित्ता दिव्वं सप्परूवं विप्पजहइ विप्पजहित्ता एगं महं दिव्वं देवरूवं विउव्वइ-हार-विराइय-वच्छं [कडग-तुडिय-यंभियमुयं अंगय-कुंडल-मट्ट-गंड-कण्णपीढधारिं विचित्तहत्थापरणं विचित्त-मालामउल्लि-मउडं कल्लाणग-पवरवत्थपरिहिवं कल्लाणगपवरमल्लाणुलेवणं भासुरबोदिं पलंबवण-मालघरं दिव्वेणं वण्णेणं दिव्वेणं गंधेणं दिव्वेणं रूवेणं दिव्वेणं फासेणं दिव्वेणं संपाएणं दिव्वेणं संठाणेणं दिव्वाए इड्ढीए दिव्वाए जुईए दिव्वाइ पभाए दिव्वाएछायाए दिव्वाए अच्चीए दिव्वेणं तेएणं दिव्वाए लेसाए] दसदिसाओ उज्जेयमाणं पभासेमाणं पासाईयं दरिसणिअं अभिरूवं पडिरूवं दिव्वं देवरूवं विउव्वित्ता कामदेवस्स समणोवासयस्स पोसहसालं अनुप्पविसइ अनुप्पविसित्ता अंतलिकखपडिवण्णे सखिखिणियाइ पंचवण्णाइ वत्थाइ पवर परिहिए कामदेवं समणोवासयं एवं वयासी-हंभो कामदेवा समणोवासया घण्णेसि णं तुमं देवाणुप्पिया पुत्तेसि [देवाणुप्पिया कयत्थेसि णं तुमं देवाणुप्पिया कयलक्खणेसि णं तुं देवाणुप्पिया] सुलद्धे णं तव देवाणुप्पिया माणुस्सए जम्मजीवियफले जस्स णं तव निग्गंथे पावयणे इमेयारूवा पडिवत्ती लद्धा पत्ता अभिसमण्णागया एवं खलु देवाणुप्पिया सक्के देविदे देवराया [वज्रपाणी पुरंदरे सयक्कळ सहस्सखे मघवं पाग-सासणे दाहिणइड्डलोगाहिवई बत्तीस-विमाणसयसहस्साहिवई एरावणदाहणे सुदिदे अरयंबर-वर-त्यधरे आलइय-मालइय-मालमउडे नव-हेम-चारुचित्त-चंचल-कुंडल-विलिहिज्जमाणगंडे भासुर-बोदी पलंबवणमाले सोहम्मे कप्पे सोहम्मवडेंसए विमाणे सभाए सो-हम्माए] सक्कंसि सीहासणंसि चउरासीए सामाणियसाहस्सीणं [तायत्तीसाए तावत्तीसगाणं चउण्हं लोगपालाणं अट्टण्हं अगम-हिसीणं चउण्हं चउरासीणं आयरक्ख-देवसाहस्सीणं] अण्णेसिं च बहूणं देवाण य देवीण य मज्झ-गए एवमाइक्खइ एवं भासइ एवं पन्नवेइ एवं परूवेइ-एवं खलु देवा जंबुद्वीवे दीवे भारहे वासे चंपाए नवरीए कामदेवे समणोवासए पोसहसालाए पोसहिए बंभ-चारी [उम्पुक्कमणिसुवण्णे ववगयमालावण्णगविलेवणे निक्खित्तसत्थमुसले एगे अबीए] दम्मसंधारोवगए समणस्स भग-वओ महावीरस्स अंतियं धम्मपन्नति उवसंपज्जित्ता णं विहरइ नो खलु से सक्के केणइ देवेण वा दाणवेण वा जक्खेण वा रक्खेण वा किन्नरेण वा किंपुरिसेण वा महोरणेण वा गंधव्वेण वा निग्गं-थाओ पावयणाओ चालितए वा खोभितए वा विपरिणामेत्तए वा तए णं अहं सक्कस्स देविदस्स देवरण्णे एयमट्ठं असइहमाणे अपत्तियामाणे अरोएमाणे इहं हव्वमागए तं अहो णं देवाणुप्पियाणं इड्ढी [जुई जसो बलं वीरियं पुरिसक्कारुपरक्कमे लद्धे पत्ते] अभिसमण्णागए तं दिट्ठा णं

देवानुप्पियाणं इड्ढी जई जसो बलं धीरियं पुरिसक्कार-परक्कमे लखे पत्ते अभिसमण्णागए तं
खामेमि णं देवानुप्पिया खमंतु णं देवानुप्पिया खंतुमरिहंति णं देवानुप्पिया नाई भुज्जो करणयाए
त्ति कट्ठ पायवडिए पंजलिउडे एयमद्धं भुज्जो-भुज्जो खामेइ खामेता जामेव दिसं पाउब्भूए तामेव दिसं
पडिगए तए णं से कामदेवे समणोवासए निरुवसण्णमिति कट्ठ पडिं पारेइ तेणं कालेणं तेणं
समएणं समणे भगवं महावीरे जाव विहरइ । २३।-२३

(२६) तए णं से कामदेवे समणोवासए इमीसे कहाए लख्खे समाणे-एवं खलु समाणे भगवं
महावीरे [पुव्वाणुप्पि चरमाणे गामाणुगाम दूइज्जमाणे इहमागए इह संपत्ते इह समोसडे इहेव
चंपाए नयरीए बहिया पुत्रभदे वेइए अहापडिरूवं ओगहं ओगिण्हिता संजमेणं तवसा अप्पाणं
भावेमाणे] विहरइ तं सेयं खलु मम समणं भगवं महावीरं वंदित्ता नमंस्सित्ता ततो पडिणियत्तस्स
पोसहं पारेतए त्ति कट्ठ एवं संपेहेइ संपेहेत्ता पोसहसालाओ पडिणिक्खमइ पडिणिक्खमिक्खिता
सुद्धप्पावेसाई मंगल्लाई वत्थाई पवर परिहिए मणुस्सवग्गुरापरिक्खिते सयाओ गिहाओ पडिणि-
क्खमिता चंपं नयरीं भज्झंमज्झेणं निग्गच्छइ निग्गच्छित्ता जेणेव पुत्रभदे वेइए जहा संखे पज्जु-
वासइ तए णं समणे भगवं महावीरे कामदेवस्स समणोवासयस्स तीरे य महइमहालियाए परिसाए
जाव धम्मं परिकहेइ धम्मकहा समत्ता । २४।-२४

(२७) कामदेवाइ समणे भगवं महावीरे कामदेवं समणोवासयं एवं वयासी-से नृणं
कामदेवा तुब्बं पुच्चरत्तावरत्तकालसमयीसि एगे देवे अंतियं पाउब्भूए तए णं से देवे एगं महं दिव्वं
पिसायरूवं विउव्वइ विउव्वित्ता आसुरत्ते रुद्धे कुविए चंडिक्किए मिसिमिसीयमाणे एगं महं
नीलुप्पल-[गवलगुलिय-अयसिकुसुमप्पगासं] खुरधारं असिं गहाय तुमं एवं वयासी हंभो कामदेवा
[समणोवासया जाव जइ णं तुमं अज्ज सीलाइ वयाइं वेरमाणाइं पच्चक्खाणाइं पोसहोववासाइं न
छड्डेसि न भंजेसि तो तं अज्ज अहंइमेणं नीलुप्पल जाव असिणा खंडाखंडिं कोरेमि जहा णं तुमं
देवानुप्पिया अट्ठ-दुहट्ठ-वसट्ठे अकाले चेव] जीवियाओ बवरो विज्जसि तुमं तेणं दिव्वेणं पिसायरू-
वेणं एवं वुत्ते समाणे अभीए जाव विहरसि [तए णं से दिव्वे पिसायरूवे तुमं अभीयं जाव पासइ
पासित्ता दोहं पि तच्चं पि तुमं एवं वयासी-तए णं से दिव्वे पिसायरूवे तुमं अभीयं जाव पासइ
पासित्ता आसुरत्ते रुद्धे कुविए चंडिक्किए मिसिमिसीयमाणे तिवलियं भिउडिं निडाले साहट्ठ तुमं
नीलुप्पल-गवलगुलिय-अयसिकुसुमप्पगासेणं खुरधारेणं असिणा खंडाखंडिं कोइ तए णं तुमे तं
उज्जलं जाव वेयणं सम्मं सहसि खमसि तितिक्खसि अहियासेसि तए णं से दिव्वे पिसायरूवे तुमं
अभीयं जाव पासइ पासित्ता जाहे नो संचाएइ तुमं निग्गंधाओ पावयणाओ चालित्ता वा खोभित्ता
वा विपरिणामित्ता वा ताहे संते तंते परितंते सणियं-सणियं पच्चोसक्कइ पच्चोसक्किक्का पोसह-
सालाओ पडिणिक्खमइ पडिणिक्खमिता दिव्वं पिसायरूवं विप्पजइइ विप्पजहिक्का एगं महं दिव्वं
हत्थिरूवं विउव्वइ विउव्वित्ता जेणेव पोसहसाला जेणेव तुमे तेणेव उवागच्छइ उवागच्छित्ता तुमं
एवं वयासी-हंभो कामदेवा समणोवासया जाव जइ णं तुमं अज्ज सीलाइ वयाइं वेरमाणाइं पच्चक्खा-
णाइं पोसहोववासाइं न छड्डेसि न भंजेसि तो तं अहं अज्ज सोंडाए गेप्पहामि गेण्हित्ता पोसहसालाओ
नीणेमि नीणेत्ता उड्ढं वेहासं उव्विहामि उव्विहित्ता तिक्खेहिं दंतमुसलेहिं पडिच्छामि पडिच्छित्ता
अहे धरणिगतलंसि तिक्खुतो पाएसु लोलेमि जहा णं तुमं देवानुप्पिया अट्ठ-दुहट्ठ-वसट्ठे अकाले चेव
जीवियाओ बवरोविज्जसि तए णं तुमे तेणं दिव्वेणं हत्थिरूवेणं एवं वुत्ते समाणे अभीए जाव

विहरसि तए णं से दिव्वे हत्थिरूवे तुमं अभीयं जाव पासइ पासिता दोछं पि तच्चं पि तुमं एवं वयासी-हंभो कामदेवा समणोवासया जाव जइ णं तुमं अज्जसीलाई वयाइं वेरमणाइं पच्चक्खाणाइं पोसहोववसाइं न छडेसि न भंजेसि तो तं अज्ज अहं सोडाए गेण्हमि गेण्हिता पोसहसालाओ नी-णेमि निणित्ता उड्डं वेहासं उच्चिहामि उच्चिहिता तिकखेहिं दंतमुसलेहिं पडिच्छामि पडिच्छिता अहे धरणितालंसि तिकवुतो पाएसु लोलेमि जहा णं तुमं देवाणुप्पिया अट्ट-दुहट्ट-वसट्टे अकाले चेव जीवियाओ ववरोविज्जसि तए णं तुमे तेणं दिव्वेणं हत्थिरूवेणं दोछं पि तच्चं पि एवं वुत्ते समाणे अभीए जाव विहरसि तए णं से दिव्वे हत्थिरूवे तुमं अभीयं जाव पासइ पासिता आसुरते रुद्धे कुविए चंडिकिए मिसिमिसीयमाणे तुमं सोडाए गेण्हिति गेण्हिता उड्डं वेहासं उच्चिहइ उच्चि-हिता तिकखेहिं दंतमुसलेहिं पडिच्छइ पडिच्छिता अहे धरणितालंसि तिकवुतो पाएसु लोलेइ तए णं तुमे तं उज्जलं जाव वेयणं सम्मं सहसि खमसि तितिकखसि अहियासेसि तए णं से दिव्वे हत्थिरूवे तुमं अभीयं जाव पासइ पासिता जाहे नो संचाएति निगंथाओ पावयणाओ चालितए वा खोमितए वा विपरिणामितए वा ताहे संते तंते परितंते सणियं-सणियं पच्चोसक्कइ पच्चोसक्किक्ता पोसहसालाओ पडिणिकूखमइ पडिणिकूखमिता दिव्वं हत्थिरूवं विप्पजहइ विप्पजहिता एणं महं दिव्वं सप्परूवं विउच्चइ विउच्चिता तए णं तुमे तेणं दिव्वेणं सप्परूवेणं एवं वुत्ते समाणे अभीए जाव विहरसि तए णं से दिव्वे सप्परूवे तुमं अभीयं जाव पासइ पासिता दोछं पि तच्चं पि तुमं एवं वयासी-हंभो कामदेवा समणोवासया जाव जइ णं तुमं अज्ज सीलाई वयाइं वेरमणाइं पच्चक्खा-मणाइं पोसहोववसाइं न छडेसि न भंजेसि तो ते अज्जेव अहं सरसरस्स कायं दुरुहमि दुरुहिता पच्छिमेणं भाएणं तिकवुतो गीवं वेदेमि वेदेत्ता तिकखाहिं विसपरिगताहिं दाढाहिं उरसि चेव निकुट्टेमि जहा णं तुमं अट्ट-दुहट्ट-वसट्टे अकाले चेव जीवियाओ बवरोविज्जसि तए णं तुमे तेणं दिव्वेणं सप्परूवेणं दोछं पि तच्चं पि एवं वुत्ते समाणे अभीए जाव विहरसि तए णं से दिव्वे सप्परूवे तुमं अभीयं जाव पासइ पासिता आसुरते रुद्धे कुविए चंडिकिए मिसिमिसीयमाणे तुमं सरस-रस्स कायं दुरुहइ दुरुहिता पच्छिमेणं भाएणं तिकवुतो गीवं वेदेइ वेदेत्ता तिकखाहिं विसप-रिगताहिं दाढाहिं उरसि चेव निकुट्टेइ तए णं तुमे तं उज्जलं जाव वेयणं सम्मं सहसि खमसि तितिकखसि अहियासेसि तए णं से दिव्वे सप्परूवे तुमं अभीयं जाव पासइ पासिता जाहे नो संचा-एइ तुमं निगंथाओ पावयणाओ चालितए वा खोमितए वा विपरिणामितए वा ताहे संते तंते परितंते सणियं-सणियं पच्चोसक्कइ पच्चोसक्किक्ता पोसहसालाओ पडिणिकूखमइ पडिणिकूख-मिता दिव्वं सप्परूवं विप्पजहइ विप्पजहिता एणं महं दिव्वं देवरूवं विउच्चइ विउच्चिता पोस-हसालं अनुप्पविसइ अनुप्पविसिता अंतलिकखपडिबण्णे संखिखिणियाइं पंचदण्णाइं वत्थाइं पवर परिहिए तुमं एवं वयासी-हंभो कामदेवा समणोवासया घण्णेसि णं तुमं देवाणुप्पिया पुत्तेसि णं तुमं देवाणुप्पिया कयत्थेसि णं तुमं देवाणुप्पिया कयलक्खणेसि णं तुमं देवाणुप्पिया सुल्ले णं तव देवाणुप्पिया माणुस्सए जम्मजीवियफले जस्स णं तव निगंथे पाववणे इमेयारूवा पडिवत्ती लद्धा पत्ता अभिसमण्णागया एवं खलु देवाणुप्पिया सक्के देविंदे देवराया जाव एवमाइक्खइ एवं भासइ एवं पण्णवेइ एवं परूवेइ एवं खलु देवा जंबुदीवे दीवे भारहे वासे चंपाए नयरीए कामदेवेसमणो-वासए पोसहसालाए पोसहिए बंचारी उम्मुक्कमणिसुवण्णे ववगयमालाचण्णगविलेवणे निक्खि-त्तसत्थमुसले एगे अबीए दम्भसंधारोवगए समणस्स भगवओ महावीरस्स अंतियं धम्मपन्नति

उवसंपज्जिता णं विहरइ नो खलु से सक्के केणइ देवेण वा दाणवेण या निग्गंधाओ पावयणाओ चालित्ताए वा खोभित्ताए वा विपरिणामेत्ताए वा तए णं अहं सक्कस्स देविंदस्स देवरण्णो एयमट्ठं असद्वहमाणे अपतियमाणे अरोएमाणे इहं हव्यमाणए तं अहो णं देवाणुप्पियाणं इइदी जुई जसो बलं वीरिचं पुरिसक्कार-परक्कमे लद्धे पत्ते अभिसमण्णाए तं दिट्ठा णं देवाणुप्पियाणं इइदी जाव अभिसमण्णाए तं खामेमि णं देवाणुप्पिया खमंतु णं देवाणुप्पिया खंतुमरिहति णं देवाणुप्पिया नाइं भुज्जो करणयाए ति कट्ठ पावयडिए पंजलिउडे एयमट्ठं भुज्जो-भुज्जो खामेइ खामेत्ता जामेव दिसं पाउब्भूए तामेव दिसं पडिगए। से नूणं कामदेवा अट्ठे समट्ठे हंता अत्थि अज्जोति समणे भगवं महावीरे बहवे समणे निग्गंधे य निग्गंधीओ य आमत्तेत्ता एवं ववासी-जइ ताव अज्जो समणोवासगा गिहिणो गिहमज्जावसंता दिव्व-माणुस-तिरिक्खजोणिए उवसग्गे सम्मं [सहंति खंभंति] तित्ति-क्खंति अहियासेंति सक्का पुणाइं अज्जो समणेहिं निग्गंधेहिं दुवालसंगं गणिपडिं अहिक्खमाणेहिं दिव्व-माणुस-तिरिक्खजोणिए उवसग्गे सम्मं सहित्तए जाव अहियासित्तए ततो ते बहवे निग्गंधा य निग्गंधीओ य समणस्स भगवओ महावीरस्स तए ति एयमट्ठे विणएणं पडिसुणेंति तए णं से कामदेवे समणोवासए हट्ठतुट्ठ-जाव समणं भगवं महावीरं पसिणाइं पुच्छइ अट्ठमादिचइ समणं भगवं महावीरं तिकुवुत्तो आयाहिण-पयाहिणं करेइ करेत्ता वंदइ नमंसइ वंदित्ता नमसित्ता जामेव दिसं पाउब्भूए तामेव दिसं पडिगए तए णं समणे भगवं महावीरे अण्णदा कदाइ चंपाओ नचरीओ पडिणिक्खमइ पडिणिक्खमिता बहिया जणवयविहारं विहरइ। २५।-२५

(२८) तए णं से कामदेवे समणोवासए पढमं उवासगपडिमं उवसंपज्जिता णं विहरइ [तए णं से कामदेवे समणोवासए पढमं उवासगपडिमं अहासुत्तं अहाकप्पं अहामगं अहातच्चं सम्मं काएणं फासेइ पालेइ सोहेइ तीरेइ कित्तेइ आराहेइ तए णं से कामदेवे समणोवासए दोच्चं उवासगपडिमं एवं तच्चं चउत्थं पंचमं छट्ठं सत्तपं अट्ठमं नवमं दसमं एक्कारसमं उवासगपडिमं अहासुत्तं अहाकप्पं अहामगं अहातच्चं सम्मं काएणं जाव आराहेइ तए णं से कामदेवे समणोवासए इमेणं एवारूवेणं ओरालेणं विउलेणं पयत्तेणं पग्गहिएणं तवोकम्मेणं सुक्के लकुक्खे निम्मंसे अट्ठिच्च्मावणद्धे किडिकिडियाभूए किसे धमणिसंतए जाए तए तं तस्स कामदेवस्स समणो वासयस्स अन्नदा कदाइ पुव्वरत्तावरत्त कालं समयंसि धम्मजागरियं जागरमाणस्स अयं अज्झ-खिए वित्तिए पत्थिए मणोए संकप्पे समुप्पज्जित्था-एवं खलु अहं इमेणं एवारूवेणं ओरालेणं विउलेणं पयत्तेणं पग्गहिएणं तवोकम्मेणं सुक्के जाव धमणिसंतए जाए तं अत्थि ता मे उट्ठाणे कम्मे बले वीरिए पुरिसक्कार-परक्कमे सद्धा-धिइ-संवेगे तं जावता मे अत्थि उट्ठाणे कम्मे बले वीरिए पुरिस-क्कार-परक्कमे सद्धा-धिइ संवेगे जाव य मे धम्मयरीए धम्मोवएसए समणे भगवं महावीरे जिणे सुहत्थी विहरइ तावता मे सेयं कल्लं पाउप्पभायाए रयणीए जाव उट्ठियमि सूरु सहरस्सरस्सिमि दिणयरे तेयसा जलंतं अपच्छिममारणंतियसंलेहणा-झूसणा-झूसियस्स भत्तपाण-पडियाइक्खि-यस्स कालं अणवक्खमाणस्स विहरित्तए एवं संपेहेइ संपेहेत्ता कल्लं पाउप्पभायाए रयणीए जाव उट्ठियमि सूरु जाव भत्तपाण-पडियाइक्खिए कालं अणवक्खमाणे विहरइ। तए णं से कामदेवे समणोवासए बहूहिं [सील-व्वय-गुण-वेरमण-पच्चक्खान-पोसहोववासेहिं अप्पाणं] भावेत्ता वीसं वासाइं समणोवासगपरियागं पाउणित्ता एक्कारस व उवासगपडिमाओ सम्मं काएणं फासित्ता मासियाए संलेहणाए अत्ताणं झूसित्ता सट्ठिं भत्ताइं अणसणाए छेदेत्ता आलोइय-

पडिक्कंते समाहिं पत्ते कालमासे कालं किच्चा सोहम्मे कप्पे सोहम्मवडिंसगस्स महाविमाणस्स उत्तरपुत्थिमे णं अरुणाभं विमाणं देवत्ताए उदवण्णे तत्थ णं अत्थेगइयाणं देवाणं चत्तारि पत्तिओव-
माइं ठिई पत्रत्ता कामदेवस्स वि देवस्स चत्तारि पत्तिओवमाइं ठिई पत्रत्ता से णं भंते कामदेवे ताओ देवत्तोगाओ आउक्खएणं भवक्खएणं ठिइक्खएणं अणंतरं चयं चइत्ता कहिं गमिहिइ कहिं उववजिहिइ गोयमा महाविदेहे वासे सिञ्जिहिइ बुञ्जिहिइ मुञ्जिहिइ सव्वदुक्खाणमंतं काहिइ एवं खलु जंबू समणेणं भगवया महावीरेणं उवासगदसाणं दोद्यस्स अञ्जयणस्स अयमट्ठे पत्रत्ते । २६।-२६

● बीअं अञ्जयणं समतं ●

तइयं अञ्जयणं-चुलणीपिता

(२९) [जइ णं भंते समणेणं भगवया महावीरेणं जाव संपत्तेणं सत्तमस्स अंगस्स उवासग-
दसाणं दोद्यस्स अञ्जयणस्स अयमट्ठे पत्रत्ते तच्चस्स णं भंते अञ्जयणस्स के अट्ठे पत्रत्ते] एवं खलु जंबू तेणं कालेणं तेणं समएणं वाणारसी नामं नयरी कोट्टए चेइए जियसत्तू राया [तत्थ णं वाणा-
रसीए नयरीए चुलणीपिता नामं गाहावई परिवसइ-अइडे जाव बहुजणस्स अपरिभूए तस्स णं चुलणीपियस्स गाहावइस्स अट्ठ हिरण्णकोडीओ निहाणपउत्ताओ अट्ठ हिरण्णकोडीओ बडिडपउ-
त्ताओ अट्ठ हिरण्णकोडीओ पवित्थरपउत्ताओ अट्ठ वया दसगोसाहस्सिएणं वएणं होत्था से णं चुलणीपिता गाहावई वहूणं जाव आपुच्छणिजे पडिपुच्छणिजे सयस्स वि य णं कुइवस्स मेढी जाव सव्वकज्जवड्ढावए यावि होत्था तस्स णं चुलणीपियस्स गाहावइस्स सामा नामं भारिया होत्था-
अहीण-पडिपुण्ण-पंधिदियसरीरा जाव माणुस्सए कामभोए पच्चणभवमणी विहरइ तेणं कालेणं तेणं समएणं समणे भगवं महावीरे जाव जेणेव वाणारसी नयरी जेणेव कोट्टए चेइए तेणेव उवागच्छइ उवागच्छित्ता अहापडिस्सवं ओग्गहं ओगिण्हित्ता संजमेणं तवसा अप्पाणं भावेमाणे विहरइ परिसा निग्गया कूणिए राया जहा तथा जियसत्तू निग्गच्छइ जाव पज्जुवासइ तए णं से चुल-
णीपिया गाहावई इमीसे कहाए लद्धे समणे-एवं खलु समणे भगवं महावीरे पुव्वाणुपुत्थिं चरमाणे गामाणुगामं दूइज्जमाणे इहमागए इह संपत्ते इह समोसडे इहेव वाणारसीए नयरीए बहिया जाव विहरइ तं महप्फलं खलु भो देवाणुप्पिया तहाल्लावाणं अरहंताणं भगवंताणं नामगोयसस वि सवण-
याए किमंग पुण अभिगमण-वंदण-नमंसण-पडिपुच्छण पज्जुवासणयाए एगस्स वि आरियस्स घम्मि-
यस्स सुवयणस्स सवणयाए किमंग पुण विउलस्स अट्ठस्स गहणयाए तं गच्छामि णं देवाणुप्पिया समणं भगवं महावीरं वंदामि नमंसामि सकूकामे मि सम्माणेपि कल्लाणं मंगलं देवयं चेवइं पज्जुवा-
सामि-एवं संपेहेइ संपेहेत्ता प्हाए कयवलिकम्मे मंगलं देवइं चेइयं पज्जुवासामि-एवं संपेहेइ संपेहेत्ता प्हाए कयवलिकम्मे कयकोउय-मंगल-पायच्छित्ते सुद्धप्पावेसाइं मंगल्लाइं बत्थाइं पवर परिहिए अप्पमहग्गधाभरणालंक्रियसरीरे सयाओ गिहाओ पडिणिक्खमइ पडिणिक्खमिता सकोरेट मल्लदा-
मेणं छत्तेणं धरिज्जमाणेणं मणुस्सवग्गुरापरिखित्ते पादविहार चारेणं वाणारसिं नयरिं मज्झमज्जेणं निग्गच्छइ निग्गच्छित्ता जेणामेव कोठए चेइए जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं तिक्खुत्तो आवाहिण-पयाहिणंकरेइ करेत्ता वंदइ नमसंइ वंदित्ता नमंसित्ता नच्चासण्णे नाइदूरे सुस्सूसमाणे नमंसमाणे अभिमुहे विणएणं पंजलिउडे पज्जुवा-
सइ तए णं समणे भगवं महावीरे चुलणीपियस्स गाहावइस्स तीसे य महइमहालियाए परिसाए जाव धम्मं परिकहेइ परिसा पडिगया राया य गए तए णं से चुलणीपिता गाहावई समणस्स भगवओ

महावीरस्स अंतिए धम्मं सोद्धा निसम्मं हट्ठतुट्ठ-चित्तमाणंदिए पीइमणे परमसोमणस्सिए हरिसव-
सविसप्पमाइणहियए उट्ठाए उट्ठेइ उट्ठेत्ता समणं भगवं महावीरं जाय नमंसित्ता एवं वयासी-
सद्धहामि णं भंते निगंथं पावयणं पत्तियामि णं भंते निगंथं पावयणं रोएमि णं भंते निगंथं पावयणं
अब्भुट्ठेमि णं भंते निगंथं पावयणं एवमेयं भंते तहमेयं भंते अवितहमेयं भंते असद्धिमेयं भंते
इच्छियमेयं भंते पडिच्छियमेयं भंते इच्छिय-पडिच्छियमेयं भंते से जहेय तुब्भे वदह जहा णं
देवाणुप्पियाणं अंतिए बहवे राईसर-तलवर-माडंबिय-कोडुंबिय-इड्ढ-सेट्ठि-सेणावइ-सत्थवाहप्पि-
भिइया मुंडा भवित्ता अगाराओ अणगारियं पव्वइया नो खलु अहं तथा संचाएमि मुंडे भवित्ता
अगाराओ अमगारियं पव्वइत्ताए अहं णं देवाणुप्पियाणं अंतिए पंचाणुव्वइयं सत्तासिज्जावइयं
दुयालसविहं सावगधम्मं पडिवज्जिस्सामि अह्हासुहं देवाणुप्पिया मा पडिवंधं करेहि तए णं से चुल-
णीपिता गाहावई समणस्स भगवओ महावीरस्स अंतिए सावयधम्मं पडिवज्जइ ते णं समणे भगवं
महावीरे अण्णदा कदाइ वाणारसीए नयरीए विहरइ ते णं से चुलणीपिता समणोवासए जाए-
अभिगवजीवाजीवे जाव समणे निगंथे फासु-एसणिज्जेणं असण-पाण-खाइम-साइमेणं वत्थ-
पडिगाह-कंबलपायपुंछणेणं ओसह-भेसज्जेणं पाडिहारिएण य पीठ-फलग-सेज्जा-संधारएणं पडि-
लाभेमाणे विहरइ ते णं सा सामा भारिया समणोवासिया जाया-अभिगवजीवाजीवा जाव विहरइ
तए णं तस्स चुलणीपियस्स समणोवासगस्स उट्ठावएहिं सील-व्यय-गुण-वेरमण-पच्चक्खाण-
पोसहोववासेहिं अप्पाणं भावेमाणस्स चोदस संबच्छराई वीइक्कंताई पन्नरसमस्स संबच्छरस्स
अंतरा वट्ठमाणस्स अण्णदा कदाइ पुव्वरत्तावरत्तकालसमयंसि धम्मजागरियं जागरमाणस्स इमेया-
रूवे अज्झत्थिए चितिए पत्थिए मणोगए संकप्पे समुप्पज्जित्या-एवं खलु अहं वाणारसीए नयरीए
बहूणं जाव आपुच्छणिज्जे पडिपुच्छणिज्जे सयस्स वि य णं कुडुंबस्स मेढी जाव सव्वकज्जवइद्दावए तं
एतेणं वक्खेवेणं अहं नो संचाएमि समणस्स भगवओ महावीरस्स अंतियं धम्मपन्नतिं उवसंपज्जित्ता
णं विहरित्ताए तए णं से चुलणीपिता समणोवासए जेड्डपुत्तं मित्त-नाइ-नियग-सवण-संबंधि-
परिजणं च आपुच्छइ आपुच्छित्ता सयाओ गिहाओ पडिणिक्खमइ पडिणिक्खमिता वाणारसि
नयरीं यज्झंमज्झेणं निगच्छइ निगच्छित्ता जेणेव पोसहसाला तेणेव उवागच्छइ उवागच्छित्ता
पोसहसालं पमज्जइ पमज्जित्ता उच्चार-पासवणभूमिं पडिलेहेइ पडिलेहेत्ता दब्बसंधारयं संयरेइ संय-
रेत्ता दब्बसंधारयं दुरुहइ दुरुहित्ता। पोसहसालाए पोसहिए बंधयारी [उम्मुक्कमणिसुवण्णे ववग-
यमालावण्णगविलेवणे निक्खित्तसत्थमुसले एगे अबीए दब्बसंधारोवणए] समणस्स भगवओ
महावीरस्स अंतियं धम्मपन्नतिं उवसंपज्जित्ता णं विहरइ। २७:२१-२७

(३०) तए णं तस्स चुलणीपियस्स समणोवासयस्स पुव्वरत्तावरत्तकालसमयंसि एगे देवे
अंतिय पाउब्भूए तए णं से देवे एणं पढं नीलुप्पल-गवलगुलिय-अयसिकुसुमप्पगासं खुरधारं अत्तिं
गहाय चुलणीपियं समणोवासयं एवं वयासी हंभो चुलणीपिता समणोवासया [अप्पत्थिपत्थिया
दुरंत-पंत-लक्खणा हीणपुत्रचाउट्ठसिया सिरि-हिरि-धिइ-कित्ति-परिवज्जिया धम्मकामया पुत्रका-
मया सगकामया मोक्खकामया धम्मकंखिया पुत्रकंखिया सगकंखिया मोक्खकंखिया धम्मापि-
वासिया पुत्रपिवासिया सगपिवासिया मोक्खपिवासिया नो खलु कप्पइ तव देवाणुप्पिया सीलाई
वयाइं वेरमणाइं पच्चक्खाणाइं पोसहोववसाइ चालित्ताए वा खोभित्ताए वा खंडित्ताए वा भंजित्ताए वा
उज्झित्ताए वा परिच्छित्ताए वा तं जइ णं तुमं अज्जसीलाई वयाइं वेरमणाइं पच्चक्खाणाइं पोसहो-

ववासाइ न छड़ेसि न] भंजेसि तो ते अहं अञ्ज जेठपुत्तं साओ गिहाओ नीणेमि नीणेत्ता तव अगगओ घाएमि घाएत्ता तओ मंससोल्ले करेमि करेत्ता आदाणभरियंसि कडाहयंसि अद्देहिमि अद्देहेत्ता तव गायं मंसेणं य सोणिएणं य आइंचामि जहा णं तुमं अद्दे-दुहद्दे-वसद्दे अकाले चेव जीवियाओ ववरोविज्जसि तए णं से चुलणीपिता समणोवासए तेणं देवेणं एवं वुत्ते समाणे अभीए [अतत्थे अनुव्विगे अखुभिए अवलिए असंभंते तुसिणीए धम्मज्झाणोवगए] विहरइ तए णं से देवे चुलणीपियं समणोवासयं अभीयं जाव विहरमाणं पासइ पासित्ता दोहं पि तच्चं पि चुलणीपियं समणोवासयं एवं वयासी-हंभो चुलणीपिया समणोवासया [जाय जइ णं तुमं अञ्ज सीलाई वयाइं न छड़ेसि न भंजेसि जाव जीवियाओ ववरोविज्जसि तए णं से चुलणीपिता समणोवासए तेणं देवेणं दोहं पि तच्चं पि एवं वुत्ते समाणे अभीए जाव] विहरइ तए णं से देवे चुलणीपियं समणोवासयं अभीयं जाव पासइ पासित्ता आसुरत्ते रुद्धे चंडिक्कए मिसिमिसीयमाणे चुलणीपियस्स समणोवासस्स जेठपुत्तं गिहाओ नीणेइ नीणेत्ता अगगओ घाएइ घाएत्ता तओ मंससोल्ले करेइ करेत्ता आदाणभरियंसि कडाहयंसि अद्देहि अद्देहेत्ता चुलणीपियस्स समणोवासयस्स गायं मंसेणं य सोणिएणं य आइंचइ तए णं से चुलणीपिता समणोवासए तं उज्जलं [विउलं कक्कसं पगाढं चंडं दुक्खं दुरहियासं वेयणं सम्मं सहइ खमइ तितिक्खइ] अहियासेइ तए णं से देवे चुलणीपियं समणोवासयं अभीयं जाव पासइ पासित्ता चुलणीपियं समणोवासयं एवं वयासी-हंभो चुलणीपिता समणोवासया जाव जइ णं तुमं अञ्ज सीलाई वयाइं वेरमणाइं पच्चक्खाणाइं पोसहोववासाइं न छड़ेसि न भंजेसि तो ते अहं अञ्ज मज्झिमं पुत्तं साओ गिहाओ नीणेमि नीणेत्ता तव अगगओ घाएमि घाएत्ता [तओ मंससोल्ले करेमि करेत्ता आदाणभरियंसि कडाहयंसि अद्देहिमि अद्देहेत्ता तव गायं मंसेणं य सोमिणं य आइंचामि जहा णं तुमं अद्दे-दुहद्दे-वसद्दे अकाले चेव जीवियाओ ववरोविज्जसि तए णं से चुलणीपिता समणोवासए तेणं देवेणं एवं वुत्ते समाणे अभीए जाव विहरइ ते णं से देवे चुलणीपियं समणोवासयं अभीयं जाव पासइ पासित्ता दोहं पि तच्चं पि चुलणीपियं समणोवासयं एवं वयासी-हंभो चुलणीपिया समणोवासया जाव जइ णं तुमं अञ्ज सीलाई वयाइं जाव न छड़ेसि न भंजेसि तो ते अहं अञ्ज मज्झिमं पुत्तं साओ गिहाओ नीणेमि नीणेत्ता तव अगगओ घाएमि घाएत्ता जाव जीवियाओ ववरोविज्जसि

तए णं से चुलणीपिया समणोवासए तेणं देवेणं दोहं पि तच्चं पि एवं वुत्ते समाणे अभीए जाव विहरइ तए णं से देवे चुलणीपियं समणोवासयं अभीयं जाव पासइ पासित्ता आसुरत्ते रुद्धे क्विए चंडिक्कए मिसिमिसीयमाणे चुलणीपियस्स समणोवासयस्स मज्झिमं पुत्तं गिहाओ नीणेइ नीणेत्ता अगगओ घाएइ घाएत्ता तओ मंससोल्ले करेइ करेत्ता आदाणभरियंसि कडाहयंसि अद्देहि अद्देहेत्ता चुलणीपियस्स समणोवासयस्स गायं मंसेणं य सोणिएणं य आइंचइ तए णं से चुलणीपिता समणोवासए तं उज्जलं जाव वेयणं सम्मं सहइ खमइ तितिक्खइ अहियासेइ तए णं से देवे चुलणीपियं समणोवासयं अभीयं जाव पासइ पासित्ता चुलणीपियं समणोवासयं एवं वयासी-हंभो चुलणीपिता समणोवासया जाव जइ णं तुमं अञ्ज सीलाई वयाइं वेरमणाइं पच्चक्खाणाइं पोसहोववासाइं न छड़ेसि न भंजेसि तो ते अहं अञ्ज कणीयसं पुत्तं साओ गिहाओ नीणेमि नीणेत्ता तव अगगओ घाएमि घाएत्ता तओ मंससोल्ले करेमि करेत्ता आदाणभरियंसि कडाहयंसि अद्देहिमि अद्देहेत्ता तव गायं मंसेणं य सोमिणं य आइंचामि जहा णं तुमं अद्दे-दुहद्दे-वसद्दे अकाले चेव

जीवियाओ ववरोविज्जसि तए णं से चुलणीपिता समणोवासए तेणं देवेणं एवं वुत्ते समाणे अभीए जाव विहरइ तए णं से देवे चुलणीपियं समणोवासयं अभीयं जाव पासइ पासिता आसुरते रुठे कुविए चंडिकिए मिसिमिसीयमाणे चुलणीपियस्स समणोवासयस्स कणीयसं पुत्तं गिहाओ नीणेइ नीणेत्ता अग्गओ घाएइ घाएत्ता तओ मंससोले करेइ करेत्ता आदाणभरियंसि कडाहयंसि अदहेइ अदहेत्ता चुलणीपियस्स समणोवासयस्स गायं मंसेण य सोणिएण य आईचइ तए णं से चुलणीपिता समणोवासए तं उज्जलं जाव वेयणं सम्मं सहइ खमइ तितिकखइ। अहियासेइ तए णं से देवे चुलणीपियं समणोवासयं अभीयं जाव पासइ पासिता चउत्थं पि चुलणीपियं समणोवासयं एवं वयासी-हंभो चुलणीपिया समणोवासया जाव जइ णं तुमं [अज्ज सीलाइं वयाइं वेरमणाइं पच्चक्खाणाइं पोसहोववासाइं न छेइसि] न भंजेसि तो ते अहं अज्ज जा इमा माया भद्दा सत्थवाही देवतं गुरु-जणणी दुक्कर-दुक्करकारिया तं साओ गिहाओ नीणेमि नीणेत्ता तव अग्गओ घाएमि घाएत्ता तओ मंससोले करेमि करेत्ता आदाणभरियंसि कडाहयंसि अदहेमि अदहेत्ता तव गायं मंसेणं य सोणिएण य आईचामि जहा णं तुमं अइ-दुहइ-वसइ अकाले चेव जीवियाओ ववरोविज्जसि तए णं से चुलणीपिता समणोवासए तेणं देवेणं एवं वुत्ते समाणे अभीए जाव विहरइ तए णं से देवे चुलणीपियं समणोवासयं अभीयं जाव पासइ पासिता दोछं पि तच्चं पि चुलणीपियं समणोवासयं एवं वयासी हंभो चुलणीपिता समणोवासया [जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छेइसि] न भंजेसि तो ते अहं अज्ज जा इमा माया भद्दा सत्थवाही देवतं गुरु-जणणी दुक्कर-दुक्करकारिया तं साओ गिहाओ नीणेमि नीणेत्ता तव अग्गओ घाएमि घाएत्ता तओ मंससोले करेमि करेत्ता आदाणभरियंसि कडाहयंसि अदहेमि अदहेत्ता तव गायं मंसेणं य सोणिएण य आंचामि जहा णं तुमं अइ-दुहइ-वसइ अकाले चेव जीवियाओ ववरोविज्जसि

तए णं तस्स चुलणीपियस्स समणोवासयस्स तेणं देवेणं दोछं पि तच्चं पि एवं वुत्तस्स समाणस्स इमेवारूवे [अज्जत्थिए चितिए पत्थिए मणोगए संकथे] समुप्पज्जित्या-अहो णं इमे पुरिसे अणारिए अणारियवुद्धी अणारियाइ पावाइं कम्माइं समाचरति जे णं ममं जेइ पुत्तं साओ गिहाओ नीणेइ नीणेत्ता मम अग्गओ घाएइ घाएत्ता [तओ मंससोले करेइ करेत्ता आदाणभरियंसि कडाहयंसि अदहेइ अदहेत्ता ममं गायं मंसेणं य सोणिएण य आईचइ जे णं ममं मज्झिमं पुत्तं साओ गिहाओ [नीणेइ नीणेत्ता मम अग्गओ घाएइ घाएत्ता तओ मंससोले करेइ करेत्ता आदाणभरियंसि कडाहयंसि अदहेइ अदहेत्ता ममं गायं मंसेणं य सोणिएण य] आईचइ जे णं ममं कणीयसं पुत्तं साओ गिहाओ नीणेइ नीणेत्ता मम अग्गओ घाएइ घाएत्ता तओ मंससोले करेइ करेत्ता आदाणभरियंसि कडाहयंसि अदहेइ अदहेत्ता ममं गायं मंसेणं य सोणिएण य आईचइ जा वि य णं इमा ममं भाया भद्दा सत्थवाही देवतं गुरु-जणणी दुक्कर-दुक्करकारिया तं पि य णं इच्छइ साओ गिहाओ नीणेत्ता मम अग्गओ घाएत्ता-तं सेयं खलु ममं एयं पुरिसं गिण्हिते सि कइ उन्नाविए से वि य आगासे उप्पइए तेण च खंभे आसाइए महया-महया सदेणं कोलाहले कए तए णं सा भद्दा सत्थवाही तं कोलाहलसदं सोच्चा निसम्मं जेणेव चुलणीपिया समणोवासए तेणेव उवागच्छइ उवागच्छित्ता चुलणीपियं समणोवासयं एवं वयासी-किण्णं पुत्ता तुमं महया-महया सदेणं कोलाहले कए तए णं से चुलणीपिया समणोवासए अम्मयं भदं सत्थवाहिं एवं वयासी-एवं खलु अम्पो न याणामि के वि पुरिसे आसुरते रुठे कुविए चंडिकिए मिसिमिसीयमाणे एणं महं नीलुप्पल-

गवलगुलिय-अयसिकुसुमपगासं खुरधारं असि गहाय मम एवं वयासी-हंभो चुलणीपिया समणो-
वासया जाव जइ णं तुमं [अञ्ज सीलाइं वयाइं वेरमणाइं पच्चक्खाणाइं पोसहोववासाइं न छडेसि न
भंजेसि तो ते अहं अञ्ज जेइपुत्तं साओ गिहाओ नीणेमि नीणेत्ता तव अगगओ घाएमि घाएत्ता तओ
मंससोले कोमि करेत्ता आदाणभरियंसि कडाहयंसि अदहेमि अदहेत्ता तव गायं भंसेण य सोणिण
य आइंचामि जहा णं तुमं अट्ट-दुहट्ट-वसइ अकाले चेव जीवियाओ] ववरोविज्जसि तए णं अहं तेणं
पुरिसेणं एवं वुत्ते समाणे अभीए जाव विहरामि तए णं से पुरिसे ममं अभीयं जाव पासइ पासित्ता
ममं दोहं पि तच्चं पि एवं वयासी-हंभो चुलणीपिया समणोवासया [जाव जइ णं तुमं अञ्ज सीलाइं
वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो जाव तुमं अट्ट-दुहट्ट-वसइ
अकाले चेव जीवियाओ] ववरोविज्जसि तए णं अहं तेणं पुरिसेणं दोहं पि तच्चं पि एवं वुत्ते समाणे
अभीए जाव विहरामि तए णं से पुरिसे ममं अभीयं जाव पासइ पासित्ता आसुरते रुठे कुविए
चंडिकिए मिसिमिसीयमाणे ममं जेइपुत्तं गिहाओ नीणेइ नीणेत्ता मम अगगओ घाएइ घाएत्ता
तओ मंससोले कोइ करेत्ता आदाणभरियंसि कडाहयंसि अदहेइ अदहेत्ता ममं गायं भंसेण य सो-
णिण य आइंचइ तए णं अहं तं उज्जलं [जाव वेयणं सम्मं सहामि खमामि तितिकखामि अहियासेमि
एवं भज्जिमं पुत्तं जाव वेयणं सम्मं सहामि खमामि तितिकखामि अहियासेमि एवं कणीयसं पुत्तं
[जाव वेयणं सम्मं सहामि खमामि तितिकखामि] अहियासेमि

तए णं से पुरिसे ममं अभीयं जाव पासइ पासित्ता ममं चउत्थं पि एवं वयासी-हंभो चुल-
णीपिया समणोवासया जाव [जइ णं तुमं अञ्ज सीलाइं वयाइं वेरमणाइं पच्चक्खाणाइं पोसहोववा-
साइं न छडेसि] न भंजेसि तो ते अहं अञ्ज जा इमा णाया देवतं गुरु-[जणणी दुक्कर-दुक्करकारिया
तं साओ गिहाओ नीणेमि नीणेत्ता तव अगगओ घाएमि घाएत्ता तओ मंससोले कोमि करेत्ता
आदाणभरियंसि कडाहयंसि अदहेमि अदहेत्ता तव गायं भंसेण य सोणिण य आइंचामि जहा णं
तुमं अट्ट-दुहट्ट-वसइ अकाले चेव जीवियाओ] ववरोविज्जसि तए णं अहं तेणं पुरिसेणं एवं वुत्ते
समाणे अभीए जाव विहरामि तए णं से पुरिसे ममं अभीयं जाव पासइ पासित्ता दोहं पि तच्चं पि ममं
एवं वयासी-हंभो चुलणीपिया समणोवासया जाव जइ णं तुमं अञ्ज जाव ववरोविज्जसि तए णं
तेणं पुरिसेणं दोहं पि तच्चं पि ममं एवं वुत्तस्स समाणस्स इमेयारूवे अज्झत्थिए चित्थिए पत्थिए
मणोगए संकथे समुपज्झित्था-अहो णं इगे पुरिसे अणारिए अणारियबुद्धी अणारियाइं पावाइं
कम्माइं समाचरति जे णं ममं जेइ पुत्तं साओ गिहाओ [नीणेइ नीणेत्ता मम अगगओ घाएइ घाएत्ता
तओ मंससोले कोइ करेत्ता आदाणभरियंसि कडाहयंसि अदहेइ अदहेत्ता ममं गायं भंसेणं य सो-
णिण य आइंचइ जे णं ममं भज्जिमं पुत्तं साओ गिहाओ नीणेइ नीणेत्ता मम अगगओ घाएइ
घाएत्ता तओ मंससोले कोइ करेत्ता आदाणभरियंसि कडाहयंसि अदहेइ अदहेत्ता ममं गायं भंसेणं
य सोणिण य आइंचइ जे णं ममं कणीयसं पुत्तं साओ गिहाओ नीणेइ नीणेत्ता मम अगगओ घाएइ
घाएत्ता तओ मंससोले कोइ करेत्ता आदाणभरियंसि कडाहयंसि अदहेइ अदहेत्ता ममं गायं भंसेणं
य सोणिण य] आइंचइ तुम्हे वि य णं इच्छइ साओ गिहाओ नीणेत्ता मम अगगओ घाएत्ता तं सेयं
खलु ममं एयं पुरिसं गिण्हितए त्ति कइ उद्धाविए से वि य आगासे उप्पइए मए वि य खंभे आसाए
महया-महया सहेइणं कोलाहले कए तए णं सा भदा सत्यवाही चुलणीपियं समणोवासयं एवं
वयासी-नो खलु केइ पुरिसे तव जेइपुत्तं जाव कणीयसं पुत्तं साओ गिहाओ नीणेइ नीणेत्ता तव

अग्गओ घाएइ एस णं केइ पुरिसे तव उवसग्गं करेइ एस णं तुमे विदरिसणे दिट्ठे तं णं तुमं इयाणि भग्गवए भग्गनियमे भग्गपोसहे विहरसि तं णं तुमं पुत्ता एयस्स ठाणस्स आलोएहि [पडिक्कमाहि निंदाहि गरिहाहि विउट्ठाहि विसोहेहि अकरणयाए अब्बुट्ठाहि अहारिहं पायच्छित्तं तवोकम्प पडिवज्जाहि तए णं से चुलणीपिता समणोवासए अम्माए भद्दाए सत्यवाहीए तए सि एयमट्ठं विणएणं पडिसुणेइ पडिसुणेत्ता तस्स ठाणस्स आलोएइ पडिक्कमइ निंदइ गरिहइ विउट्ठइ विसो-हेइ अकरणयाए अब्बुट्ठइ अहारिहं पायच्छित्तं तवोकम्पं] पडिवज्जइ । २८।-२८

(३१) तए णं से चुलणीपिता समणोवासए पढमं उवासगपडिमं उवसंपज्जिता णं विहरइ [तए णं से चुलणीपिता समणोवासए पढमं उवासगपडिमं अहासुतं अहाकम्पं अहामग्गं अहातच्चं सम्मं काएणं फासेइ पालेइ सोहेइ तीरेइ कित्तेइ आराहेइ तए णं से चुलणीपिता समणोवासए दोद्यं उवासगपडिमं एवं तच्चं चउत्थं पंचमं छट्ठं सत्तमं अट्ठमं नवमं दसमं एककारसमं उवासगपडिमं आहारुतं अहाकम्पं अहामग्गं अहातच्चं सम्मं काएणं फासेइ पालेइ सोहेइ तीरेइ कित्तेइ आराहेइ तए णं से चुलणीपिता समणोवासए तेणं ओरालेणं [विउलेणं पयत्तेणं पग्गहिणं तवोकम्पेणं सुक्कं लुक्खे निम्पंसे अट्ठिचम्मावणद्धे किडिकिडियाभूए किसे धमणिसंतए जाए तए णं तस्स चुलणीपियस्स समणोवासगस्स अण्णदा कदाइ पुच्चरतावरत्तकालसमयसि धम्मजागरियं जागर-पाणस्स अयं अज्झत्थिए वित्थिए पत्थिए मणोगए संकम्पे समुप्पज्जित्था-एवं खलु अहं इमेणं एयासु-वेणं ओरालेणं विउलेणं पयत्तेणं पग्गहिणं तवोकम्पेणं सुक्कं लुक्खे निम्पंसे अट्ठिचम्मावणद्धे किडिकिडियाभूए किसे धमणिसंतए जाए तं अत्थि ता मे उट्ठाणे कम्पे बले वीरिए पुरिसक्कार-परक्कमे सद्धा-धिइ-संवगे तं जावता मे अत्थि उट्ठाणे कम्पे बले वीरिए पुरिसक्कार-परक्कमे सद्धा-धिइ-संवगे जाव य मे धम्पायरिए धम्पोवएसए समणे भगवं महावीरे जिणे सुहत्थी विहरइ तावता मे सेयं कल्लं पाउप्पभायाए रयणीए जाव उट्ठियमि सूरै सहस्सरस्सिमि दिणयरे तेयसा जलंते अपच्छिममारणंतियसंलेहणा-झूसणा-झूसियस्स भत्तपाण-पडियाइक्खियस्स कालं अणव-कंखमाणस्स विहरित्तए-एवं संपेहेइ संपेहेत्ता कल्लं पाउप्पभायाए रयणीए जाव उट्ठियमि सूरै सहस्सरस्सिमि दिणयरे तेयसा जलंते अपच्छिममारणंतियसंलेहणा-झूसणा-झूसिए भत्तपाण-पडियाइक्खिए कालं अणवकंखमाणे विहरइ तए णं से चुलणीपिता समणोवासए दहूहिं सील-व्वय-गुण वेरमण-पच्चक्खाण-पोसहोववासेहिं अप्पाणंभावेत्ता वीसं वासाइं समणोवासगपरियागं पाउणिता एककारस य उवासगपडिमाओ सम्मं काएणं फासित्ता मासियाए संलेहणाए अत्ताणं झूसित्ता सट्ठिं भत्ताइं अणसणाए छेदेत्ता आलोइयपडिक्कंते समाहिपत्ते कालमासे कालं किच्चा] सोहम्मे कम्पे सोहम्मवडिसगस्स महाविमाणस्स उत्तरपुरत्थियमि णं अरुणप्पमे विमाणे देवत्ताए उववण्णे चत्तारि पलिओवमाइं ठिई पन्नत्ता महाविदेहे वासे सिज्झिहिइ युज्झिहिइ मुच्चिहिइ सब्बदु-क्खाणमंतं काहिइ [एव खलु जंबू समणेणं भगवया महावीरेणं उवासगदसाणं तच्चस्स अज्झ-यणस्स अयमट्ठे पन्नत्ते] । २९।-२९

● तइयं अज्झयणं सप्तत्तं ●

चउत्थं अज्झयणं—सुरादेवे

(३२) [जइ णं भंते समणेणं भगवया महावीरेणं जाव संपत्तेणं सत्तमस्स अंगस्स उवास-गदसाणं तच्चस्स अज्झयणस्स अयमट्ठे पन्नत्ते चउत्थस्स णं भंते अज्झयणस्स के अट्ठे पन्नत्ते] एवं

खलु जंबू तेणं कालेणं तेणं समएणं वाणारसी नामं नयरी कोट्टए चेइए जियसतू रावा [तत्थ णं वाणारसीए नयरीए सुरादेवे नामं गाहावइ परिवसइ-अइडे जाव बहुजणस्स अपरिभूए तस्स णं सुरादेवस्स गाहावइस्स छ हिरण्णकोडीओ निहाणपउत्ताओ छ हिरण्णकोडीओ वडिइपउत्ताओ छ हिरण्णकोडीओ पवित्तरपउत्ताओ छ व्वया दसगोसाहस्सिएणं वएणं होत्था से णं सुरादेवे गाहावई बहूणं जाव आपुच्छिणिजे पडिपुच्छणिजे सयस्स वि य णं कुडुंबस्स मेढी जाव सव्वकज्जवइडावए यावि होत्था तस्स णं सुरादेवस्स गाहावइस्स धन्ना नामं भारिया होत्था-अहीण-यडिपुण्ण-पंचिदियसरीरा जाव माणुस्सए कामभोए पच्चणुभवमाणी विहरइ तेणं कालेणं तेणं समएणं समणे भगवं महावीरे जाव जेणेव वाणारसी नयरी जेणेव कोट्टए चेइए तेणेव उवागच्छइ उवागच्छिता अहापडिरूवं ओग्गहं ओगिण्हिता संजमेणं तवसा अप्पाणं भावेमाणे विहरइ परिसा निगया कूणिए राया जहा तहा जियसतू निगच्छइ जाव पज्जुवासइ तए णं से सुरादेवे गाहावई इमीसे कहाए लद्धडे समाणे-एवं खलु समणे भगवं महावीरे पुब्बाणुपुच्चि चरमाणे गामाणुगामं दूइजमाणे इहमागए इह संपत्ते इह समोसडे इहेव वाणारसीए नयरीए बहिया कोट्टए वेइए अहापडिरूवं ओग्गहं ओगिण्हिता संजमेणं तवसा अप्पाणं भावेमाणे विहरइ तं महप्फलं खलु भो देवाणुप्पिया तहारूवाणं अरहंताणं भगवंताणं नामगोयस्स वि सवणयाए किमंग पुण अभिगमण-वंदण-नमं-सण-पडिपुच्छण-पज्जुवासणयाए एगस्स वि आरियस्स धम्मियस्स सुवयणस्स सवणयाए किमंग पुण विउलस्स अट्ठस्स गहणयाए तं गच्छामि णं देवाणुप्पिया समणं भगवं महावीरं वंदामि नमंतामि सक्कारेमि सम्माणेमि कज्जाणं मंगलं देवयं चेइयं पज्जुवासामि-एवं संपेहेइ संपेहेत्ता ण्हाए कयव-लिकम्मे कयकोउय-मंगलपायच्छित्ते सुद्धप्पावेसाइं मंगळाइं वत्थाइं पवर परिहिए अप्पमहाधा-भरणालंक्रियसरीरे सयाओ गिहाओ पडिणिक्खमइ पडिणिक्खमिता संकोरेंटमल्लदामेणं छतेणं धरिजमाणेणं मणुस्सवग्गुरापरिखित्ते पादविहारचारेणं वाणारसिं नयरीं मज्झमज्जेणं निगच्छइ निगच्छिता जेणामेव कोट्टए वेइए जेणेव समणे भगवं महावीरे तेणेव उवागच्छइ उवागच्छिता समणं भगवं महावीरं तिक्खुतो आयाहिण-पयाहिणं कोइ जाव नमंस्सिता नच्चासण्णे नाइदूरे सुस्सू-समाणे नमंसामाणे अभिमुहे विणएणं पंजलिउडे पज्जुवासइ

तए णं समणे भगवं महावीरे सुरादेवस्स गाहावइस्स तीसे य महइमहालियाए परिताए जाव धम्मं परिकहेइ परिसा पडिगया राया य गए तए णं से सुरादेवे गाहावई समणस्स भगवओ महावीरस्स अंतिए धम्मं सोच्चा निसम्म हइतुइ-चित्तमाणंदिए पीइमणे परमसोमणस्सिए हरिसवस-विसप्पमाणहियए उट्टाए उट्टेइ उट्टेत्ता समणं भगवं महावीरं तिक्खुतो आयाहिण-पयाहिणं कोइ करेत्ता वंदइ नमंसइ वंदित्ता नमंस्सिता एवं वयासी-सइहामि णं भंते निग्गंथं पावयणं पत्तियामि णं भंते निग्गंथं पावयणं रोएमि णं भंते निग्गंथं पावयणं अब्बुट्ठेमि णं भंते निग्गंथं पावयणं एवमेयं भंते तहमेयं भंते अवितरुमेयं भंते असंदिद्धमेयं भंते इच्छिमेयं भंते पडिच्छियमेयं भंते इच्छिय-पडिच्छियमेयं भंते से जहेयं तुब्भे वदह जहा णं देवाणुप्पियाणं अंतिए बहवे राईसर-तलयर-माडंबिय-कोडुंबिय-इम्म-सेट्ठिसेणावइ-सत्यवाहप्पभिइया मुंडा भवित्ता अगाराओ अणगारियं पव्वइया नो खलु अहं ता संचाएमि मुंडे भवित्ता अगाराओ अणगारियं पव्वइत्ताए अहं णं देवाणु-प्पियाणं अंतए पंचाणुव्वइयं सत्तसिक्खावइयं-दुवालसविहं सावगधम्मं पडिवज्जिस्समि अहासुहं देवाणुप्पिया मा पडिदंथं करेहि तए णं से सुरादेवे गाहावई समणस्स भगवओ महावीरस्स अंतिए

सावयधम्मं पडिवज्जइ तए णं समणे भगवं महावीरे अण्णदा कदाइ वाणारसीए नयरीए कोइयाओ चेइयाओ पडिणिकखमइ पडिणिकखमिता वहिया जणवयविहारं विहरइ तए णं से सुरादेवे समणो-वासए जाए-अभिगयजीवाजीवे जाव समणे निग्गंवे फासु-एसणिज्जेणं असण-पाण-खाइम-साइ-मेणं वत्थ-पडिग्गह-कंबल-पायपुंछणेणं ओसह-भेसज्जेणं पाडिहारिएणं य पीढ-फलम-सेज्जासंया-एणं पडिलाभेमाणे विहरइ तए णं सा धन्ना भारिया समणोवासिया जाया-अभिगयजीवाजीवा जाव विहरइ तए णं तस्स सुरादेवस्स समणोवासगस्स उच्चावएहिं सील-व्वव-गुण-वेरपण-पच्च-क्खाण-पोसहोववासेहिं अप्पाणं भावेमाणस्स चोइससंवच्छराइं वीइक्कंताइ पन्नरसमस्स संवच्छ-रस्स अंतरा वट्टमाणस्स अण्णदा कदाइ पुव्वरत्तावरत्तकालसमयंसि धम्मजागरियं जागरमाणस्स इमेयाल्लवे अज्झत्थिए चित्थिए पत्थिए मणोगए संकप्पे समुप्पज्झित्था-एवं खलु अहं वाणारसीए नयरीए बहूणं जाव आपुच्छणिज्जे पडिपुच्छणिज्जे सयस्स वि य णं कुडुवस्स मेढी जाव सव्वकज्ज-वड्डावए तं एतेणं वक्खेवेणं अहं नो संचाएमि समणस्स भगवओ महावीरस्स अंतियं धम्मपन्नत्तिं उवसंपज्जिता णं विहरित्तए तए णं सुरादेवे समणोवासए जेड्डपुत्तं मित्त-जाव परिजणं च आपुच्छइ आपुच्छिता सयाओ गिहाओ पडिणिकखमइ पडिणिकखमिता वाणारसिं नयरीं मज्झंमज्झेणं निग्गच्छइ निग्गच्छिता जेणेव पोसहसाला तेणेव उवागच्छइ उवागच्छिता पोसहसाल पमज्जइ पम-ज्जिता उच्चारपासवणभूमिं पडिलेहेइ पडिलेहिता दब्भसंधारयं संधरेइ संधरेत्ता दब्भसंधारयं दुरहइ दुरुहिता पोसहसालाए पोसहिए वंभयारी उम्मुक्कमणिसुवण्णे ववगवमालावण्णगविलेवणे निक्खित्तसत्थमुसले एगे अवीए दब्बासंधारोवगए समणस्स भगवओ महावीरस्स अंतियं धम्म-पन्नत्तिं उवसंपज्जिता णं विहरइ। ३०।-३०

(३३) तए णं तस्स सुरादेवस्स समणोवासयस्स पुव्वरत्तावरत्तकालसमयंसि एगे देवे अंतियं पाउव्वमवित्था तए णं से देवे एगं महं नीलुप्पल-गवलगुलिय-अयसिकुसुमप्पगासं खुरधारं असिं गहायं सुरादेवं समणोवासयं एवं वयासी-हंभो सुरादेवा समणोवासया अप्पत्थिपत्थिया दुरंत-पंत-लक्खणा हीणपुत्रचाउइसिया सिरि-हिरि-धिइ-कित्ति-परिवज्जिया धम्मकामया पुत्रकामया सग-कामया मोक्खकामया धम्मकंखिया पुत्रकंखिया सगकंखिया मोक्खकंखिया धम्मपिवासिया पुत्र-पिवासिया सगपिवासिया मोक्खपिवासिया नो खलु कप्पइ तव देवाणुप्पिया सीलाइं वयाइं वेरम-णाइं पच्चक्खणाइं पोसहोववासाइं चालित्तए वा खोभित्तए वा खंडित्तए वा भंजित्तए वा उज्झित्तए वा परिछइत्तए वा तं जइ णं तुमं अज्ज सीलाइं [वयाइं वेरमणाइं पच्चक्खणाइं पोसहोववासाइं न छडेसि] न भंजेसि तो ते अहं अज्ज जेड्डपुत्तं साओ गिहाओ नीणेमि नीणेत्ता तव अग्गओ धाएमि धाएत्ता पंच मंससोळे करेमि करेत्ता आदाणभरियंसि कडाहयंसि अद्दहेमि अद्दहेत्ता तव गायं मंसेण य सोणिण य आइंचामि जहा णं तुमं अद्द-दुहइ-वसट्ठे अकाले चेव जीवियाओ ववरोविज्जसि [तए णं से सुरादेवे समणोवासए तेणं देवेणं एवं वुत्ते समाणे अभीए अतत्थे अनुव्विग्गे अखुभिए अच-लिए असंभंते तुसिणीए धम्मज्झाणोवगए विहरइ तए णं से देवे सुरादेवं समणोवासयं अभीचं जाव विहरमाणं पासइ पासित्ता दोच्चं पि तच्चं पि सुरादेवं समणोवासयं एवं वयासी-हंभो सुरादेवा समणोवासवा जाव जइ णं तुमं अज्ज सीलाइं वयाइं जाव न छडेसि न भंजेसि तो ते अहं अज्ज जेड्डपुत्तं साओ गिहाओ नीणेमि नीणेत्ता जाव जीवियाओ ववरोविज्जसि तए णं से सुरादेवे समणो-वासए तेणं देवेणं दोच्चं पि तच्चं पि एवं वुत्ते समाणे अभीए जाव विहरइ तए णं से देवे सुरादेवं

समणोवासयं अभीयं जाव पासइ पासिता आसुरते रुढे कुविए चंडिकिकए मिसिमिसीयमाणे सुरादेवस्स समणोवासयस्स जेडुपुत्तं गिहाओ निणेइ नीणेत्ता अण्णओ घाएइ घाएत्ता पंच मंससोले करेइ करेत्ता आदाणभरियंसि कडाहयंसि अद्देइ अद्देत्ता सुरादेवस्स समणोवासयस्स गायं मंसेणं य सोणिण्ण य आइंचइ तए णं से सुरादेवे समणोवासए तं उज्जलं विउलं कक्कसं पगाढं चंडं दुक्खं दुरहियासं वेयणं सम्मं सहइ खमइ तितिक्खइ अहियासेइ तए णं से देवे सुरादेवं समणोवासयं अभीयं जाव पासइ पासिता सुरादेव समणोवासयं एवं वयासी-हंभो सुरादेवा समणोवासया जाव जइ णं तुमं अज्ज सीलाई वयाइं वेरमणाइं पच्चक्खाणाइं पोसहोववा-साइं न छडेसि न भंजेसि तो ते अहं अज्ज मज्झिमं पुत्तं साओ गिहाओ नीणेमि नीणेत्ता तव अण्णओ धाएमि घाएत्ता पंच मंससोले करेमि करेत्ता आदाणभरियंसि कडाहयंसि अद्देमि अद्देत्ता तव गायं मंसेणं य सोणिण्ण य आइंचामि जहा णं तुमं अद्द-दुहदुह-वसट्ठे अकाले चैव जीवियाओ ववरोविज्जसि तए णं से सुरादेवे समणोवासए तेणं देवेणं एवं वुत्ते समाणे अभीए जाव विहरइ तए णं से देवे सुरादेवे समणोवासयं अभीयं जाव पासइ पालित्ता दोहं पि तहं पि सुरादेवं समणोवासयं एवं वयासी-हंभो सुरादेवा समणोवासया जाव जइ णं तुमं अज्ज सीलाई वयाइं वेरमणाइं पच्चक्खाणाइं पोसहोववा-साइं न छडेसि न भंजेसि तो ते अहं अज्ज मज्झिमं पुत्तं साओ गिहाओ नीणेमि नीणेत्ता जाव जीवि-याओ ववरोविज्जसि तए णं से सुरादेवे समणोवासए तेणं देवेणं दोहं पि तहं पि एवं वुत्ते समाणे अभीए जाव विहरइ तए णं से देवे सुरादेवं समणोवासयं अभीयं जाव पासइ पासिता आसुरते रुढे कुविए चंडिकिकए मिसिमिसीयमाणे सुरादेवस्स समणोवासयस्स मज्झिमं पुत्तं गिहाओ नीणेइ नीणेत्ता अण्णओ घाएइ घाएत्ता पंच मंससोले करेइ करेत्ता आदाण- भरियंसि कडाहयंसि अद्देइ अद्देत्ता सुरादेवस्स समणोवासयस्स गायं मंसेणं य सोणिण्ण य आइं- चइ तए णं से सुरादेवे समणोवासए तं उज्जलं जाव वेयणं सम्मं सहइ खमइ तितिक्खइ अहियासेइ

तए णं से देवे सुरादेवं समणोवासयं अभीयं जाव पासइ पासिता सुरादेवं समणोवासयं एवं वयासी-हंभो सुरादेवा समणोवासया जाव जइ णं तुमं अज्ज सीलाई वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो ते अहं अज्ज कणीयसं पुत्तं साओ गिहाओ नीणेमि नीणेत्ता तव अण्णओ धाएमि घाएत्ता पंच मंससोले करेमि करेत्ता आदाणभरियंसि कडाहयंसि अद्देमि अद्देत्ता तव गायं मंसेणं य सोमिण्ण य आइंचामि जहा णं तुमं अद्द-दुहदुह-वसट्ठे अकाले चैव जीवियाओ ववरोविज्जसि तए णं से सुरादेवे समणोवासए तेणे देवेणं एवं वुत्ते समाणे अभीए जाव विहरइ तए णं से देवे सुरादेवे समणोवासयं अभीयं जाव पासइ पासिता दोहं पि तहं पि सुरादेवं समणोवासयं एवं वायासी-हंभो सुरादेवा समणोवासया जाव जइ णं तुमं अज्ज सीलाई वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो ते अहं अज्ज कणीयसं पुत्तं साओ गिहाओ नीणेमि नीणेत्ता जाव जीवियाओ ववरो विज्जसि तए णं से सुरादेवे समणोवासए तेणं देवेणं दोहं पि तहं पि एवं वुत्ते समाणे अभीए जाव विहरइ तए णं से देवे सुरादेव समणोवासयं अभीयं जाव पासइ पासिता आसुरते रुढे कुविए चंडिकिकए मिसिमिसीयमाणे सुरादेवस्स समणोवासयस्स कणीयसं पुत्तं गिहाओ नीणेइ नीणेत्ता अण्णओ घाएइ घाएत्ता पंच मंससोले करेइ करेत्ता आदाणभरियंसि कडाहयंसि अद्देइ अद्देत्ता सुरादेवस्स समणोवासयस्स गायं मंसेणं य सोणिण्ण य आइंचइ तए णं से सुरादेवे समणोवासए तं उज्जलं जाव वेयणं सम्मं सहइ खमइ तिति-

कखइ। अहियासेइ तए णं से देवे सुरादेवं समणोवासयं अभीयं जाव पासइ पासित्ता चउत्थं पि सुरादेवं समणोवासयं एवं वयासी-हंभो सुरादेवा समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो ते अहं अज्ज सरीरंसि जमगसमगमेव सोलस रोगायंके पक्खिवामि तं जहा-सासे कासे दाहे कुच्छिसूले भगंदरे अरिसए अजीरए दिड्डिसूले मुद्धसूले अकारिए अछिवेयणा कण्णवेयणा कडुए उदरे कोठे जहा णं तुमं अइ-दुहइ-वसट्ठे अकाले चेव जीवियाओ ववरोविज्जसि तए णं से सुरादेवे समणोवासए। [तेणं देवेणं एवं वुत्ते समाणे अभीए जाव] विहरइ। तए णं से देवे सुरादेवं समणोवासयं अभीयं जाव पासइ पासित्ता दोच्चं पि तच्चं पि सुरादेवं समणोवासयं एवं वयासी-हंभो सुरादेवा समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो ते अहं अज्ज सरीरंसि जमगसमगमेव सोलस रोगायंके पक्खिवामि जाव जहा णं तुमं अइ-दुहइ-वसट्ठे अकाले चेव जीवियाओ ववरोविज्जसि तए णं तस्स सुरादेवस्स समणोवासयस्स तेणं देवेणं दोच्चं पि तच्चं पि एवं वुत्तस्स समाणस्स इमेयारूवे अज्झत्थिए चितिए पत्थिए मणोगए संकप्पे समुप्पज्झित्था-अहो णं इमे पुरिसे [अणारिए अणारियवुद्धी अणारियाइं पावाइं कम्माइं] सप्पाचरति जे णं ममं जेइपुत्तं साओ गिहाओ नीणेइ नीणेत्ता मम अग्गओ घाएइ घाएत्ता पंच मंससोले करेइ करेत्ता आदाण भरियंसि कडाहयंसि अदहेइ अदहेत्ता ममं गायं मंसेणं य सोमिएण य आइंचइ जे णं ममं मज्झिमं पुत्तं साओ गिहाओ नीणेइ नीणेत्ता मम अग्गओ घाएइ घाएत्ता पंच मंससोले करेइ करेत्ता आदाण भरियंसि कडाहयंसि अदहेइ अदहेत्ता ममं गायं मंसेणं य सोमिएण य आइंचइ जे णं ममं कणीयसं पुत्तं साओ गिहाओ नीणेइ नीणेत्ता मम अग्गओ घाएइ घाएत्ता पंच मंससोले करेइ करेत्ता आदाण भरियंसि कडाहयंसि अदहेइ अदहेत्ता ममं गायं मंसेणं य सोमिएण य आइंचइ जे वि य इमे सोलस रोगायंका ते वि य इच्छइ मम सरीरंसि पक्खिवित्ते तं सेयं खलु ममं एयं पुरिसं गिण्हित्ताए त्ति कट्ठ उद्घाविए से वि य आगासे उप्पइए तेणं य खमे आसाइए महया-महया सदेणं कोलाहले कए

तए णं सा धन्ना भारिया कोलाहलसइं सोच्चा निसम्भं जेणेव सुरादेवे समणोवासए तेणेव उवागच्छइ उवागच्छित्ता एवं वयासी-किण्णं देवाणुप्पिया तुब्भे णं महया-महया सदेणं कोलाहले कए तए णं से सुरादेवे समणोवासए धन्ने भारियं एवं वयासी-एवं खलु देवाणुप्पिया न याणामि के वि पुरिसे [आसुरते रुठे कुविए चंडिककए मिसिमिसीयमाणे एणं महं नीलुप्पल-गवलगुलिय-अयसिकुसुमप्पगासं खुरधारं असिं गहाय ममं एवं वयासी-हंभो सुरादेवा समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो ते अहं अज्ज जेइपुत्तं साओ गिहाओ नीणेमि नीणेत्ता तव अग्गओ घाएमि घाएओत्ता पंच मंससोले करेमि करेत्ता आदाण भरियंसि कडाहयंसि अदहेमि अदहेत्ता तव गायं मंसेणं य सोमिएण य आइंतामि जहा णं तुमं अइ-दुहइ-वसट्ठे अकाले चेव जीवियाओ ववरोविज्जसि तए णं अहं तेणं पुरिसेणं एवं वुत्ते समाणे अभीए जाव विहरामि तए णं से पुरिसे ममं अभीयं जाव पासइ पासित्ता ममं दोच्चं पि तच्चं पि एवं वयासी-अहं तेणं पुरिसेणं दोच्चं पि तच्चं पि एवं वुत्ते समाणे अभीए जाव विहरामि तए णं से पुरिसे ममं अभीयं जाव पासइ पासित्ता आसुरते रुठे कुविए चंडिककए मिसिमिसीयमाणे ममं जेइपुत्तं गिहाओ नीणेइ नीणेत्ता मम अग्गओ घाएइ घाएत्ता पंच मंससोले करेइ करेत्ता आदाण भरियंसि कडाहयंसि अदहेइ अदहेत्ता ममं गायं मंसेणं य सोमिएण य आइंचइ तए णं अहं

तं उज्जलं जाव वेयणं सम्मं सहामि खमामि तितिक्खामि अहियारोमि एवं मज्झिमं पुत्तं वि, एवं कणीयस्सं पुत्तं वि तए णं ते से पुरिसे ममं अभीयं जाव पासइ पासिता ममं चउत्थं पि एवं वयासी-
हंभो सुरादेवा समणोवासया जाव जइ णं तुमं अज्ज सीलाइ वयाइं बेरमणाइं पच्चक्खाणाइं पोस-
होववासाइं न छुंसेसि न मंजेसि तो ते अहं अज्ज सरीरंसि जमगसमगमेव सोलस रोगायंके पक्खि-
वामि जाव जहा णं तुमं अट्ट-दुहइ-चसट्टे अकाले चेव जीवियाओ ववरोविज्जसि तए णं अहं तेणं
पुरिसेणं एवं वुत्ते समाणे अभीए जाव विहरामि तए णं से पुरिसे ममं अभीयं जाव पासइ पासिता
दोच्चं पि तच्चं पि ममं एवं वयासी-तए णं पुरिसेणं दोच्चं पि तच्चं पि ममं एवं वुत्तस्स समाणस्स
इमेवारूवे अज्झत्थिए चित्तिए पत्थिए मणोगए संकपे समुप्पज्झित्था-अहो णं इमे पुरिसे अणारिए
अणारियवुद्धी अणारियाइं पावाइं कम्माइं समाचरति जे णं ममं जेद्वं पुत्तं साओ गिहाओ नीणेइ
नीणेत्ता ममं अगगओ घाएइ घाएत्ता पंच मंससोले करेइ करेत्ता आदानभरियंसि कडाहयंसि अहहेइ
अहहेत्ता ममं गायं मंसेण य सोणिएण य आइंचइ जे णं ममं मज्झिमं पुत्तं साओ गिहाओ नीणेइ
नीणेत्ता मम अगगओ घाएइ घाएत्ता पंच मंससोले करेइ करेत्ता आदान भरियंसि कडाहयंसि
अहहेइ अहहेत्ता ममं गायं मंसेण य सोमिएण य आइंचइ जे णं ममं कणीयसं पुत्तं साओ गिहाओ
नीणेइ नीणेत्ता ममं अगगओ घाएइ घाएत्ता पंच मंससोले करेइ करेत्ता आदानभरियंसि कडाहयंसि
अहहेइ अहहेत्ता ममं गायं मंसेण य सोणिएण य आइंचइ जे वि य इमे सोलस रोगायंका ते वि य
इच्छइ मम सरीरंसि पक्खिवित्तए तं सेवं खलु ममं एयं पुरिसं गिण्हित्तए त्ति कट्ट उद्धविए से वि य
आगासे उप्पइए मए वि य खंभे आसाइए महया-महया सदेणं कोलाहले कए

तए णं सा धन्ना भारिया सुरादेवं समणोवासयं एवं वयासी-नो खलु केइ पुरिसे तव
जेद्वपुत्तं साओ गिहाओ नीणेइ नीणेत्ता तव अगगओ घाएइ नो खलु केइ पुरिसे तव मज्झिमं पुत्तं
साओ गिहाओ नीणेइ नीणेत्ता तव अगगओ घाएइ] नो खलु केइ पुरिसे तव कणीयसं पुत्तं साओ
गिहाओ नीणेइ नीणेत्ता तव अगगओ घाएइ नो खलु देवाणुप्पिया तुब्भं के वि पुरिसे सरीरंसि
जमगसमगंसोलस रोगायंके पक्खिवइ एस णं के वि पुरिसे तुब्भं उवसणं करेइ [एस णं तुमे
विदरिसणे दिट्ठे तं णं तुमं इयाणि भग्गवए भग्गनियमे भग्गपोसहे विहरसि तं णं तुमं पिया एयस्स
ठाणस्स आलोएहिं पडिक्कमाहि निंदाहिं गरिहाहि विउट्ठाहि विसोहेहि अकरणयाए अब्भुट्ठाहि
अहारिहं पायच्छित्तं तवोकम्मं पडिवज्जाहि तए णं से सुरादेवे समणोवासए धन्नाए भारियाए तए त्ति
एयमट्ठं विणएणं पडिसुणेइ पडिसुणेत्ता तस्स ठाणस्स आलोएइ पडिक्कमइ निंदइ गरिहइ विउट्ठइ
विसोहेइ अकरणयाए अब्भुट्ठइ अहारिहं पायच्छित्तं तवोकम्मं पडिवज्जइ तए णं से सुरादेवे
समणोवासए पढमं उवासगपडिमं उवसंपज्जित्ता णं विहरइ तए णं से सुरादेवे समणोवासए पढमं
उवासगपडिमं अहासुत्तं अहाकप्यं अहामगं अहातच्चं सम्मं काएणं फासेइ पालेइ सोहेइ तीरेइ
कित्तेइ आराहेइ तए णं से सुरादेवे समणोवासए दोच्चं उवासगपडिमं एवं तच्चं चउत्थं पंचमं छट्ठं
सत्तमं अड्ढमं नवमं दसमं एककारसं उवासगपडिमं अहासुत्तं अहाकप्यं अहामगं अहातच्चं सम्मं
काएणं फासेइ पालेइ सोहेइ तीरेइ कित्तेइ आराहेइ तए णं से सुरादेवे समणोवासए तेणं ओरालेणं
विउलेणं पयत्तेणं पण्हिएणं तवोकम्मेणं सुक्के लुक्खे निम्मंसे अट्ठिचम्मावण्छे किडिकिडीयाभूए
किसे घमणिसंतए जाए तए णं तस्स सुरादेवस्स समणोवासगस्स अण्णदा कदाइ पुच्चरतावरत्त-
कालसमयंसि धम्मजागरियं जागरमाणस्स अयं अज्झत्थिए चित्तिए पत्थिए मणोगए संकपे

समुपजित्वा-एवं खलु अहं इमेणं एयारूवेणं ओरालेणं विउलेणं जाव घमणिसंतए जाए तं अत्थि ता मे उट्ठाणे कम्मे बले वीरिए पुरिसक्कार परक्कमे सद्धा-धिए-संवेगे तं जावता मे अत्थि उट्ठाणे कम्मे बले वीरिए पुरिसक्कार-परक्कमे सद्धा-धिइ-संवेगे जाव य मे धम्मायरिए धम्मोवएसए समणे भगवं महावीरे जिणे सुहत्थी विहरइ तावता मे सेयं कळं पाउणभायाए रयणीए जाव उट्ठियेम्पि सूरु सहेस्सरस्सिम्पि दिणयरे तेयसा जलंते अपच्छिममारणंतियसंलेहणा-झूसणा-झूसि-यस्स भत्तपाण-पडियाइक्खियस्स कालं अणवकंखमाणस्स विहरिताए-एवं संपेहेइ संपेहेता कळं पाउणभायाए रयणीए जाव उट्ठियेम्पि सूरु सहेस्सरस्सिम्पि दिणयरे तेयसा जलंते अपच्छिममार-णंतियसंलेहणा-झूसणा-झूसिए भत्तपाणपडियाइक्खिए कालं अणवकंखमाणे विहरइ तए णं से सुदेवे समणोवासए वहुहिं सील-व्वय-गुण-वेरमण-पच्चक्खाण-पोसहोववासेहिं अप्पाणं भावेत्ता वीसं वासाइं समणोवासगपरियाणं पाउणिता एक्कारस य उवासगपडिमाओ सम्मं काएणं फा-सित्ता मासियाए संलेहणाए अत्ताणं झूसिता सट्ठि भत्ताइं अणसणाए छेदेत्ता आलोइय-पडिक्कंते समाहिपत्ते कालमासे कालं किया। सोहम्मे कम्पे अरुणकंते विमाणे उचवण्णे चत्तारि पलिओवमाइं ठिई महाविदेहे वासे सिज्जिहेइ बुज्जिहेइ पुट्ठिहेइ सव्वदुक्खाणमंतं काहेइ। एवं खलु जंबू समणेणं भगवया महावीरेणं उवासगदसाणं चउत्थस्स अज्झयणस्स अयमट्ठे पत्रत्ते। ३१।३१

● वउत्थं अज्झयणं समत्तं ●

पंचमं अज्झयणं—चुल्लसयए

(३४) [जइ णं भंते समणेणं भगवया महावीरेणं जाव संपत्तेणं सत्तमस्स अंगस्स उवास-गदसाणं चउत्थस्स अज्झयणस्स अयमट्ठे पत्रत्ते पंचमस्स णं भंते अज्झयणस्स के अट्ठे पत्रत्ते। एवं खलु जंबू तेणं कालेणं तेणं समएणं आलभिया नामं नयरी संखवणे उज्जाणे जियसत्तू राया [तत्थ णं आलभियाएनयरीए चुल्लसयए नामं गाहावई परिवसइ-अइडे जाव बहुजणस्स अपरिभूए तस्स णं चुल्लसयस्स गाहावइस्स छ हिरण्णकोडीओ निहाणपउत्ताओ छ हिरण्णकोडीओ वडिइपउत्ताओ छ हिरण्णकोडीओ पवित्थरपउत्ताओ छ व्वया दसगोसाहस्सिएणं वएणं होत्था से णं चुल्लसयए गाहावई बहूणं जाव आपुच्छणिज्जे पडिपुच्छणिज्जे सयस्स वि य णं कुडुं वस्स मेढी जाव सव्वकज्जव-इढावए यावि होत्था तस्स णं चुल्लसयस्स गाहावइस्स बहुला नामं भारिया होत्था-अहीण पडिपुण्ण-पंचिदियसरीता जाव माणुस्सए कामभोए पच्चणुभवमाणी विहरइ तेणं कालेणं तेणं समएणं समणे भगवं महावीरे जाव जेणेव आलभिया नयरी जेणेव संखवणे उज्जाणे तेणेव उवागच्छइ उवाग-च्छित्ता अहापडिरूवं ओगहं ओगिण्हित्ता संजमेणं तवसा अप्पाणं भावेमाणे विहरइ परिता निग्गया कुणिए राया जहा तहा जियसत्तू निग्गच्छइ जाव पज्जुवासइ तए णं से चुल्लसयए गाहावई इपीसे कहाए लद्धेडे समाणे- एवं खलु समणे भगवं महावीरे पुव्वाणुपुब्बि चरमाणे गामाणुगामं दूइजमाणे इहमागए इह संपत्ते इह समोसडे इहेव आलभियाए नयरीए वहिया संखवणे उज्जाणे अहापडिरूवं ओगहं ओगिण्हित्ता संजमेणं तवसा अप्पाणं भावेमाणे विहरइ तं महफलं खलु भो देवाणुप्पिया तहारूवाणं अरहंताणं भगवंताणं णामगोयस्स वि सवणयाए किमंग पुण अभिगमण-वंदन-नमंसण-पडिपुच्छण-पज्जुवासणयाए एगस्स वि आरियस्स धम्मिवस्स सुवयणस्स सवणयाए किमंग पुण विउल्लस्स अट्ठस्स गहणयाए तं गच्छामि णं देवाणुप्पिया समणं भगवं महावीरं वंदामि नमंसांमि सक्कारेमि सम्माणेमि कल्लाणं मंगलं देवयं चेइयं पज्जुवासामि-एवं संपेहेइ संपेहेता ण्हाए

कयवलिकम्मे कयकोउय-मंगल-पायच्छित्ते सुद्धप्पावेसाइं मंगलाइं वत्थाइं पवर परिहिए अप्पम-
हाधाभरणालंकियसरीरे सयाओ गिहाओ पडिणिक्खमइ पडिणिक्खमिता सकोरेंटमल्लदामेणं
छत्तेणं धरिज्जमाणेणं मणुस्सवग्गुरापरिखित्ते पादविहारचारेणं आलभियं नयरीं मज्झंमज्जअझेणं
निगच्छइ निगच्छित्ता जेणामेव संखबणे उज्जाणे जेणेव समणे भगवं महावीरे तेणेव उवागच्छइ
उवागच्छित्ता समणं भगवं महावीरं तिक्खुत्तो आयाहिण-पयाहिणं कोइ करेत्ता वंदइ नमंसइ
वंदित्ता नमंसित्ता नद्धासण्णे नाइदूरे सुस्सूसभाणे नमंसमाणे अभिमुहे विणएणं पंजलिउडे पज्जुवा-
सइ तए णं समणे भगवं महावीरे चुल्लसययस्स गाहावइस्स तीसे य महइमहालियाए परिसा जाव
धम्मं परिकहएइ परिसा पडिगया राया च गए तए णं चुल्लसयए गाहावइं समणस्स भगवओ महा-
वीरस्स अंतिए धम्मं सोद्धा निसम्मं हट्टुट्ठ-चित्तमाणंदिए पीइमणे परमसोभणस्सिए हरिसवस-
विसप्पमाणहियए उट्ठाए उट्ठेइ उट्ठेत्ता समणं भगवं महावीरं तिक्खुत्तो आयाहिण-पयाहिणं कोइ
करेत्ता वंदइ नमंसइ वंदित्ता नमंसित्ता एवं वयासी-सद्दहामि णं भंते निगगंयं पावयणं पत्तियामि णं
भंते निगगंयं पावयणं रोएमि णं भंते निगगंयं पावयणं अट्ठपुट्ठेमि णं भंते निगगंयं पावयणं एवमेयं
भंते तहमेयं भंते अवितहमेयं भंते असंदिद्धमेयं भंते इच्छयमेयं भंते पडिच्छिमेयं भंते इच्छिय-
पडिच्छियमेयं भंते से जहेयं तुम्हे वदह जहा णं देवाणुप्पियाणं अंतिए बहवे राईसर-तलवर-
माडंयिय-कोडुविय-इत्थ-सेट्ठिसणावइ सत्थवाहप्पभिइया मुंडा भवित्ता अगाराओ अणगारियं
पव्वइया नो खलु अहं तहा संचाएमि मुंडे भवित्ता अगाराओ अणगारियं पव्वइत्ताए अहं णं
देवाणुप्पियामं अंतिए पंचाणुवइयं सत्तसिक्खावइयं-दुवालसविहं सावगधम्मं पडिवज्जिस्सामि
अहासुहं देवाणुप्पिया मा पडिबंधं करेहि

तए णं से चुल्लसयए गाहावइं समणस्स भगवओ महावीरस्स अंतिए सावयधम्मं पडिवज्जइ
तए णं समणे भगवं महारे अण्णादा कदाइ आलभियाए नयरीए संखवणाओ उज्जाणाओ पडिणि-
क्खमइ पडिणिक्खमिता बहिया जणवयविहारं विहरइ तए णं से चुल्लसयए समणोवासए जाए-
अभिगयजीवाजीवे जाव समणे निगगंये फासु-एसणिजेणं असण-पाण-खाइम-साइमेणं वत्थ-
पडिगह-कंबल-पावपुंछेणं ओसह-भेसजेणं पाडिहारिएण च पीढ-फलग-सेज्जा-संधारएणं पडि-
लाभेमाणे विहरइ तए णं सा बहुला भारिया समणोवासिया जाया-अभिगयजीवाजीवा जाव विह-
रइ तए णं तस्स चुल्लसययस्स समणोवासगस्स उट्ठावएहिं सीलव्वय-गुण-वेरमण-पन्नकखाण-
पोसहोववासहिं अप्पाणं भावेमाणस्स चोइस संवच्छराइं वीइक्कंताइं पन्नरसमस्स संवच्छरस
अंतरा वट्टमाणस्स अण्णादा कदाइ पुक्खरत्तावरतकालसमयसिं धम्मजागरियं जागरमाणस्स इमेया-
रूवे अज्झत्थिए वित्तिए पत्थिए मणोगए संकप्पे समुप्पज्जित्था-एवं खलु अहं आलभियाए नयरीए
बहूणं जाव आपुच्छणिजे पडिपुच्छणिजे सयस्स वि य णं कुइंवस्स मेढी जाव सब्बक्कज्जवइत्तावए तं
एतेणं वक्खेयेणं अहं नो संचाएमि समणस्स भगवओ महावीरस्स अंतियं धम्मपत्रत्तिं उवसंपज्जित्ता
णं विहरित्तए तए णं से चुल्लसयए समणोवासए जेड्डपुत्तं भित्त-नाइ-नियग-सयण-संबंधि-परिजणं
च आपुच्छइ आपुच्छित्ता सयाओ गिहाओ पडिणिक्खमइ पडिणिक्खमिता आलभियं नयरीं मज्झं-
मज्जेणं निगच्छइ निगच्छित्ता जेणेव पोसहसाला तेणेव उवागच्छइ उवागच्छित्ता पोसहसालं
पमज्जइ पमज्जित्ता उच्चार-पासवणभूमिं पडिलेहेइ पडिलेहेत्ता दत्थसंधारयं संघरेइ संघरेत्ता दत्थ-
संधारयं दुरुहइ दुरुहित्ता पोसहसालाए पोसहिए वंभयारी उम्मुक्कमणिसुवण्णे ववगयमाला-

वण्णगविलेवणे निक्खित्तसत्थमुसले एगे अवीए दब्बसंघारोवगए समणस्स भगवओ महावीरस्स अंतियं धम्मपन्नत्ति उवसंपज्जित्ता णं विहरइ।३२।-३२

(३५) तए णं तस्स चुल्लसयगस्स समणोवासयस्स पुव्वरत्तावरत्तकालसमयंसि एगे देवे अंतियं [पाउब्भूए तए णं से देवे एणं महं नीलुप्पल-गवगुलिय-अवसिकुसुमप्पगासं खुरधारं] असिं गहाय एवं वयासी-हंभो चुल्लसयगा समणोवासया [अप्पत्थियपत्थिया दुरंत-पंत-लकखणा हीण-पुत्राचाउडसिया सिरि-हिरि-धिइ-कित्ति-परिवज्जिया धम्मकामया पुत्रकामया सगगकामया मोक्ख-कामया धम्मकंखिया पुत्रकंखिया सगगकंखिया मोक्खकंखिया धम्मपिवासिया पुत्रपिवासिया सगगपिवासिया मोक्खपिवासिया नो खलु कप्पइ तव देवाणुप्पिया सीलाइं वयाइं वेरमणाइं पच्चक्खाणाइं पोसहोववासाइं चालितए वा खोभित्तइ वा खंडितए वा भंजितए वा उज्झितए वा परिघट्टए वा तं जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छट्ठेसि] न भंजेसि तो ते अहं अज्ज जेडुपुत्तं साओ गिहाओ नीणेमि [नीणेत्ता तव अग्गओ धाएमि धाएत्ता सत्त मंससोळे करेमि करेत्ता आदाणभरियंसि कडाहयंसि अदहेमि अदहेत्ता तव गावं मंसेण य सो-णिणएण य आइंचामि जहा णं तुमं अट्ट-दुहट्ट-वसट्टे अकाले चेव जीवियाओ ववरोविज्जसि तए णं से चुल्लसयए समणोवासए तेणं देवेणं एवं वुत्ते समाणे अभीए अतत्थे अनुब्बिगे अखुप्पिए अचलिए असंभंते तुसिणीए धम्मज्झाणोवगए विहरइ तए णं से देवे चुल्लसयगं समणोवासयं अभीयं अतत्थं अनुब्बिगं अखुभियं अचलियं असंभंते तुसिणीयं धम्मज्झाणोवगयं विहरमाणं पासइ पासित्ता दोहं पि तच्चं पि चुल्लसययं समणोवासयं एवं वयासी-हंभो चुल्लसयगा समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छट्ठेसि न भंजेसि तो ते अहं अज्ज जेडुपुत्तं साओगिहाओ नीणेमि नीणेत्ता तव अग्गओ धाएमि जाव जीवियाओ ववरोविज्जसि

तए णं से चुल्लसयए समणोवासए तेणं देवेणं दोहं पि तच्चं पि एवं वुत्ते समाणे अभीए जाव विहरइ तए णं से देवे चुल्लसयगं समणोवासयं अभीयं जाव पासइ पासित्ता आसुरत्ते रुट्ठे कुविए चंडिकिए मिसिमिसीयमाणे चुल्लसयगस्स समणोवासयस्स जेडुपुत्तं गीहाओ नीणेइ नीणेत्ता अग्गओ घाएइ घाएत्ता सत्त मंससोळे करेइ करेत्ता आदाणभरियंसि कडाहयंसि अदहेइ अदहेत्ता चुल्लसयगस्स समणोवासयस्स गावं मंसेण य सोणिणएण य आइंचइ तए णं से चुल्लसयए समणोवा-सए तं उज्जलं विडलं कक्कसं पगाढं चंडं दुक्खं दुरहियासं वेयणं सम्मं सहइ खमइ तित्तिकखइ अहियासेइ तए णं से देवे चुल्लसयगं समणोवासयं अभीयं जाव पासइ पासित्ता चुल्लसयगं समणो-वासयं एवं वयासी-हंभो चुल्लसयगा जाव न भंजेसि तो ते अहं अज्ज मज्झिमं पुत्तं साओ गिहाओ नीणेमि नीणेत्ता तव अग्गओ धाएमि घाएत्ता सत्त मंससोळे करेमि करेत्ता आदाणभरियंसि कडाहयंसि अदहेमि अदहेत्ता तव गावं मंसेण य सोणिणएण य आइंचामि जहा णं तुमं अट्ट-दुहट्ट-वसट्टे अकाले चेव जीवियाओ ववरोविज्जसि तए णं से चुल्लसयए समणोवासए तेणं देवेणं एवं वुत्ते समाणे अभीए जाव विहरइ तए णं से देवे चुल्लसयगं समणोवासयं अभीयं जाव पासइ पासित्ता दोहं पि तच्चं पि चुल्लसयगं समणोवासयं एवं वयासी-हंभो चुल्लसयगा समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छट्ठेसि न भंजेसि तो ते अहं अज्ज मज्झिमं पुत्तं साओ गिहाओ नीणेमि नीणेत्ता तव अग्गओ धाएमि जाव जीवियाओ ववरोविज्जसि तए णं से चुल्लसयए समणोवासए तेणं देवेणं दोहं पि तच्चं पि एवं वुत्ते समाणे अभीए जाव विहरइ

तए णं से देवे चुल्लसयणं समणोवासयं अभीयं जाव पासइ पासित्ता आसुरत्ते रुढे कुविए चंडिकि-
कए मिसिमिसीयमाणे चुल्लसयणस्स समणोवासयस्स मज्झिमं पुत्तं गिहाओ नीणेइ नीणेत्ता अण्ण-
ओ घाएइ घाएत्ता सत्त मंससोल्ले करेइ करेत्ता आदाणभरियंसि कडाहयंसि अद्दहेइ अद्दहेत्ता
चुल्लसयणस्स समणोवासयस्स गायं मंसेण य सोणिण्ण य आइंचइ तए णं से चुल्लसयए समणोवा-
सए तं उज्जलं जाव वेयणं सम्मं सहइ खमइ तितिक्वइ अहिंयासेइ तए णं से देवे चुल्लसयणं
समणोवासयं अभीयं जाव पासइ पासित्ता चुल्लसयणं समणोवासयं एवं वयासी-हंभो चुल्लसयणा
समणोवासया जाव जइ णं तुमं अज्ज सीलाई जाव न भंजेसि तो ते अहं अज्ज कणीयसं पुत्तं साओ
गिहाओ नीणेमि नीणेत्ति तव अण्णओ घाएमि घाएत्ता सत्त मंससोल्ले करेमि करेत्ता आदाणभरियंसि
कडाहयंसि अद्दहेमि अद्दहेत्ता तव गायं मंसेण य सोणिण्ण य आइंचामि जहा णं तुमं अद्द-दुहट्ट-
वसट्टे अकाले चेव जीवियाओ ववरोविज्जसि तए णं से देवेणं एवं वुत्ते समाणे अभीए जाव विहरइ
तए णं से देवे चुल्लसयणं समणोवासयं अभीयं जाव पासइ पासित्ता दोच्चं पि तच्चं पि चुल्लसयणं
समणोवासयं एवं वयासी हंभो चुल्लसयणा समणोवासया जाव जइ णं तुमं अज्ज सीलाई वयाइं
वेरमणाइं पच्चक्खाणाइं पोसहोववासाइं न छट्टेसि न भंजेसि तो ते अहं अज्ज कणीयसं पुत्तं साओ
गिहाओ नीणेमि नीणेत्ता तव अण्णओ घाएमि जाव जीवियाओ ववरोविज्जसि तए णं से चुल्लसयए
समणोवासए तेणं देवेणं दोच्चं पि पि तच्चं पि एवं वुत्ते समाणे अभीए जाव विहरइ तए णं से देवे
चुल्लसयणं समणोवासयं अभीयं जाव पासइ पासित्ता आसुरत्ते रुढे कुविए चंडिकिकए मिसिमि-
सीयमाणे चुल्लसयणस्स समणोवासयस्स कणीयसं पुत्तं गिहाओ नीणेइ नीणेत्ता अण्णओ घाएइ
घाएत्ता सत्त मंससोल्ले कोइ करेत्ता आदाणभरियंसि कडाहयंसि अद्दहेइ अद्दहेत्ता चुल्लसयणस्स
समणोवासयस्स गायं मंसेण य सोणिण्ण य] आइंचइ तए णं से चुल्लसयए समणोवासए तं उज्जलं
जाव वेयणं सम्मं सहइ खमइ तितिक्वइ अहिंयासेइ

तए णं से देवे चुल्लसयणं समणोवासयं अभीयं जाव पासइ पासित्ता चउत्थं पि चुल्लसयणं
समणोवासयं एवं वयासी-हंभो चुल्लसयणा समणोवासिया जाव जइ णं तुमं अज्ज जाओ इमाओ छ
हिरण्णकोडीओ निहाणपउत्ताओ छ हिरण्णकोडीओ वड्ढिपउत्ताओ छ हिरण्णकोडीओ पवित्थर-
पउत्ताओ ताओ साओ गिहाओ नीणेमि नीणेत्ता आलभियाए नयरीए सिंघाडग-तिय-चउक्क-
चद्धर-चउम्मुह-महाप पहेसु सव्वओ समंता विप्पइरामि जहा णं तुमं अद्द-दुहट्ट-वसट्टे अकाले चेव
जीवियाओ ववराविज्जसि तए णं से चुल्लसयए समणोवासए तेणं देवेणं एवं वुत्ते समाणे अभीए
जाव विहरइ तए णं से देवे चुल्लसयणं समणोवासयं अभीयं जाव पासइ पासित्ता दोच्चं पि तच्चं पि
[एवं वयासी-हंभो चुल्लसयणा समणोवासया जाव जइ णं तुमं अज्ज सीलाई वयां वेरमणाइं पच्च-
क्खाणाइं पोस-होववासाइं न छट्टेसि न भंजेसि तो ते अहं अज्ज जाओ इमाओ छ हिरण्णकोडीओ
पवित्थरपउत्ताओ ताओ साओ गिहाओ नीणेमि नीणेत्ता आलभियाए नयरीए जाव विप्पइरामि
जहा णं तुमं अद्द-दुहट्ट-वसट्टे अकाले चेव जीवियाओ ववरोविज्जसि] तए णं तस्स चुल्लसयणस्स
समणोवासयस्स तेणं देवेणं दोच्चं पि तच्चं पि एवं वुत्तस्स समाणस्स अयमेयारूवे अज्झत्थिए वित्तिए
पत्थिए मणोए संकप्पे समुप्पज्झित्था - अहो णं इमे पुरिसे अणारिए [अणारियबुद्धि अणारियाइं
पावाईं कम्माइं समाचरति जे णं ममं जेद्वं पुत्तं साओ गिहाओ नीणेइ नीणेत्ता मम अण्णओ धाएइ
धाएत्ता सत्त मंससोल्ले कोइ करेत्ता आदाणभरियंसि कडाहयंसि अद्दहेइ अद्दहेत्ता ममं गायं मंसेण य

सोणियाण य आईचइ जे णं ममं मज्झिमं पुत्तं साओ गिहाओ नीणेइ नीणेत्ता मम अग्गओ धाएइ एवं चेव जे णं ममं कणीयसं पुत्तं साओ गिहाओ नीणेइ नीणेत्ता मम अग्गओ धाएइ जाव आईचइ जाओ वि य णं इमाओ ममं छ हिरण्णकोडीओ निहाणपउत्ताओ छ हिरण्णकोडीओ वडिंढपउत्ताओ छ हिरण्णकोडीओ पवित्थरपउत्ताओ ताओ वि य णं इच्छइ ममं साओ गिहाणो नीणेत्ता आलभियाए नयरीए सिंघाडग-[तिय-चउक्क-चच्चर-चउम्मुह-महापहपहेसु सव्वओ सपंता] विप्पइरित्तए तं सेयं खलु ममं एवं पुरिसं गिण्हित्तए तं कट्ठ उच्छाविए जहा सुरादेव तहेव भारिय पुच्छइ तहेव कहेइ ।३३-३३

(३६) [सि वि च आगासे उप्पइए तेण य खंभे आसाइए महया-महया सद्देणं कोलाहले कए तए णं सा बहुला भारिया तं कोलाहलसद्दे सोच्चा निसम्म जेणेव चुल्लसयए समणोवासए तेणेव उवागच्छइ उवागच्छित्ता चुल्लसयणं समणोवासयं एवं वयासी-किण्ण देवानुपिया तुय्मे णं महया-महया सद्देणं कोलाहले कए तए णं से चुल्लसयए समणोवासए बहुलं भारियं एवं वयासी-एवं खलु बहुले न याणामि के वि पुरिसे आसुरत्ते रुद्धे कुविए चंडिकिक्कए मिसिमिसीयमाणे एणं महं नीलुप्पल-गवलपुलिय-अयसिकुसुमप्पगासं खुरधारं असिं गहायं ममं एवं वयासी-हंभो चुल्लसयगा समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो ते अहं अज्ज जेहुपुत्तं साओ गिहाओ नीणेमि नीणेत्ता तव अग्गओ धाएमि धाएत्ता सत्त मंससोद्धे करेमि करेत्ता आदाणपरियंसि कडाइयंसि अद्देहिमि अद्देहत्ता तव गायं मंसेण य सोणिएण य आईचामि जहा णं तुमं अद्द-दुहइ वसइ अकाले चेव जीवियाओ ववरोविज्जसि तए णं अहं तेणं पुरिसेणं एवं वुत्ते समाणे अभीए जाव विहरामि तए णं से पुरिसे ममं अभीयं जाव पासइ पासित्ता ममं दोच्चं पि तच्चं पि एवं वयासी-हंभो चुल्लसयगा समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो जाव तुमं अद्द-दुहइ-वसइ अकाले चेव जीवियाओ ववरोविज्जसि तए णं अहं तेणं पुरिसेणं दोच्चं पि तच्चं पि एवं वुत्ते समाणे अभीए जाव विहरामि तए णं से पुरिसे ममं अभीयं जाव पासइ पासित्ता आसुरत्ते रुद्धे कुविए चंडिकिक्कए मिसिमिसीयमाणे ममं जेहुपुत्तं गिहाओ नीणेइ नीणेत्ता मम अग्गओ धाएइ धाएत्ता सत्त मंससोद्धे करेइ करेत्ता आदाणपरियंसि कडाइयंसि अद्देहिमि अद्देहत्ता ममं गायं मंसेण य सो-णिएण य आईचइ तए णं अहं तं उज्जलं जाव वेयणं सम्मं सहामि खमामि तितिक्खामि अहियासेमि

एवं मज्झिमं पुत्तं जाव वेयणं सम्मं सहामि खमामि तितिक्खामि अहियासेमि एवं कणीयसं पुत्तं जाव वेयणं सम्मं सहामि खमामि तितिक्खामि अहियासेमि तए णं से पुरिसे ममं अभीयं जाव पासइ पासित्ता ममं चउत्थं पि एवं वयासी-हंभो चुल्लसयगा समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो ते अहं अज्ज जाओ इमाओ छ हिरण्णकोडीओ पवित्थरपउत्ताओ छ हिरण्णकोडीओ वडिंढपउत्ताओ छ हिरण्ण-कोडीओ पवित्थरपउत्ताओ ताओ साओ गिहाओ नीणेमि नीणेत्ता आलभियाए नयरीए सिंघाडग-तिय-चउक्क-चच्चर-चउम्मुह-महापहपहेसु सव्वओ सपंता विप्पइरामि जहा णं तुमं अद्द-दुहइ-वसइ अकाले चेव जीवियाओ ववरोविज्जसि तए णं अहं तेणं देवेणं एवं वुत्ते समाणे अभीए जाव विहरामि तए णं से पुरिसे ममं अभीयं जाव पासइ पासित्ता दोच्चं पि तच्चं पि ममं एवं वयासी-एवं चेव तए णं तेणं पुरिसेणं दोच्चं पि तच्चं पि ममं एवं वुत्तस्स समाणस्स अयमेयास्सुवे अज्झत्थिए

चितिए पत्थिए मणोगए संकप्पे समुप्पजित्था-अहो णं इमे पुरिसे अणारिए अणारियबुद्धी अणा-
रियाइ पावाइ कम्माइ समाचरति जे णं ममं जेद्धं पुत्तं साओ गिहाओ नीणेइ नीणेत्ता मम अग्गओ
घाएइ घाएत्ता सत्त मंससोले करेइ करेत्ता आदाणभरियंसि कडाहयंसि अद्देइ अद्देत्ता ममं गायं
मंसेण य सोणिण्ण करेत्ता आदाणभरियंसि कडाहयंसि अद्देइ अद्देत्ता ममं गायं मंसेण य सो-
णिण्ण य आइंचइ जे णं ममं मज्झिमं पुत्तं साओ गिहाओ नीणेइ नीणेत्ता मम अग्गओ घाएइ
घाएत्ता सत्त मंससोले करेइ करेत्ता आदाणभरियंसि कडाहयंसि अद्देइ अद्देत्ता ममं गायं मंसेण य
सो-मिण्ण य आइंचइ जे णं ममं कणीयसं पुत्तं साओ गिहाओ नीणेइ नीणेत्ता मम अग्गओ घाएइ
घाएत्ता सत्त मंससोले करेइ करेत्ता आदाणभरियंसि कडाहयंसि अद्देइ अद्देत्ता ममं गायं मंसेण य
सोणिण्ण य आइंचइ जाओ वि य णं इमाओ ममं छ हिरण्णकोडीओ निहाणपउत्ताओ छ
हिरण्णकोडीओ वडिइपुत्ताओ छ हिरण्णकोडीओ पवित्थरपउत्ताओ ताओ वि य णं इच्छइ ममं
साओ गिहाओ नीणेत्ता आलभियाए नयरीए सिंघाडग-तिय-चउक्क-चच्चरचउम्मुह-महापहपहेसु
सव्वओ समंता विप्पइरित्तए तं, सेयं खलु ममं एयं पुरिसं गिण्हित्तए ति कइ उद्धाविए से विय य
आगासे उप्पइए मए वि य खंभे आसाइए महया-महया सदेणं कोलाहले कए

तए णं सा बहुला भारिया चुल्लसयणं समणोवासयं एवं वयासी-नो खलु केइ पुरिसे तव
जेद्धपुत्तं साओ गिहाओ नीणेइ नीणेत्ता तव अग्गओ घाएइ नो खलु केइ पुरिसे तव मज्झिमं पुत्तं
साओ गिहाओ नीणेइ नीणेत्ता तव अग्गओ घाएइ नो खलु केइ पुरिसे तव कणीयसं पुत्तं साओ
गिहाओ नीणेइ नीणेत्ता तव अग्गओ घाएइ नो खलु देवाणुप्पिया तुब्भं के वि पुरिसे वि छ हिरण्ण-
कोडीओ निहाणपउत्ताओ छ हिरण्णकोडीओ वडिइपउत्ताओ छ हिरण्णकोडीओ पवित्थरप-
उत्ताओ साओ गिहाओ नीणेत्ता आलभियाए नयरीए सिंघाडग-जाव महापहपहेसु सव्वओ समंता
विप्पइरइ एस णं केइ पुरिसं तव उवसयणं करेइ एस णं तुमे विदरिसणे दिट्ठे तं णं तुमं इयाणिं
भगवए भग्नियमे मग्गपोसहे विहरसि तं णं तुमं पिया एयस्स ठाणस्स आलोएहिं पडिक्कमाहि
निंदाहि गरिहाहि विउट्ठाहि विसोहेहिं अकरणयाए अब्बुद्धाहि अहारिहं पायच्छित्तं तवोक्कमं
पडिवज्झहि तए णं से चुल्लसयए समणोवासए बहुलाए भारियाए तह ति एयमद्धं विणएणं पडि-
सुणेइ पडिसुणेत्ता तस्स ठाणस्स विउट्ठइ विसोहेइ अकरणयाए अब्बुद्धेइ अहारिहं पायच्छित्तं तवो-
क्कमं पडिवज्झइ तए णं से चुल्लसयए समणोवासए पढमं उवासगपडिमं उवसंपजित्ता णं विहरइ तए
णं से चुल्लसयए समणोवासए पढमं उवासगपडिमं अहासुत्तं अहाकयं अहामगं अहातच्चं सम्मं
काएणं फासेइ पालेइ सोहेइ तीरेइ कित्तेइ आराहेइ तए णं से चुल्लसयए समणोवासए दोच्चं
उवासगपडिमं एवं तच्चं चउत्थं पंचमं छद्धं सत्तमं अद्धमं नवमं दसमं एक्कारसमं उवासगपडिमं
अहासुत्तं अहाकयं अहामगं अहातच्चं सम्मं काएणं फासेइ पालेइ सोहेइ तीरेइ कित्तेइ आराहेइ तए
णं से चुल्लसयए समणोवासए तेणं ओरालेणं विउलेणं पथतेणं पणहिणं तवोक्कमेणं सुक्के
लुक्खे निम्मंसे अड्ढिक्कमावणद्धे किडिकिडियाभूए किसे धमणिसंतए जाए तए णं तस्स चुल्लस-
यगस्स समणोवासगस्स अण्णदा कदाइ पुव्वरत्तावरत्तकालसमयंसि धम्मजागरियं जागरमाणस्स
अयं अज्झत्थिए चितिए पत्थिए मणोगए संकप्पे समुप्पजित्था-एवं खलु अहं इमेणं एयाल्लवेणं
ओरालेणं विउलेणं जाव किसे धमणिसंतए जाए तं अत्थि ता मे उट्ठाणे कम्मे बले दीरिए पुरिस-
क्कार-परक्कमे सद्धा-घिइ-संवेगे जाव य मे धम्मायरिए धम्मोवएसए समणे भगवं महावीरे जिणे

सुहृदी विहरइ तावता मे सेचं कळा पाउप्पभायाए रयणीए जाव उड्डिमि सूरै सहस्सरस्सिमि दिणयरे तेयसं जलंते अपच्छिममारणंतियसंलेहणा-झूलणा-झूसियस्स भत्तपाण-पडियाइक्खि-यस्स कालं अणवकंखमाणस्स विहरितए-एवं संपेहेइ संपेहेत्ता कळं पाउप्पभायाए रयणीए जाव उड्डियमि सूरै सहस्सरस्सिमि दिणयरे जलंते अपच्छिममारणंतियसंलेहणा-झूसणा-झूसिए भत्त-पाण-पडियाइक्खिए कालं अणवकंखमाणे विहरइ तए णं से चुल्लसयए समणोवासए बहूहिं सील-व्वय-गुण-वेरमण-पच्चक्खण-पोसहोववासेहिं अप्पाणं भावेत्ता वीसं वासाइं समणोवास- गपरि-यागं पाउणित्ता एककारस य उवासगपडिमाओ सम्मं काएणं फासित्ता मासियाए संलेहणाए अत्ताणं झूसित्ता सट्ठिं भत्ताइ अणसणाए छेदेत्ता आलोइयपडिक्कंते समाहिपते कालभासे कालं किच्चा। सोहम्मे कप्पे अरुणसिद्धे विमाणे देवताए उववण्णे [तत्थ णं अत्थेगइयाणं देवाणं वत्तारि पलिओवमाइं ठिई पन्नत्ता चुल्लसयगस्स वि देवस्स चत्तारि पलिओवमाइं ठिई पन्नत्ता से णं भंते चुल्लसयए ताओ देवलोणाओ आउक्खएणं भवक्खएणं ठिइक्खएणं अणंतरं चयं चइत्ता कहिं गमिहिइ कहिं] उववज्झिहिइ गोयमा महाविदेहे वासे सिज्झिहिइ बुज्झिहिइ मुच्चिहिइ सच्चदुक्खा-णमंतं काहिइ [एवं खलुं जंबू समणेणं भगवया महावीरेणं उवासगदसाणं पंचमस्स अज्झयणस्स अयमट्ठे पन्नत्ते। ३४।-३४

● पंचमं अज्झयणं समतं ●

छट्ठं अज्झयणं—कुंडकोलिए

(३७) जिइ णं भंते समणेणं भगवया महावीरेणं जाव संपत्तेणं सत्तमस्स अंगस्स उवासग-दसाणं पंचमस्स अज्झयणस्स अयमट्ठे पन्नत्ते छट्ठस्स णं भंते अज्झयणस्स के अट्ठे पन्नत्ते। एवं खलु जंबू तेणं कालेणं तेणं समएणं कं पिळपुरे नयरे सहस्संबवणे उज्जाणे जियसत्तू राया [तत्थ णं कं पिळपुरे नयरे कुंडकोलिए नाम गाहावई परिवसइ-अट्ठे जाव यहुजणस्स अपरिभूए तस्स णं कुंडकोलियस्स गाहावइस्स छ हिरण्णकोडीओ निहाणपउत्ताओए छ हिरण्णकोडीओ वुड्ढि-पुत्ताओ छ हिरण्णकोडीओ पवित्तरपउत्ताओ छव्वया दसगोसाहस्सिएणं वएणं होत्था से णं कुंड-कोलिए गाहावई बहूणं जाव आपुच्छणिजे पडिपुच्छणिजे सयस्स वि य णं कुंडवसस मेढी जाव सच्चकज्जवड्ढावए यावि होत्था तस्स णं कुंडकोलियस्स गाहावइस्स पूसा नामं भारिया होत्था-अहीणपडिपुण्ण-पंचिंदियसरीरा जाव माणुस्सए कामभोए पच्चणुभवमाणी विहरइ तेणं कालेणं तेणं समएणं समणे भगवं महावीरे जाव जेणेव कं पिळपुरे नयरे जेणेव सहस्संबवणे उज्जाणे तेणेव उवागच्छइ उवागच्छित्ता अहापडिरूवं ओगहं ओगिण्हित्ता संजमेणं तवसा अप्पाणं भावेमाणे विहरइ परिता निग्गया कूणिए राया जहा तहा जियसत्तू निग्गच्छइ जाव पज्जुवासइ तए णं से कुंडकोलिए गाहावई इमीसे कहाए लद्धट्ठे समाणे-एवं खलु समणे भगवं महावीरे पुव्वानुपुव्वि चरमाणे गाणुगामं दूइअमाणे इहमागए इह संपत्ते इह समोसट्ठे इहेव कं पिळसपुरस्स नयरस्स बहिया सहस्संबवणे उज्जाणे अहापडिरूवं ओगहं ओगिण्हित्ता संजमेणं तवसा अप्पाणं भावेमाणे विहरइ तं महप्फलं खलु भो देवानुप्पिया तहारूवाणं अरहंताणं भगवंताणं नामगोयस्स वि सवणयाए किमंग पुण अभिगमण-वंदण-नमंसण-पडिपुच्छण-पज्जुवासणयाए एगस्स वि आरियस्स धम्मि-यस्स सुवयणस्स सवणयाए किमंग पुण विउलस्स अट्ठस्स गहणयाए तं गच्छामि णं देवानुप्पिया समणं भगवं-महावीरं वंदामि नमंतामि सकूकारेमि सम्माणेमि कळाणं मंगलं देवयं चेइयं पज्जुवा-

सामि-एवं संपेहेइ संपेहेत्ता ण्हाए कयबलिकम्मे कय-कोउय-मंगलं-पायच्छित्ते सुद्धप्पावेसाइं मंग-
ल्लाइं वत्थाइं पवर परिहिण्ण अप्पमहग्घाभरणालंक्रियसरीरे सयाओ गिहाओ पडिणिक्खमइ पडिणि-
क्खमिता सकोरेंटमल्लदामेणं छत्तेणं धरिज्जमाणेणं मणुस्सक्कगुरापरिखित्ते पादविहारचारेणं कपि-
ल्लपुरं नयरं मज्झमंज्जेणं निग्गच्छइ निग्गच्छित्ता जेणामेय सहस्संबवणे उज्जाणे जेणेव समणे भगवं
महावीरे तेणेव उवागच्छइ उवागच्छित्ता समणं भगवं महावीरं तिककुत्तो आयाहिण-पयाहिणं करेइ
करेत्ता वंदइ नमंसइ वंदित्ता नमंसित्ता नच्चासण्णे नाइदूरे सुस्सूसमाणे नमंसमाणे अभिमुहे विणएणं
पंजलिउडे पञ्जुवासइ

तए णं समणे भगवं महावीरं कुंडकोलियस्स गाहावइस्स तीसे य महइमहालियाए परिसाए
जाव धम्मं परिकहेइ परिसा पडिगया राया य दए तए णं कुंडकोलिए गाहावई समणस्स भगवओ
महावीरस्स अंतिए धम्मं सोच्चा निसम्म हट्ठतुडु-चित्तमाणंदिए पीडमणे परमसोमणस्सिए हरिसवस-
विसप्पमाणहियए उट्ठाए उट्ठेइ उट्ठेत्ता समणं भगवं महावीरं तिककुत्तो आयाहिण-पयाहिणं करेइ
करेत्ता वंदइ नमंसइ वंदित्ता नमंसित्ता एवं वयासी-सद्दहामि णं भंते निग्गंधं पायवणं पत्तियामि णं
भंते निग्गंधं पावयणं रोएमि णं भंते निग्गंधं पावयणं अत्थुट्ठेमि णं भंते निग्गंधं पावयणं एवमेयं
भंते तहमेयं भंते अवितहमेयं भंते असंदिद्धमेयं भंते इच्छियमेयं भंते पडिच्छियमेयं भंते इच्छिय-
पडिच्छियमेयं भंते से जहेयं तुब्भे वदह जहा णं देवाणुप्पियाणं अंतिए बहवे राईसर-तलवर-
माडंबिय-कोडुबिय-इब्भ-सेट्ठि-सेणावइ-सत्थवाहम्मभिइया मुंडा भवित्ता अगाराओ अणगारियं
पव्वइया नो खलु अहं तथा संचाएमि मुंडे भवित्ता अगाराओ अणगारियं पव्वइत्ताए अहं णं देवाणु-
प्पियाणं अंतिए पंचाणुव्वइयं सत्तसिक्खावइयं-दुवालसविहं सावगधम्मं पडिवज्जिस्सामि अहासुहं
देवाणुप्पिया मा पडिवंधं करेहि तए णं से कुंडकोलिए गाहावई समणस्स भगवओ महावीरस्स
अंतिए सावयधम्मं पडिवज्जइ तए णं समणे भगवं महावीरे अण्णदा कदाइ कपिल्लपुराओ नयरओ
सहस्संबवणाओ उज्जाणाओ पडिणिक्खमइ पडिणिक्खमिता बहिया जणवयविहारं विहरइ तए णं
से कुंडकोलिए समणोवासए जाए-अभिगयजीवाजीवे जाव समणे निग्गंधे फासु-एसणिज्जेणं
असण-पाण-खाइम-साइमेणं वत्थ-पडिग्गह-कंबल-पायपुंछणेणं ओसहभेसज्जेणं पाडिहारिएण या
पीढ-फलग-सेज्जा-संधारएणं पडिलापेमाणे विहरइ तए णं सा पूसा भारिया समणोवासिया जाया-
अभिगयजीवाजीवा जाव] पडिलामेमाणी विहरइ ॥३५॥३५

(३८) तए णं से कुंडकोलिए समणोवासए अण्णदा कदाइ पच्चावरप्पहकालसमयंसि जेणेव
असोगवणिया जेणेव पुढविसिलापट्टए तेणेव उवागच्छइ उवागच्छित्ता नाममुद्दगं च उत्तरिज्जगं च
पुढविसिलापट्टए ठवेइ ठवेत्ता समणस्स भगवओ महावीरस्स, अंतियं धम्मपन्नत्तिं उवसंपज्जित्ता णं
विहरइ तए णं तस्सकुंडकोलियस्स समणोवासयस्स एगे देवे अंतियं पाउब्भवित्था तए णं से देवे
नाममुद्दगं च उत्तरिज्जगं च पुढविसिलापट्टयाओ गेण्हइ गेण्हित्ता अंतलिकखपडिवण्णे सखिखि-
णियाइ पंचवण्णाइं वत्थाइं पवर परिहिण्ण कुंडकोलियं समणोवासयं एवं वयासी-हंभो कुंडकोलिया
समणोवासया सुंदरी णं देवाणुप्पिया गोसालस्स मंखलिपुत्तस्स धम्मपन्नत्ती-नत्थि उट्ठाणे इ वा कम्मे
इ वा बले इ वा वीरिए इ वा पुरिसक्कार-परक्कमे इ वा नियता सव्वभावा मंगुली णं समणस्स
भगवओ महावीरस्स धम्मपन्नत्ती-अत्थि उट्ठाणे इ वा कम्मे इ वा बले इ वा वीरिए इ वा पुरिस-
क्कार]परक्कमे इ वा नियता सव्वभावा मंगुली णं समणस्स भगवओ महावीरस्स धम्मपन्नत्तीती-

अत्थि उद्वाणे इ वा [कम्मे इ वा बले इ वा वीरिए इ वा पुरिसक्कार]-परक्कमे इ वा अणियता सव्वभावा तए णं से कुंडकोलिए समणोवासए तं देवं एवं वयासी जइ णं देवाणुप्पिया सुंदरी णं गोसालस्स मंखलिपुत्तास्स धम्मपन्नत्ती नत्थि उद्वाणेइ वा जाव नियमा सव्वभावा मंगुली णं समणस्स भगवओ महावीरस्स धम्मपन्नत्ती अत्थि उद्वाणे इ वा जाव अनियता सव्वभावा तुमे णं देवाणुप्पिया इमा एयारूवा दिव्वा देविइदी दिव्वा देवजुई दिव्वे देवाणुभावे किण्णा लद्धे किण्णा पत्ते किण्णा अभिसमण्णागए किं उद्वाणेणं [कम्मेणं बलेणं वीरिएणं] पुरिसक्कार-परक्कमे उदाहु अणुद्वाणेणं [अकम्मेणं अवलेणं अवीरिएणं अपुरिसक्कार-परक्कमेणं तए णं से देवे कुंडकोलिचं समणो-वासयं एवं वयासी-एवं खलु देवाणुप्पिया मए इमा एयारूवा दिव्वा देविइदी दिव्वा देवजुई दिव्वे देवाणुभावे अणुद्वाणेणं अकम्मेणं अवलेणं अवीरिएणं अपुरिसक्कारपरक्कमेणं लद्धे पत्ते अभिसमण्णागए

तए णं से कुंडकोलिए समणोवासए तं देवं वयासी-जइ णं देवाणुप्पिया तुमे इमा एयारूवा दिव्वा देविइदी दिव्वा देवजुई दिव्वे देवाणुभावे अनुद्वाणेणं [अकम्मेणं अवलेणं अवीरिएणं] अपुरिक्कारपरक्कमेणं लद्धे पत्ते अभिसमण्णागए जेसि णं जीवाणं नत्थि उद्वाणे इ वा [कम्मे इ वा बले इ वा वीरिए इ वा पुरिसक्कार-परक्कमे इ वा ते किं न देवा अह तुम्हे इमा एयारूवा दिव्वा देविइदी दिव्वा देवजुई दिव्वे देवाणुभावे उद्वाणेणं [कम्मेणं वलेणं वीरिएणं पुरिसक्कार-परक्क-मेणं] लद्धे पत्ते अभिसमण्णागए तो जं वदसि सुंदरी णं गोसालस्स मंखलिपुत्तास्स धम्मपन्नत्ती-नत्थि उद्वाणे इ वा [कम्मे इ वा बले इ वा वीरिए इ वा पुरिसक्कार-परक्कमे इ वा] नियता सव्वभावा मंगुली णं समणस्स भगवओ महावीरस्स धम्मपन्नत्ती-अत्थि उद्वाणे इ वा [कम्मे इ वा बले इ वा वीरिए इ वा पुरिसक्कार-परक्कमे] इ वा अणियता सव्वभावा तं ते मिच्छा तए णं से देवे कुंडकोलिएणं समणोवासएणं एवं वुत्ते समाणे संकिए कंखिए वितिगिच्छासमावण्णे कलुससमा-वण्णे नो संचाएइ कुंडकोलियस्स समणोवासयस्स किंचि पमोक्खमाइक्खित्तए नाममुद्दणं च उत्तरिज्जं च पुढविसिलपट्टए ठवेइ ठवेत्ता जामेव दिसं पाउब्भूए ताममेव दिसं पडिगए तेणं कालेणं तेणं समएणं सामी समोसढे तए णं से कुंडकोलिए समणोवासए इमीसे कहाए लद्धेइ हइ जहा कामदेवो तहा निगच्छइ जाव पज्जुवासइ धम्मकहा [समाणे-एवं खलु समणं भगवं महावीरे पुव्वाणुपुब्बिं चरमाणे गामाणुगामं दूइज्जमाणे इहमागए इह संपत्ते इह समोसढे इहेव कंप्पिअपुरस्स नयरस्स बहिया सहस्संबवणे उज्जाणे अहापडिरूवं ओगाहं ओगिणिहत्ता संजमेणं तवसा अप्पाणं भावेमाणे विहरइ तं सेयं खलु मम समणं भगवं महावीरं वंदित्ता नमंसित्ता ततो पडिणियत्तास्स पोसहं पारेत्ताए त्ति कइ एवं संपेहेइ संपेहेत्ता पोसहसालाओ पडिणिक्खमइ पडिणिक्खमिन्ता सुद्धप्पावेसाइ मंगल्लाइ वत्थाइ पवर परिहिए मणुस्सवगुरापरिक्खित्ते सयाओ गिहाओ पडिणि-क्खमइ पडिणिक्खमिन्ता कंप्पिअपुरं नयरं मज्झिमज्जेणं निगच्छइ निगच्छित्ता जेणेव सहस्संबवणे उज्जाणं जेणेवं समणे भगवं महावीरे तेणेव उवागच्छइ उवागच्छित्ता तिक्खत्तो आयाहिण-मयाहिणं कोइ करेत्तावंदइ नमंसइ वंदित्ता नमंसित्ता तिविहाए पज्जुवासणाए पज्जुवासइ तए णं सगणे भगवं महावीरे कुंडकोलियस्स समणोवासयस्स तीसे यमहइ महालियाए परिस्साए जाव धम्मं परिकहेइ। ३६।-३७

(३९) कुंडकोलियाइ समणे भगवं महावीरे कुंडकोलियं समणोवासयं एवं वयासी- से नूणं कुंडकोलिया कणं तुम्हं पद्मावरणहकालसमयंसि असोगवणिथाए एगे देवे अंतियं पाउब्भवित्था

तए णं से देवे नाममुद्दगं च । उत्तरिज्जगं च पुढविसिलापट्टयाओ गेण्हइ गेण्हित्ता अंतलिक्खपडि-
वण्णे सखिखिणिचाइं पंचवण्णाइं यत्थाइं पवर परिहिए तुमं एवं वयासी-हंभो कुंडकोलिया
समणोयासया सुंदरी णं देवाणुप्पिया गोसालस्स मंखलिपुत्तस्स धम्मपन्नती-नत्थि उट्ठाणे इ वा जाव
नियता सव्वभावा मंगुली णं समणस्स भगवओ महावीरस्स धम्मपन्नती-अत्थि उट्ठाणे इ वा जाव
अणियता सव्वभावा तए णं तुमं तं देवं एवं वयासी-जइ णं देवाणुप्पिया सुंदरी णं गोसालस्स
मंखलिपुत्तस्स धम्मपन्नती-नत्थि उट्ठाणे इ वा जाव पुरिसक्कार-परक्कमे इ वा नियता सव्वभावा
मंगुली णं समणस्स भगवओ महावीरस्स धम्मपन्नती-अत्थि उट्ठाणे इ वा जाव पुरिसक्कार-
परक्कमे इ वा अणियता सव्वभावा तुमे णं देवाणुप्पिया इमा एयारूवा दिव्वा देविइदी दिव्वा
देवजुई किं उट्ठाणेणं जाव पुरिसक्कार-परक्कमेणं उदाहु अनुट्ठाणेणं जाव अपुरिसक्कार-
परक्कमे तए णं से देवे तुमं एवं वयासी-एवं खलु देवाणुप्पिया मए इमा एयारूवा दिव्वा देविइदी
दिव्वा देवजुई दिव्वा देवाणुभावे किण्णा रुद्धे किण्णा पत्ते किण्णा अभिसमण्णा गए किं उट्ठाणेणं
जाव पुरिसक्कार परक्कमेणं उदाहु अनुट्ठाणेणं जाव अपुरिसक्कार-परक्कमेणं लद्धे पत्ते
अभिसमण्णागए तए णं तुमं तं देवं एवं वयासी जइ णं देवाणुप्पिया तुमे इमा एयारूवा दिव्वा
देविइदी दिव्वा देवजुई दिव्वा देवाणुभावे अनुट्ठाणेणं जाव अपुरिसक्कारपरक्कमेणं लद्धे पत्ते
अभिसमण्णागए जेसि णं जीवाणं नत्थि उट्ठाणे इ वा जाव परक्कमे इ वा ते किं न देवा अह तुम्हे
इमा एयारूवा दिव्वा देविइदी दिव्वा देवजुई दिव्वा देवाणुभावे उट्ठाणेणं जाव परक्कमेणं लद्धे पत्ते
अभिसमण्णागए तो जं वदसि सुंदरी णं गोसालस्स मंखलिपुत्तस्स धम्मपन्नती-नत्थि उट्ठाणे इ वा
जाव नियता सव्वभावा मंगुली णं समणस्स भगवओ महावीरस्स धम्मपन्नती-अत्थि उट्ठाणे इ वा
जाव अणियत सव्वभावा तं ते मिच्छा तए णं से देवे तुमं एवं वुत्ते सपाणे संकिए कंठिए
वित्तिमिच्छासमावण्णे कलुसमावण्णे नो संचाएइ तुम्हे किंचि पमोक्खमाइक्खित्तए नाममुद्दगं च
उत्तरिज्जगं च पुढविसिलापट्टए ठवेइ ठवेत्ता जामेव दिसं पाउब्भूए तामेव दिसं पडिगए से नूणं
कुंडकोलिया अट्ठे समट्ठे हंता अत्थि अज्जोति समणे भगवं महावीरे बहवे समणा निगंथा य
निगंथीओ य आमंतैत्ता एवं वयासी-जइ ताव अज्जो गिह्णिणो गिहिमज्जावसंता अण्णउत्थिए
अट्ठेहि य जाव निष्पट्ठ-पसिणवागरणे करेति सक्का पुणाइं अज्जो समणेहिं निगंथेहि दुवालसंगं
गणिपिडगं अहिज्जमाणेहिं अण्णउत्थिया अट्ठेहिं य हेऊहि य पसिणेहिं य कारणेहिं य वागरणेहिं य
निष्पट्ठ-पसिणवागरणा करेत्तए तए णं ते बहवे सममा निगंथा य निगंथीओ य समणस्स भगवओ
महावीरस्स तए त्ति एयमट्ठं विगएणं पडित्ठुणेति तए णं से कुंडकोलिए समणोवासए समण भगवं
महावीरं वंदइ नमंसइ वंदित्ता नमंसित्ता पसिणाइं पुच्छइ पुच्छित्ता अट्ठमादियइ अट्ठमादित्ता जामेव
दिसं पाउब्भूए तामेव दिसं पडिगए साभी बहिया जणवयविहारं विहरइ । ३७।-३७

(४०) तए णं तस्स कुंडकोलियस्स बहूहि [सील-व्वय-गुण-वेरमण-पच्चक्खाण-पोसहोव-
वासेहिं अप्पाणं] भायेमाणस्स चोइस संवच्छराइं वीइक्कंताइं पन्नरसमस्स संवच्छरस्स अंतरा
वट्ठमाणस्स अन्नया कदाइ [पुव्वरत्तावरत्तकालसमयंसि धम्मजागरियं जागरमाणस्स इमेयारूवे
अज्झत्थिए चित्तिए पत्थिए मणोए संकप्पे समुण्णजित्था-एवं खलु अहं कंषिल्लपुरे बहूणं जाव
आपुच्छणिजे पडिपुच्छणिजे सयस्स वि य णं कुडुबस्स मेडी जाव सव्वकज्जवइदावए तं एतेणं
वक्खेवेणं अहं नो संचाएमि समणस्स भगवओ महावीरस्स अंतियं धम्मपन्नतिं उवसंपज्जित्ता णं

विहरिताए तए णं से कुंडकोलिए समणोवासए जेडुपुत्तं मित्त-नाइ-निगय-सयण-संबंधि-परिजणं च आपुच्छइ आपुच्छिता सयाओ गिहाओ पडिणिक्खमइ पडिणिक्खमिता कंषिअपुरं नयरं मज्झं-मज्झेणं निगच्छइ निगच्छिता जेणेव पोसहसाला तेणेव उवागच्छइ उवागच्छिता पोसहसालं पमज्झइ पमज्झिता उच्चार-पासवणभूमि पडिलेहेइ पडिलेहेता दब्भसंधारयं संधरेइ संधरेता दब्भ-संधारयं दुरुहइ दुरहिता पोसहसालाए पोसहिए बंमयारी उम्मुक्कमणिसुवण्णे ववगयमाला-वण्णगविलेवणे निक्खित्तसत्थमुसले एगे अवीए दब्भसंधारोवगए समणस्स भगवओ महावीरस्स अंतियं धम्मपत्रत्तिं उवसंपज्झिता णं विहरइ [तए णं से कुंडकोलिए समणोवासए पढमं उवासग-पडिमं उवसंपज्झिता णं विहरइ तए णं से कुंडकोलिए समणोवासए पढमं उवासगपडिमं अहासुत्तं अहाकयं अहामगं अहातच्चं सम्मं काएणं फासेइ पालेइ सोहेइ तीरेइ कितेइ आराहेइ तए णं से कुंडकोलिए समणोवासए दोच्चं उवासगपडिमं एवं तच्चं जाव एक्कारसमं उवासगपडिमं अहासुत्तं जाव आराहेइ तए णं से कुंडकोलिए समणोवासए इमेणं एयास्सुवेणं ओएरालेणं विउलेणं पयत्तेणं पग्गहिणं तदोक्कमेणं सुक्के लुक्खे निम्मंसे अट्ठिम्ममावणद्धे किडिकिडियाभूए किसे धमणि-संतए जाए तए णं तस्स कुंडकोलियस्स समणोवासगस्स अण्णदा कदाइ पुव्वरत्तावरत्तकालसमं-यसि धम्मजागरियं जागरमाणस्स अयं अज्झत्थिए चितिए पत्थिए मणोगए संकप्पे समुप्यज्झित्था-एवं खलु अहं इमेणं एयास्सुवेणं ओरालेणं जाव धमणिसंतए जाए त अत्थि ता मे उट्ठाणे कप्पे वले वोरिए पुरिसक्कार-परक्कमे सद्धा-धिइ-संवेगे तं जावता मे उट्ठाणे कप्पे जाव य मे धम्मयारिए धम्मोवएसए समणे भगवं महावीरे जिणे सुहत्थी विहरइ तावता मे सेयं कल्लं पाउप्पभावाए रयणीए जाव उट्ठियेम्पि सूरु सइस्सरस्सिम्पि दिणयरे तेयसा जलंते अपच्छिममाणंतियसंलेहणा-झूसणा-झूसियस्स भत्तपाण-पडियाइक्खियस्स कालं अणवकंखमाणस्स विहरितए-एवं संपेहेइ संपेहेत्ता कल्लं पाउप्पभावाए रयणीए जाव उट्ठियेम्पि सूरु जाव विहरइ तए णं से कुंडकोलिए समणोवासए बहुहिं सील-व्यय-गुण-वेरमण-पच्चक्खाण-पोसहोववासेहिं अप्पाणं भावेत्ता वीसं वासाइं सममो-वासगपरियाणं पाडणिता एक्कासं य उवासगपडिमाओ सम्मं काएणं फासित्ता मासियाए संलेह-णाए अत्ताणं झूसित्ता सट्ठिं भत्ताइं अणसणाए छेदेत्ता आलोइय-पडिक्कंते समाहिपत्त कालमासे कालं किच्चा सोहम्मे कप्पे सोहम्मवडिंसगस्स महाविमाणस्स उत्तरपुरत्थिमे णं अरुणज्झए विमाणे देवत्ताए उववण्णे तत्थ णं अत्थेगइयाणं देवाणं चत्तारिपलिओवमाइं ठिई पत्रत्ता से णं भंते कुंडकोलिए ताओ देवलागाओ आउक्खएणं भवक्खएणं गोयमा महाविदेहे वासे सिज्झिहिइ बुज्झिहिइ मुच्चिहिइ सब्बदुक्खाणं अंतं काहिइ एवं खलु जंबू समणेणं भगवया महावीरेणं उवास-गदसाणं छट्ठस्स अज्झयणस्स अयमट्ठे पत्रत्ते। ३८१-३८३

● छट्ठं अज्झयणं समत्तं ●

सत्तमं अज्झयणं—सदालपुत्ते

(४१) [जइ णं भंते समणेणं भगवया महावीरेणं जाव संपत्तेणं सत्तमस्स अंगस्स उवाग-सगदासणं छट्ठस्स अज्झयणस्स अयमट्ठे पत्रत्ते सत्तमस्स णं भंते अज्झयणस्स के अट्ठे पत्रत्ते एवं खलु जंबू तेणं कालेणं तेणं समएणं] पोलासपुरं नामं नयरं सहस्संबवणं उज्जाणं जियसत्तू राया तत्थ णं पोलासपुरे नयरे सदालपुत्ते नामं कुंभकारे आजीविओवात्तए परिवत्तइ आजीवियसयमयंसि लद्धे गहियेइ पुच्छियेइ विणिच्छियेइ अभिगवट्ठे अट्ठिमिजपेमाणुरागरत्ते अयमाउसो आजी-

वियसमए अट्टे अयं परपट्टे सेसे अणट्टे ति आजीवियसमएणं अप्पाणं भावेमाणे विहरइ तस्स णं सद्दालपुत्तस्स आजीविओवासगस्स एकका हिरण्णकोडी निहाणपउत्ताओ एकका हिरण्णकोडी वड्ढिपउत्ताओ एकका हिरण्णकोडी पवित्थरपउत्ताओ एकके वए दसगोसाहस्सिएणं वएणं तस्स णं सद्दालपुत्तस्स आजीविओवासगस्स अग्गिमित्ता नामं भारिया होत्था तस्स णं सद्दालपुत्तस्स आजीविओवासगस्स पोलासपुरस्स नगरस्स बहिया पंच कुंभारावणसया होत्था तस्स णं बहवे पुरिसा दिण्ण-भइ-भत्तवेयणा कल्लाकल्लिं बहवे करए य वारए य पिहडए य घडए य अद्धघडए य कलसए य कल्लिजए य जंहुलए य उट्टियाओ य करेति अण्णे य से बहवे पुरिसा दिण्ण-भइ-भत्तवेयणा कल्लाकल्लिं तेहिं बहुहं करएहिय जाव उट्टियाहि य रायमणंसि वित्तिं कप्पेमाणो विहरंति । ३९।-३७

(४२) तए णं से सद्दालपुत्ते आजीविओवासए अण्णदा कदाइ पच्चावरण्हकालसमयंससि जेणेव असोगवणिया तेणेव उवागच्छइ उवागच्छिता गोसालस्स मंखलिपुत्तस्स अंतियं धम्मपत्रति उवसंपज्जिता णं विहरइ तए णं तस्स सद्दालपुत्तस्स आजीविओवासगस्स एकके देवे अंतियं पाउत्तमवित्था तए णं से देवे अंतलिक्खपडिवण्णे संखिखिणाइं [पंचवण्णाइं वत्थाइं पवर] परिहिए सद्दालपुत्तं आजीविओवासयं एवं वयासी-एहिइ णं देवाणुप्पिया कल्लं हइं महामाणे उपन्ननाण-दंसणधरे तीयप्पडुपण्णाणगयजाणए अरहा जिणे केवली सव्वण्णू सव्वदरिसी तेलोकचहिय-महिय-पूइए सदेवमणुयासुरस्स लोगस्स अच्चणिजे पूयणिजे वंदणिजे [नमंसणिजे सक्कारणिजे सम्माणणिजे कल्लणं मंगलं देवयं चेइयं] पज्जुवासणिजे तच्च-कम्मसंपयासंपउत्ते तं णं तुमं वंदेज्जाहि जाव पज्जुवासेज्जाहि पाडिगहारिएणं पीढ-फल-सेज्जासंधारएणं उवनिमंतेज्जाहि दोच्चं पि तच्चं पि एवं वयइ वइत्ता जामेव दिसं पाउत्तमए तामेव दिसं पडिगए तए णं तस्स सद्दालपुत्तस्स आजीविओवासगस्स तेणं देवेणं एवं वुत्तस्स समाणस्स इमेयारूवे अज्झत्थिए चितिए पत्थिए मणोगए संकप्पे समुत्थण्णे-एवं खलु ममं धम्माचरिए धम्मोवएसए गोसाले मंखलिपुत्ते-से णं महामाणे उपन्ननाणदंसणधरे तच्च-कम्मसंपया-संपउत्ते से णं कयं इह हव्वमाणच्छिस्सति तए णं तं अहं वंदिस्सामि [नमंसिस्सामि सक्कारेस्सामि सम्माणेस्सामि कल्लणं मंगलं देवयं चेइयं] पज्जुवासिस्सामि पाडिगहारिएणं [पीढ-फल-सेज्जा-संधारएणं] उवनिमंतिस्सामि । ४०।-४०

(४३) तए णं कल्लं [पाउत्तभायाए रयणीए फुल्लुप्पलकमलकोमलुम्मिलियमि अहं पंडुरे पाए रत्तासोगप्पगास-किंसुय-सुयमुह-गुंजद्धरागररिसे कमत्तागरसंडबोहए उट्टियम्मि सूरे सहस्सरस्सि-म्मि दिण्यरे तेयसा] जलंते समणे भगवं महावीरे जाव [जेणेव पोलासपुरे नयो जेणेव सहस्संबवणे उज्जाणे तेणेव उवागच्छइ उवागच्छिता अहापडिरूवं ओगहं ओगिण्हित्ता संजमेणं तवसा अप्पाणं भावेमाणे विहरइ] परिसा निग्गवा [कूणिए राया जहा तहा जियसत्तू निग्गछइ जाव] पज्जुवासइ तए णं सद्दालपुत्ते आजीविओवासए इमीसे क्हाए लद्धेइ समणे-एवं खलु समणे भगवं महावीरे [पुच्चाणुपुच्चिं चरमाणे गामाणुगामं दूइज्जमाणे इहभागए इह संपते इह समोसठे इहेव पोलासपुरस्स नगरस्स बहिया सहस्संबवणे उज्जाणे अहापडिरूवं ओगहं ओगिण्हित्ता संजमेणं तवसा अप्पाणं भावेमाणे] विहरइ तं गच्छामि णं समणं भगवं महावीरं वंदामि [नमंतामि सक्कारेमि सम्माणेमि कल्लाम मंगलं देवयं चेइयं] पज्जुवासामि-एवं संपेहेइ संपेहेत्ता ण्हाए कयबलिकम्मे कय-कोउय-मंगल पायच्छित्ते सुद्धप्पावेसाइं मंगल्लाइं वत्थाइं पवर परिहिए अप्पमहं धाभरण-लंकियसरीरे मणुस्सवग्गुरापरिगए साओ गिहाओ पडिणिक्खमइ पडिणिक्खमिता पोलासपुरं नयरं मज्झं-

मज्झेणं निग्गच्छइ निग्गच्छिता जेणेव सहस्संबवणे उज्जाणे जेणेव समणे भगवं महावीरे तेणेव उवागच्छइ उवागच्छिता तिक्खुतो आपाहिण-पयाहिणं करेइ करेत्ता थंदइ नमंसइ वंदित्ता नमंसित्ता [नच्चसण्णे नाइदूरे सुत्तसुसमाणे नमंसमाणे अभिमुहे विणएणं पजलित्ते] पञ्जुवासइ तए णं समणे भगवं महावीरे सद्दालपुत्तस्स आजीविओवासगस्स तीसे य महइ महालियाए परिसाए जाव धम्मं परिकहेइ] सद्दालपुत्ताइ समणे भगवं महावीरे सद्दालपुत्तं आजीविओवासयं एवं वयासी से नूणं सद्दालपुत्ता कल्लं तुमं पच्चावारण्हकालसमयंसि जेणेव असोगवणिया जाव विहरसि तए णं तुब्बं एगे देवे अतियं पाउब्बवित्था तए णं से देवे अंतलिक्खपडिवण्णे सखिखिणियाइ पंचवण्णाइ वत्थाइ पवर परिहिए तुमं एवं वयासी-हंमो सद्दालपुत्ता [एहिइ णं देवानुप्पिया कल्लं इहं महामाहणे जाव तच्च-कम्मसंपया-संपउत्ते तं णं तुमं वंदेज्जाहि नमंसेज्जाहि सक्कारेज्जाहि सम्माणेज्जाहि कल्लाणं मंगलं देवयं चेइयं पञ्जुयासेज्जाहि पाडिहारिएणं पीढ-फलग-सेज्जा-संधारएणं उवनिमंतेज्जाहि दोहं पि तच्चं पि एवं वयइ वइत्ता जामेव दिसं पाउब्बूए तामेव दिसं पडिगए तए णं तुब्बं तेमं देवेणं एवं समुष्ण्णे-एवं खलु मम धम्मायरिए धम्मोवएसए गोसाले मंखलिपुत्ते-से णं महामाहणे जाव तच्च-कम्मसंपया-संपउत्ते से णं कल्लं इह हव्वभागच्छिस्सति तए णं तं अहं वंदिस्सामि जाव उवनिमं-तिस्सामि] से नूणं सद्दालपुत्ता अडे समडे हंता अत्थि तं नो खलु सद्दालपुत्ता तेणं देवेणं गोसालं मंखलिपुत्तं पणिहाय एवं वुत्ते तए णं तस्स सद्दालपुत्तस्स आजीविओवासयस्स समणेणं भगवया महावीरेणं एवं वुत्तस्स समाणस्स इमेयारूवे अज्झत्थिए चितिए पत्थिए मणोगए तंकरूपे समुष्ण्णे-एस णं समणे भगवं महावीरे महामाहणे उप्पन्ननाणदंसणधरे [तीयप्पडुपण्णाणायज्जाणए अरहा जिणे केवली सब्वण्णू सब्वदरिसी तेलोक्कचहिय-महिय-पूइए सदेवमणुयासुरस्स लोगस्स अच्चणिजे पूयणिजे वंदणिजे नमंसणिजे सक्कारणिजे सम्माणणिजे कल्लाणं मंगलं देवयं चेइयं पञ्जुवासणिजे] तच्च-कम्मसंपया-संपउत्ते तं सेयं खलु ममं समणं भगवं महावीरं वंदित्ता नमंसित्ता पाडिहारिएणं पीढ-फलग-सेज्जा-संधारएणं उवनिमंतेतए-एवं संपेहेइ संपेहेत्ता उट्ठाए उट्ठेइ उट्ठेत्ता समणं भगवं महावीरं वंदइ नमंसइ वंदित्ता नमंसित्ता एवं वयासी एवं खलु भंते मम पोलासपुरस्स नयरस्स बहिया पंच कुंभारावणसया तत्थ णं तुब्बे पाडिहारियं पीढ-फलग-सेज्जा-संधारयं ओगि-ण्हित्ता णं विहरइ तए णं से समणे भगवं महावीरे सद्दालपुत्तस्स आजीविओवासगस्स एयमइ पडिसुणेइ पडिसुणेत्ता सद्दालपुत्तस्स आजिवोओवासगस्स पंचसु कुंभारावणसएसु फासु-एसणिज्जं पाडिहारियं पीढ-फलग-सेज्जा-संधारयं ओगिण्हित्ता णं विहरइ १४१।-४१

(४४) तए णं से सद्दालपुत्ते आजीविओवासए अण्णदा कदाइ वाताहतयं कोलालमंडं अंतो सालाहिंतो बहिया नीणेइ नीणेत्ता आयवंसि दलयइ तए णं समणे भगवं महावीरे सद्दालपुत्तं आजीविओवासयं एवं वयासी-सद्दालपुत्ता एस णं कोलालमंडं कहं कत्तो तए णं से सद्दालपुत्ते आजीविओवासए समणं भगवं महावीरं एवं वयासी-एस णं भंते पुब्बिं मट्ठिया आसी तओ पच्छा उदएणं तिम्भिज्जइ तिम्भिज्जित्ता छारेण य करिसेणं य एगयओ मीसिज्जइ मीसिज्जित्ता चक्कं आरु-भिज्जति तओ बहवे करगा य वारगा य पिहडदा य पडा य अद्धघडगा य कलसगा य अल्लिजरगा य जंवलगा य] उट्ठियाओ य कज्जंति तए णं समणे भगवं महावीरे सद्दालपुत्तं आजीविओवासयं एवं वयासी-सद्दालपुत्ता एस णं कोलालमंडं किं उट्ठाणेणं [कम्मेणं बलेणं वीरिएणं] पुरिसक्कार-परक्कमेणं कज्जंति उदाहु अनुट्ठाणेणं [अकम्मेणं अबलेणं अवीरिएणं] अपुरिसक्कार-परक्कमेणं

कज्जति तए णं से सद्दालपुत्ते आजीविओवासए समणं भगवं महावीरं एवं वयासी-भंते अनुद्वाणेणं जाव अपुरिसक्कारपरक्कमेणं नत्थि उट्ठाणे इ वा जाव पुरिसक्कार-परक्कमे इ वा नियता सव्व-भावा तए णं समणे भगवं महावीरे सद्दालपुत्तं आजीविओवासयं एवं वयासी सद्दालपुत्ता जइ णं तुय्मं केइ पुरिसे वाताहतं वा पक्केल्लयं वा कोलालमंडं अवहरेइ वा विक्खिरेइ वा भिदेइ वा अच्छिदेइ वा परिट्ठवेइ वा अग्गिमित्ताए वा भारियाए सद्धिं विउलाइं भोगभोगाइं भुंजमाणे विह-रेइ तस्स णं तुमं पुरिसस्स कं दंडं वत्तेज्जासि भंते अहं णं तं पुरिसं आओसेइ वा हणेइ वा बंधेइ वा महेइ वा तजेइ वा तालेइ वा निच्छेडेइ वा निब्बच्छेइ वा अकाले चेव जीवियाओ ववरोवेइ सद्दालपुत्ता नो खलु तुय्मं केइ पुरिसे वाताहतं वा पक्केल्लयं वा कोलालमंडं अवहरेइ वा जाव परिट्ठवेइ वा अग्गिमित्ताए भारियाए सद्धिं विउलाइं भोगभोगाइं भुंजमाणे विहरइ नो वा तुमं तं पुरिसं आओसेसि वा हणेसि वा जाव अकाले चेव जीवियाओ ववरोवेसि जइ नत्थि उट्ठाणे इ वा [कम्मे इ वा बले इ वा वीरिए इ वा पुरिक्कार]-परक्कमे इ वा नियता सव्वभावा अहं णं तुय्मं केइ पुरिसे वाताहतं वा [पक्केल्लयं वा कोलालमंडं अवहरेइ वा विक्खिरेइ वा भिदेइ वा अच्छिदेइ वा] परिट्ठेइ वा अग्गिमित्ताए वा भारियाए सद्धिं विउलाइं भोगभोगाइं भुंजमाणे विहरइ तुमं वा तं पुरिसं आओसेसि वा जाव ववरोवेसि तो जं वदसि नत्थि उट्ठाणे इ वा जाव परक्कमे इ वा नियता सव्वभावा तं ते मिच्छा एय्य णं से सद्दालपुत्ते आजीविओवासए संबुद्धे तए णं से सद्दालपुत्ते आजी-विओवासए समणं भगवं महावीरं वंदइ नमंसइ वंदित्ता नमंसित्ता एवं वयासी-इच्छाभि णं भंते तुय्मं अंतिए धम्मं निसामेत्तए तए णं समणे भगवं महावीरे सद्दालपुत्तस्स आजीविओवासगस्स तीसे य महइमहालिचाए परिआए जाव धम्मं परिकहेइ। ४२।-४२

(४५) तए णं से सद्दालपुत्ते आजीविओवासए समणस्स भगवओ महावीरस्स अंतिए धम्मं सोद्या निम्म हट्ठुट्ठु [चित्तमाणंदिए पीइमणे परमसोमणस्सिए हरिसवस विसम्पमाणहियए उट्ठाए उट्ठेइ उट्ठत्ता समणं भगवं महावीरं तिक्खुत्तो आवाहिण-मयाहिणं करेइ करेत्ता वंदइ नमंसइ वंदित्ता नमंसित्ता एवं वयासी सहहामि णं भंते निगगंयं पावयणं पत्तियामि णं भंते निगगंये पावयणं रोएमि णं भंते निगगंयं पायणं अब्बुट्ठेमि णं भंते निगगंयं पायवणं एवमेयं भंते तहमेयं भंते अवित्तहमेयं भंते असंदिद्धमेयं भंते इच्छियमेयं भंते पडिच्छिययं भंते इच्छिय-पडिच्छियमेयं भंते से जहेयं तुय्मं वदह जहा णं देवाणुप्पियामं अंतिए ब्रह्मे राईसर-तलवर-माडंबिय-कोडुंबिय-इत्थ-सेट्ठि-सेणावइ-सत्थ-वाहम्पिइया मुंडा भवित्ता अगाराओ अणगारियं पव्वइया नो खलु अहं तथा संचाएमि मुंडे भवित्ता अगाराओ अणगारियं पव्वइत्तए अहं णं देवाणुप्पियाणं अंतिए पंचाणुब्बइयं सत्तसिक्खा-वइयं-दुवालसविहं सावगधम्मं पडिवज्जिस्सामि अहासुहं देवाणुप्पिया मा पडिवंधं करेहि तए णं से सद्दालपुत्ते समणस्स भगवओ महावीरस्स अंतिए पंचाणुब्बइयं सत्तसिक्खावइयं दुवालसविहं सागवधम्मं पडिवज्जइ पडिवज्जित्ता समणं भगवं महावीरं वंदइ नमंसइ वंदित्ता नमंसित्ता जेणेव पोलासपुरे नये जेणेव सए गिहे जेणेव अग्गिमित्ता भारिया तेणेव उवागच्छइ उवागच्छित्ता अग्गिमित्तं भारियं एवं वयासी-एवं खलु देवाणुप्पियए [मए समणस्स भगवओ महावीरस्स अंतिए धम्मे निसंते से वि य धम्मे मे इच्छिए पडिच्छिए अभिरुइए] तं गच्छाहि णं तुमं समणं भगवं महावीरं जाव पञ्चुवासाहि समणस्स भगवओ महावीरस्स अंतिए पंचाणुब्बइयं सत्तसिक्खावइयं-दुवालसविहं गिहिधम्मं पडिवज्जहि तए णं सा अग्गिमित्ता भारिया सद्दालपुत्तस्स समणोवासगस्स तए ति

एयमइं विणएणं पडिसुणेइ तए णं से सद्दालपुत्ते समणोवासए कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया लहुकरणजुत्त-जोइयं समखुरवाल्लिहाण-सभल्लिहियसिं-एहिं जंबूणयामयकलावजुत्त-पडिविसिअट्टएहिं रययमयघटसुत्तरजुगवरकंचणखच्चिय-नत्थपग-होणहियएहिं नीलुप्पलकयामेलएहिं पवरगोणजुवाणएहिं नाणामणिकणग-धंटियाजालपरिगयं सुजायजुगजुत्त उज्जग-पसत्थयुविरइय- निम्मियं पवरलक्खणोववेयं जुत्तामेव धम्मियं जाणप्पवरं उवट्ठवेह उवट्ठेत्ता मभ एयमाणत्तियं पच्चप्पिणह

तए णं ते कोडुंबियपुरिसा [सद्दालपुत्तेणं समणोवासएणं एवं वुत्ता समाणा हट्ठतुड-चित्त-माणंदिय जाव पडिसुणेति पडिसुणेत्ता खिप्पामेव लहुकरणजुत्त-जोइयं जाव धम्मियं जाणप्पवरं उवट्ठवेत्ता तमाणत्तियं] पच्चप्पिणंति तए णं सा अग्गिमित्ता भारिया ण्हावा [कयबलिकम्मा कय-कोउय-मंगल-पावच्छित्ता] सुद्धप्पावेसाइं [मंगल्लाइं यत्थाइं पयर परिहिया] अप्पमहग्गधाभरणालंकि-यसरिीरा घेडियाचक्कवालपरिकिण्णा धम्मियं जाणप्पवरं दुरुहइ दुरुहिता पोलासपुरं नयरं मज्झं-मज्जेणं निगच्छइ निगच्छित्ता जेणेव सहस्संबवणे उज्जाणे तेणेव उवागच्छइ उवागच्छित्ता धम्पि-याओ जाणप्पवराओ पच्चोरुहइ पच्चोरुहिता चोडियाचक्कवालपरिकिण्णा जेणेव समणे भगवं महावीरे तेणेव उवागच्छइ उवागच्छित्ता तिक्खुत्तो [आयाहिणपयाहिणं करेइ करेत्ता] वंदइ नमंसइ वंदित्ता नमंसित्ता नच्चासण्णे नाइदूरे [सुस्सूसमाणा नमंसमाणा अभिमुहे विणएणं] पंजलियडा ठिइया चेव पडुवासइ तए णं समणे भगवं महावीरे अग्गमित्ताए तीसे य महइमहालियाए परिसाए जाव धम्मं परिकहेइ तए णं सा अग्गिमित्ता भारिया समणस्स भगवओ महावीरस्स अंतिए धम्मं सोच्चा निसम्मं हट्ठतुड जाव समणं भगवं महावीरं तिक्खुत्तो आयाहेण-पयाहिणं करेइ करेत्ता वंदइ नमंसइ वंदित्ता नमंसित्ता एवं वयासी-सद्दहामि णं भंते निगंथं पावयणं जाव जहेयं तुब्बे वदइ जहा णं देवाणुप्पियाणं अंतिए बहवे उग्गा भोगा [राइण्णा खत्तिया माहणा भडा जोहा पसत्थारो मल्लई लेच्छई अण्णे य बहवे राईसरतलवर-मांडविय-कोडुंबिय-इब्ब-सेट्ठि-सेणावइ-सत्थवाहप्पभिइया मुंडा भवित्ता अगाराओ अणगारियं पव्वइया नो खलु अहं तथा संचाएमि देवाणुप्पियाणं अंतिए मुंडा भवित्ता [अगाराओ अणगारियं पव्वइत्तए] अहं णं देवाणुप्पियाणं अंतिए पंचाणुव्वइयं सत्तसिक्खावइयं-दुवालसविहं गिहिधम्मं पडिवज्जिस्सामि अह्मासुहं देवाणुप्पिया मा पडिबंधं करेहि तए णं सा अग्गिमित्ता भारिया समणस्स भगवओ महावीरस्स अंतिए पंचाणुव्वइयं सत्तसिक्खाव-इयं-दुवालसविहं गिहिधम्मं पडियज्जइ पडिवज्जित्ता समणं भगवं महावीरं वंदइ नमंसइ वंदित्ता नमंसित्ता तमेव धम्मियं जाणप्पवरं दुरुहइ दुरुहिता जामेव दिसं पाउब्भूया तामेव दिसं पडिगया तए णं समणे भगवं महावीरे अण्णदा कदाइ पोलासपुराओ नगराओ सहस्संबवणाओ उज्जाणाओ पडिणिक्खमइ पडिणिक्खमित्ता बहिया जणदयविहारं विहरइ ॥४३॥-४३

(४६) तए णं से सद्दालपुत्ते समणोवासए जाए-अभिगयजीवाजीवे जाव [समणे निगंथे फासु-एसणिज्जेणं असण-पाण-खाइम-साइमेणं वत्थ-पडिगह-कंबलपायपुंछणेणं ओसह-भेसज्जेणं पडिहारिएण य पीढ-फल्लग-सैज्जा-संधारएणं पडिलाभेमाणे विहरइ तए णं सा अग्गिमित्ता भारिया समणोवासिया जाया-अभिगयजीवाजीवा जाव विहरइ] तए णं से गोसाले मंखलिपुत्ते इपीसे कहाए लट्ठट्ठे समाणे-एवं खलु सद्दालपुत्ते आजीवियसमयं वमित्ता समणाणं निगंथाणं दिट्ठिं पवण्णे तं गच्छामि णं सद्दालपुत्तं आजीविओवासयं समणाणं निगंथाणं दिट्ठिं वामेत्ता

पुनरपि आजिवियदिद्धि गेण्हावित्तए त्ति कइ-एवं संपेहेइ संपेहेत्ता आजीवियसंधपरिवुडे जेणेव पोलासपुरे नयरे जेणेव आजिवियसभा तेणेव उडवागच्छइ उवागच्छिता मंडगनिकखेवं करेइ करेत्ता कतिवएहिं आजिविएहिं सद्धि जेणेव सद्दालपुत्ते समणोवासए तेणेव उवागच्छइ तए णं से सद्दालपुत्ते समणोवासए गोसालं मंखलिपुत्तं एज्जमाणं पासइ पासित्ता नो आढाति नो परिजाणति अणाढामाणे अपरिजाणमाणे तुसिणीए संचिद्धइ तए णं से गोसाले मंखलिपुत्ते सद्दालपुत्तेणं समणो-वासएणं अणाढिज्जमाणे अपरिजाणिज्जमाणे पीढ-फलग-सेज्जा-संथारट्ठयाए समणस्स भगवओ महावीरस्स गुणकित्तणं करेइ-आगए णं देवाणुप्पिया इहं महामाहणे तए णं से सद्दालपुत्ते समणोवा-सए गोसालं मंखलिपुत्तं एवं वयासी के णं देवाणुप्पिया महामाहणे तए णं से गोसाले मंखलिपुत्ते सद्दालपुत्तं समणोवासयं एवं वयासी-समणे भगवं महावीरे महामाहणे से केणट्ठेणं देवाणुप्पिया एवं बुद्धइ-समणे भगवं महावीरे महामाहणे एवं खलु सद्दालपुत्ता समणे भगवं महावीरे महामाहणे उप्पन्ननाणदंसणधरे [तीयप्पडुपण्णाणागयजाणए अरहा जिणे केवली सव्वणू सव्वदरिसी तेलो-क्क चक्किअ-महिय-पूइए सदेवमणुयासुरस्स लोगस्स अच्चणिजे पूयणिजे वंदणिजे नमंसणिजे सक्कारणिजे सम्माणणिजे कल्लणं मंगलं देवयं चेइयं पज्जुवासणिज्जो, तच्च-कम्मसंपया-सपउत्ते से तेणट्ठेणं देवाणुप्पिया [एवं बुद्धइ-समणे भगवं महावीरे] महामाहणे आगए णं देवाणुप्पिया इहं महागोवे के णं देवाणुप्पिया महागोवे समणे भगवं महावीरे महागोवे से केणट्ठेणं देवाणुप्पिया [एवं बुद्धइ-समणे भगवं महावीरे] महागोवे एवं खलु देवाणुप्पिया समणे भगवं महावीरे ससारडवीए बहवे जीवे नस्समाणे विणस्समाणे खज्जमाणे छिज्जमाणे भिज्जमाणे लुप्पमाणे विलुप्पमाणे धम्मएणं दंडेणं सारक्खमाणे संगोवेमाणे निव्वाणमहावाडं साहत्थि संपावेइ से तेणट्ठेणं सद्दालपुत्ता एवं बुद्धइ-समणे भगवं महावीरे महागोवे

आगए णं देवाणुप्पिया इहं महासत्थवाहे के णं देवाणुप्पिया महासत्थवाहे सद्दालपुत्ता समणे भगवं महावीरे महासत्थवाहे से केणट्ठेणं देवाणुप्पिया समणे भगवं महावीरे संसारडवीए बहवे जीवे नस्समाणे विणस्समाणे [खज्जमाणे छिज्जमाणे भिज्जमाणे लुप्पमाणे विलुप्पमाणे उप्पगगपडिवण्णे धम्मएणं पंधेणं सारक्खमाणे निव्वाणमहा पट्ठेणं साहत्थि संपावेइ से तेणट्ठेणं सद्दालपुत्ता एवं बुद्धइ-समणे भगवं महावीरे महासत्थवाहे आगए णं देवाणुप्पिया इहं महाधम्म-कही के णं देवाणुप्पिया महाधम्मकही समणे भगवं महावीरे महाधम्मकही से केणट्ठेणं देवाणुप्पिया एवं बुद्धइ-समणे भगवं महावीरे महाधम्मकही एवं खलु देवाणुप्पिया समणे भगवं महावीरे महइ-महालर्यसि संसारसि बहवे जीवे नस्समाणे जाव उप्पगगपडिवण्णे सप्पहविणप्पण्डे मिच्छत्तब-लाभिपूए अट्ठविहकम्मत्तमपडल-पडोच्छण्णे बहूहिं अट्ठेहि य जाव वागरणेहि य चाउरंताओ संसा-रकंताओ साहत्थि नित्यारेइ से तेणट्ठेणं देवाणुप्पिया एवं बुद्धइ-समणे भगवं महावीरे महाधम्मकही आगए णं देवाणुप्पिया इहं महानिज्जामए के णं देवाणुप्पिया महानिज्जामए समणे भगवं महावीरे महानिज्जामए से केणट्ठेणं देवाणुप्पिया एवं बुद्धइ-समणे भगवं महावीरे महानिज्जामए एवं खलु देवाणुप्पिया समणे भगवं महावीरे संसारमहासमुदे बहवे जीवे नस्समाणे विणस्समाणे जाव विलुप्पमाणे बुद्धमाणे निबुद्धमाणे उप्पियमाणे धम्ममईए नावाए निव्वाणतीराभिमुहे साहत्थि संपा-वेइ से तेणट्ठेणं देवाणुप्पिया एवं बुद्धइ-समणे भगवं महावीरे महानिज्जामए ते णं से सद्दालपुत्ते समणोवासए गोसालं मंखलिपुत्तं एवं वयासी-तुळ्हे णं देवाणुप्पिया इयच्छेया इयदच्छा इयपड्डा

इयनिउणा इयनयवादी इयउवएसलद्धा इयविण्णाणपत्ता पभू णं तुब्भे मम धम्मायरिएणं धम्मो-
वएसएणं समणेणं भगवया महावीरेणं सद्धि विवादं करेतए नो इण्हे समडे

से केणट्टेणं देवाणुप्पिया एवं वुच्चइ-नो खलु पभू तुब्भे मम धम्मायरिएणं धम्मोवएसएणं
समणेणं भगवया महावीरेणं सद्धि विवादं करेतए सद्दालपुत्ता से जहानामए कैइ पुरिसे तरुणे
जुगवं बलवं [अप्पायंके धिरागहत्थे पडिपुत्रपाणिपाए पिट्ठंतरोरुसंघायपरिणए घणनिचियवट्ठव-
लियखंधे लंघण-वगण-जघण-वायाम-समत्थे चम्मेट्ठ-दुघण-मुट्ठिय-समाहय-निचियगते उरस्सव-
लसमन्नागए तालजभलजुयलवाहू छेए दक्खे पत्तट्ठे] निउणसिप्पोवगए एणं महं अयं वा एलयं वा
सूरयं वा कुकुडं वा तित्तरं वा बइयं वा लायवं वा कदोयं वा कविंजलं वा वाचसं वा सेणयं वा
हत्यंसि वा पायंसि वा खुरंसि वा पुच्छंसि वा पिच्छंसि वा सिंगंसि वा विसाणंसि वा रोमंसि वा जहिं-
जहिं गिण्हइ तहिं-तहिं निखलं निष्फंदं करेइ एवामेव समणे भगवं महावीरे ममं बहूहिं अट्ठेहि य
हेऊहिं य [पसिणेहि य कारणेहि य] वागरणेहि य जहिं-जहिं गिण्हइ तहिं-तहिं निष्पट्ठ-पसिण-
वागरणं करेइ से तेणट्टेणं सद्दालपुत्ता एवं वुच्चइ-नो खलु पभू अहं तव धम्मायरिएणं [धम्मोवएसएणं
समणेणं भगवया] महावीरेणं सद्धि विवादं करेतए तए णं से सद्दालपुत्ते समणोवासए गोसालं
मंखलिपुत्तं एवं वयासी-जम्हा णं देवाणुप्पिया तुब्भे मम धम्मायरिस्स [धम्मोवएसगस्स समणस्स
भगवओ] महावीरस्स संतेहिं तच्चेहिं सब्भूएहिं भावेहिं गुणकित्तणं करेह तम्हा णं अहं तुब्भे
पाडिहारिएणं पीढ-फलग-सेज्जा-संधारएणं उवनिमंतेति नो चेव णं धम्मो ति वा तदो ति वा तं गच्छह
णं तुब्भे मम कुंभारवणेसु पाडिहारियं पीढ-फलग-[सेज्जा-संधारयं] ओगिण्हिता णं विहरइ तए णं से
गोसाले मंखलिपुत्ते सद्दालपुत्तस्स समणोवासयस्स एयमट्ठं पडिसुणेइ पडिसुणेत्ता कुंभारवणेसु
पाडिहारियं पीढ-जाव ओगिण्हिता णं विहरइ तए णं से गोसाले मंखलिपुत्ते सद्दाल-पुत्तं समणोवासयं
जाहे नो संचाएइ बहूहिं आघवणाहिं य पन्नवणाहिं य सण्णवणाहिं य विण्णवणाहिं य निग्गंधाओ
पावयणाओ चालितए वा खोभितए वा विपरिणामेतए वा ताहे संते तंते परितंते पोलासपुराओ नयरा
पडिणिक्खमइ पडिणिक्खमिता बहिया जणवयविहारं विहरइ। ४४। ४४

(४७) तए णं तस्स सद्दालपुत्तस्स समणोवासयस्स बहूहिं सील-[व्यव-गुण-वेरमण-
पच्चक्खमाण-पोसहोवचासेहिं अप्पाणं भावेमाणस्स चोदस संवच्छरा वीइकूकंता पन्नरसमस्स संव-
च्छरस्स अंतरा बट्ठमाणस्स अन्नदा कदाइ पुब्बरत्तावरत्तकाल [समयंसि धम्मजागरियं जागर-
माणस्स इमेयारूवे अज्झत्थिए चित्तिए पत्थिए मणोगए संकप्पे समुप्पज्झित्था-एवं खलु अहं पोलास-
पुरे नयरे बहूणं जाव आपुच्छणिजे पडिपुच्छणिजे सयस्स वि य णं कुडुंवस्स मेढी जाव सब्बकज्ज-
वड्ढावए तं एतेणं वक्खेवेणं अहं नो संचाएमि समणस्स भगवओ महावीरस्स अंतियं धम्मपत्रत्ति
उवसंपज्झिता णं विहरितए तए णं से सद्दालपुत्ते समणोवासए जेट्ठपुत्तं मित्त-नाइ-नियग-सयण-
संवंधि-परिजणं च आच्छइ आपुच्छिता सयाओ गिहाओ पडिणिक्खमइ पडिणिक्खमिता पोलास-
पुरं नयरं मज्झमज्झेणं निगच्छइ निगच्छित्ता जेणेव पोसहसाला तेणेव उवागच्छइ उवागच्छित्ता
पोसहसालं पमज्जइ पमज्झिता उच्चार-पासवण-भूमि पडेलेहइ पडिलेहेत्ता दब्भसंधारवं संथरेइ संथ-
रेत्ता दब्भसंधारवं दुरुहइ दुरुहिता पोसहसालए पोसहिंए बंधयारी उम्मुक्कमणिसुवण्णे ववगय-
मालावण्णगविलेवणे निक्खित्तसत्थमुसले एगे अबीए दब्भसंधारोवगए] समणस्स भगवओ महा-
वीरस्स अंतियं धम्मपत्रत्ति उवसंपज्झिता णं विहरइ तए णं तस्स सद्दालपुत्तस्स समणोवासयस्स

पुष्करतावरत्तकाले एमे देवे अंतियं पाउव्ववित्था तए णं से देवे एणं महं नीलुप्पल- [गवलगुलिय-
अवसिक्कुसुमप्पगासं खुरधारं अंसि गहाय सद्दालपुत्तं समणोवासयं एवं वयासी-हंभो सद्दालपुत्ता
समणोवासयचा अप्पथिपयत्थिवा दुरंत-पंत-लक्खणा हीणपुत्रचाउद्दसिया सिरि-हिरि-थिइ-कित्ति-
परिवज्जिया धम्मकामया पुत्रकामया सगकामया मोक्खकामया धम्मकंखिया पुत्रकंखिया सग-
कंखिया मोक्खकंखिया धम्मपिवासिया पुत्रमपिवासिया सगपिवासिया मोक्खपिवासिया नो खलु
कप्पइ तव देवानुप्पिया सीलाइं वयाइं वेरमणाइं पच्चक्खाणाइं पोसहोववासाइं चालित्तए वा
खोभित्तए वा खंडित्तए वा मंजित्तए वा उज्जित्तए वा परिच्छित्तए वा तं जइ णं तुमं अज्ज सीलाइं
वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो ते अहं अज्ज जेट्टपुत्तं साओ
गिहाओ नीणेमि नीणेत्ता तव अग्गओ धाएमि धाएत्ता नव मंससोल्ले करेमि करेत्ता आदाणभरियंसि
कडाहयंसि अद्दहेमि अद्दहेत्ता तव गायं मंसेण य सोणिण्ण य आइंचामि जहा णं तुमं अट्ट-दुहट्ट-
वसट्टे अकाले चेव जीवियाओ ववरोविज्जसि तए णं से सद्दालपुत्ते समणोवासए तेणं देवेणं एवं वुत्ते
समामे अभीए अतत्थे अनुव्विण्णे अब्बुभिए अवल्लिए असंभंते तुसिणीए धम्मज्झाणोवगए विहरइ
तए णं से देवे सद्दालपुत्ते समणोवासयं अभीयं अत्थं जाव विहरमाणं पासइ पासित्ता दोच्चं पि तच्चं
पि सद्दालपुत्तं समणोवासयं एवं वयासी-हंभो सद्दालपुत्ता समणोवासया जाव जइ णं तुमं अज्ज
सीलाइं वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो ते अहं अज्ज जेट्टपुत्तं
साओ गिहाओ नीणेमि नीणेत्ता तव अग्गओ धाएमि जाव जीवियाओ ववरोविज्जसि तए णं से
सद्दालपुत्ते समणोवासए तेणं देवेणं दोच्चं पि तच्चं पि तच्चं पि एवं वुत्ते समणे अभीए जाव विहरइ
तए णं से देवे सद्दालपुत्तं समणोवासयं अभीयं जाव पासइ पासित्ता आसुरते रुट्ठे कुविए चंडिकि-
कए मिसिमिसीयमाणे सद्दालपुत्तस्स समणोवासयस्स जेट्टपुत्तं गिहाओ नीणेइ नीणेत्ता अग्गओ
धाएइ धाएत्ता नव मंससोल्ले करेइ करेत्ता आदाणभरियंसि कडाहयंसि अद्दहेइ अद्दहेत्ता सद्दाल-
पुत्तस्स समणोवासयस्स गाय मंसेण य सोणिण्ण य आइंचइ

तए णं से सद्दालपुत्ते समणोवासए तं उज्जं विउल्लं कक्कसं पगाढं चंडं दुक्खं दुरहियासं
वेयणं सम्पं सहइ खमइ तित्तिक्खइ अहियासेइ तए णं से देवे सद्दालपुत्तं समणोवासयं अभीयं जाव
पासइ पासित्ता सद्दालपुत्तं समणोवासयं जएवं वयासी-हंभो सद्दालपुत्ता समणोवासया जाव जइ णं
तुमं अज्ज सीलाइं वयाइं वेरमणाइं पच्चक्खाणाइं पोसहोववासाइं न छडेसि न भंजेसि तो ते अहं
अज्ज मज्झिमं पुत्तं साओ गिहाओ नीणेमि नीणेत्ता तव अग्गओ धाएमि धाएत्ता नव मंससोल्ले
करेमि करेत्ता आदाणभरियंसि कडाहयंसि अद्दहेमि अद्दहेत्ता तव गायं मंसेण य सोणिण्ण य आइ-
चामि जहा णं तुमं अट्ट-दुहट्ट-वसट्टे अकाले चेव जीवियाओ ववरोविज्जसि तए णं से सद्दालपुत्ते
समणोवासए तेणं देवेणं एवं वुत्ते समणे अभीए जाव विहरइ तए णं से देवे सद्दालपुत्तं
समणोवासयं अभीयं जाव पासइ पासित्ता दोच्चं पि तच्चं पि सद्दालपुत्तं समणोवासयं एवं वयासी-
हंभो सद्दालपुत्ता समणोवासया जाव जइ णं तुमं अज्ज सीलाइं जाव पोसहोववासाइं न छडेसि न
भंजेसि तो ते अहं अज्ज मज्झिमं पुत्तं साओ गिहाओ नीणेमि नीणेत्ता तव अग्गओ धाएमि जाव
जीवियाओ ववरोविज्जसि तए णं से सद्दालपुत्ते समणोवासए तेणं देवेणं दोच्चं पि तच्चं पि एवं वुत्ते
समणे अभीए जाव विहरइ तए णं से देवे सद्दालपुत्तं समणोवासयं अभीयं जाव पासइ पासित्ता
आसुरते रुट्ठे कुविए चंडिकिकए मिसिमिसीयमाणे सद्दालपुत्तस्स समणोवासयस्स मज्झिमं पुत्तं

गिहाओ नीणेइ नीणेत्ता अग्गओ धाएइ धाएत्ता नव मंससोळे करेइ करेत्ता आदाणभरियंसि कडाहयंसि अद्देइ अद्देत्ता सद्दालपुत्तस्स समणोवासयस्स गायंमंसेण य सोणिण्ण य आईचइ तए णं से सद्दालपुत्ते समणोवासए तं उज्जलं जाव वेयणं सम्मं सहइ खमाइ तितिकखइ अहियासेइ तए णं देवे सद्दालपुत्तं समणोवासयं अभीयं जाव पासइ पासित्ता सद्दालपुत्तं समणोवासयं एवं वयासी-हंभो सद्दालपुत्ता समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोस-होववासाइं न छडेसि न भंजेसि तो ते अहं अज्ज कणीयसं पुत्तं साओ गिहाओ नीणेमि नीणेत्ता तव अग्गओ धाएमि धाएत्ता नव मंससोळे करेमि करेत्ता आदामभरियंसि कडाहयंसि अद्देमि अद्देत्ता तव गायंमंसेण य सोणिण्ण य आईवामि जहा णं तुमं अट्ठ-दुहट्ठ-वसट्ठे अकाले वेव जीवियाओ ववरोवज्जिसि तए णं से सद्दालपुत्ते समणोवासए तेणं देवेणं एवं वुत्ते समाणे अभीए जाव विहरइ तए णं से देवे सद्दालपुत्तं समणोवासयं अभीयं जाव पासइ पासित्ता दोछं पि तच्चं पि सद्दालपुत्तं समणोवासयं एवं वयासी-हंभो सद्दालपुत्ता समणोवासया जाव जइ णं तुमं अज्ज सीलाइं जाव पोसहोववासाइं न छडेसि न भंजेसि तो ते अहं अज्ज कणीयसं पुत्तं साओ गिहाओ नीणेमि नीणेत्ता तव अग्गओ धाएमि जाव जीवियाओ ववरोवज्जिसि तए णं से सद्दालपुत्ते समणोवासए तेणं देवेणं दोछं पि तच्चं पि एवं वुत्ते समाणे अभीए जाव विहरइ तए णं से देवे सद्दालपुत्तं समणोवासयं अभीयं जाव पासइ पासित्ता आपुरत्ते रुडे कुदिए चंडिक्रिए मिसिमिसीयमाणे सद्दालपुत्तस्स समणोवासयस्स कणीयसं पुत्तं गिहाओ नीणेइ नीणेत्ता अग्गओ धाएइ धाएत्ता नव मंससोळे करेइ करेत्ता आदाणभरियंसि कडाहयंसि अद्देइ अद्देत्ता सद्दालपुत्तस्स समणोवासयस्स गायंमंसेण य सो-णिण्ण य आईचइ तए णं से सद्दालपुत्ते समणोवासए तं उज्जलं जाव वेयणं सम्मं सहइ खमइ तितिकखइ अहियासेइ

तए णं से देवे सद्दालपुत्तं समणोवासयं अभीयं जाव पासइ पासित्ता चउत्थं पि सद्दालपुत्तं समणोवासयं एवं वयासी-हंभो सद्दालपुत्ता समणोवासया जाव भंजेसि तो ते अहं अज्ज जा इमा अग्गिमित्ता भारिया धम्मसहायइ धम्मविइज्जिया धम्माणुरागरत्ता समसुहदुक्खसहायइया तं साओ गिहाओ नीणेमि नीणेत्ता तव अग्गओ धाएमि धाएत्ता नव मंससोळे करेमि करेत्ता आदाणभरियंसि कडाहयंसि अद्देमि अद्देत्ता तव गायंमंसेण य सोणिण्ण य आईवामि जहा णं तुमं अट्ठ-दुहट्ठ-वसट्ठे अकाले वेव जीवियाओ ववरोवज्जिसि तए णं से सद्दालपुत्ते समणोवासए तेणं देवेणं एवं वुत्ते समाणे अभीए जाव विहरइ तए णं से देवे सद्दालपुत्तं समणोवासयं अभीयं जाव पासइ पासित्ता दोछं पि तच्चं पि सद्दालपुत्तं समणोवासयं एवं वयासी-हंभो सद्दालपुत्ता समणोवासया जाव न भंजेसि तो ते अहं अज्ज जा इमा अग्गिमित्ता भारिया धम्मसहायइया जाव तव अग्गओ धाएमि तए णं तस्स सद्दालपुत्तस्स समणोवासयस्स तेणं देवेणं दोछं पि तच्चं पि एवं वुत्तस्स समाणस्स अयं अज्झत्थिए चित्तिए पत्थिए मणोगए संकप्पे समुप्पज्जित्था-अहो णं इमे पुरिसे अणारिए अणारिय-बुद्धी अणारियाइं पावाइं कम्माइं समाचरन्ति जे णं ममं जेइं पुत्तं जे णं ममं मज्झिमं पुत्तं जेणं ममं कणीयसं पुत्तं साओ गिहाओ नीणेइ नीणेत्ता मम अग्गओ धाएइ धाएत्ता नव मंससोळे करेइ करेत्ता आदाणभरियंसि कडाहयंसि अद्देइ अद्देत्ता ममं गायंमंसेण य सोमिण्ण य आईचइ जा वि य णं ममं इमा अग्गिमित्ता भारिया धम्मसहायइया [धम्मविइज्जिया धम्माणुरागरत्ता] समसुहदुक्खसहायइया तं पि य इच्छइ साओ गिहाओ नीणेत्ता ममं अग्गओ धाएत्तए तं सेयं खलु ममं एवं

पुरिसं गिण्हित्तए त्ति कट्ठ उद्धाविए [से वि य आगासे उप्पइए तेणं च खंभे आसाइए महया-महया सहेणं कोलाहले कए

तए णं सा अग्गिमित्ता भारिया तं कोलाहलसइं सोच्चा निसम्म जेणेव सद्दालपुत्ते समणोवा-
सए तेणेव उवागच्छइ उवागच्छित्ता सद्दालपुत्तं समणोवासयं एवं वयासी-किण्णं देवाणुप्पिया तुब्भे
णं महया-महया सहेणं कोलाहले कए तए णं से सद्दालपुत्ते समणोवासए अग्गिमित्तं भारियं एवं
वयासी-एवं खलु देवाणुप्पिए न याणामि के वि पुरिसे आसुरते रुद्धे कुविए चंडिकिए मिसिमि-
सीयमाणे एणं महे नीलुप्पल-गवलगुलिय-अयसिकुलुमप्पगां खुरधारं अस्सिं गहाप ममं एवं वयासी-
हंभो सद्दालपुत्ता समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोस-
होवयासाइं न छहेसि न भंजेसि तो ते अहं अज्ज जेडुपुत्त साओ गिहाओ नीणेमि नीणेत्ता तव
अग्गओ धाएमि धाएत्ता नव मंससोले करेमि करेत्ता आदाणभरियंसि कडाहयंसि अदहेमि अद-
हेत्ता तव गायं मंसेण य सोणिएण य आईचामि जहा णं तुमं अट्ठ-दुहट्ठ-वसट्ठे अकाले चेव जीविय-
ओ ववरोविज्जसि तए णं अहं तेणं पुरिसेणं एवं वुत्ते समाणे अभीए जाव विहरामि तए णं से पुरिसे
ममं अभीयं जाव पासइ पासित्ता ममं दोच्चं पि तच्चं पि एवं वयासी-दोच्चं पि तच्चं पि एवं वुत्ते समाणे
अभीए जाव विहरामि तए णं से पुरिसे ममं अभीयं जाव पासइ पासित्ता आसुरते रुद्धे कुविए
चंडिकिए मिसिमिसीयमाणे ममं जेडुपुत्तं गिहाओ नीणेइ नीणेत्ता मम अग्गओ धाएइ धाएत्ता
नव मंससोले करेइ करेत्ता आदाणभरियंसि कडाहयंसि अदहेइ अदहेत्ता ममं गायं मंसेम य सोणि-
एण य आईचइ तए णं अहं तं उज्जलं जाव वेयणं सम्मं सहामि खमामि तित्तिक्खामि अहियासेमि
एवं मज्झिमं पुत्तं जाव वेयणं सम्मं सहामि खमामि तित्तिक्खामि अहियासेमि एवं कणीयसंपुत्तं
जाव वेयणं सम्मं सहामि खमामि तित्तिक्खामि अहियासेमि तए णं से पुरिसे ममं अभीयं जाव पासइ
पासित्ता ममं वउत्थं पि एवं वयासी-हंभो सद्दालपुत्ता समणोवासया जाव जइ णं तुमं अज्ज सीलाइं
वयाइं वेरमणाइं पच्चक्खाणाइं पोसहोवयासाइं न छहेसि न भंजेसि तो ते अहं अज्ज जा इमा
अग्गिमित्ता भारिया धम्मसहाइया धम्मविइज्जिया धम्माणुरागरत्ता समसुहदुक्खसहायइया तं साओ
गिहाओ नीणेमि नीणेत्ता तव अग्गओ धाएमि धाएत्ता नव मंससोले करेमि करेत्ता आदाणभरियंसि
कडाहयंसि अदहेमि अदहेत्ता तव गायं मंसेण य सोणिएण य आईचामि जहा णं तुमं अट्ठ-दुहट्ठ-वसट्ठे
अकाले चेव जीवियाओ ववरोविज्जसि तए णं अहं तेणं पुरिसेणं एवं वुत्ते समाणे अभीए जाव
विहरामि तए णं से पुरिसे ममं अभीयं जाव दोच्चं पि तच्चं पि ममं एवं वयासी-हंभो सद्दालपुत्ता
समणोवासया जाव जइ णं तुमं अज्ज सीलाइं वयाइं वेरमणाइं पच्चक्खाणाइं पोसहोवयासाइं न
छहेसि न भंजेसि तो जाव तुमं अट्ठ-दुहट्ठ-वसट्ठे अकाले चेव जीवियाओ ववरोविज्जसि तए णं तेणं
पुरिसेणं दोच्चं पि तच्चं पि ममं एवं वुत्तस्स समाणस्स इमेयारुवे अज्जइयिए वित्तिए पत्थिए मणोगए
संकप्पे समुप्पज्जित्था-अहो णं इमे पुरिसे अणारिए अणारियवुद्धी अणारियाइं पावाइं कम्माइं
समाचरति जे णं ममं जेडुपुत्तं जे णं ममं मज्झिमयं पुत्तं जे णं ममं कणीयसं पुत्तं साओ गिहाओ नी-
णेइ नीणेत्ता मम अग्गओ धाएइ धाएत्ता तुमं पिय णं इच्छइ साओ गिहाओ नीणेत्ता मम अग्गओ
धाएत्तए तं सेयं खलु ममं एयं पुरिसं गिण्हित्तए त्ति कट्ठ उद्धाविए से वि य आगासे उप्पइए मए वि
य खंभे आसाइए महया-महया सहेणं कोलाहले कए

तए णं सा अग्गिमित्ता भारिया सद्दालपुत्तं समणोवासयं एवं वयासी-नो खलु केइ पुरिसे

तव जेष्ठपुत्तं साओ गिहाओ नीणेइ नीणेता तव अगगओ धाएइ नो खलु केइ पुरिसे तव पञ्जिमं पुत्तं साओ गिहाओ नीणेइ नीणेता तव अगगओ धाएइ नो खलु केइ पुरिसे तव कणीयसं पुत्तं साओ गिहाओ नीणेइ नीणेता तव अगगओ धाएइ एस णं केइ पुरिसे तव उवसणं कोइ एस णं तुमं विदरिसणे दिट्ठे तं णं तुमं इयाणिं भगवए भगनियमे भगगोसहे विहरसि तं णं तुमं पिया एवस्स ठाणस्स आलोएहि पडिक्कमाहि निंदाहि गरिहाहि विउट्ठाहि विसोहेहि अकरणयाए अब्बुट्ठाहि अहारिहं पायच्छित्तं तवोकम्पं पडिवज्जाहि तए णं से सद्दालपुत्ते समणोवासए अग्गिमित्ताए भारियाए तए त्ति एयमट्ठं विणएणं पडिसुणेइ पडिसुणेता तस्स ठाणस्स आलोएइ पडिक्कमइ निंदइ गरिहइ विउट्ठइ विसोहेइ अकरणाए अब्बुट्ठइ अहारिहं पायच्छित्तं तवोकम्पं पडिवज्जइ तए णं से सद्दालपुत्ते समणोवासए पढमं उवासगपडिमं उवसंपज्जिता णं विहरइ तए णं से सद्दालपुत्ते समणोवासए पढमं उवासगपडिमं अहामुत्तं अहाकणं अहामणं अहातच्चं सम्मं काएणं फासेइ पालेइ सोहेइ तीरेइ कित्तेइ आराहेइ तए णं से सद्दालपुत्ते समणोवासए दोच्चं उवासगपडिमं एवं तच्चं चउत्थं पंचमं छट्ठं सत्तामं अट्ठमं नवमं दसमं एककारसमं उवासगपडिमं अहारुत्तं अहाकणं जाव आराहेइ तए णं से सद्दालपुत्ते समणोवासए तेणं ओरालेणं विउलेणं पवत्तेणं पणहिणं तवोकम्पेणं सुक्के लुक्खे निम्मंसे अट्ठिक्कमावणद्धे किडिक्कियाभूए किसे घमणिसंतए जाए तए णं तस्स सद्दालपुत्तस्स समणोवासयस्स अण्णदा कदाइ पुब्बरत्तावरत्तकालसमयंसि धम्मजागरियं जागर-माणस्स अवं अज्झत्थि चित्तए पत्थिए मणोगए संकम्ये समुपज्जित्था-एवं खलु अहं इमेणं एयारूवेणं ओरालेणं जाव घमणिसंतए जाए तं अत्थि ता मे उट्ठाणे कम्मे बले वीरिए पुरिसक्कार-परक्कमे सद्धा-धिइ-संवगे तं जावता मे अत्थि उट्ठाणे कम्मे बले वीरिए पुरिसक्कार-परक्कमे सद्धा-धिइ-संवगे जाव य मे धम्मायारिए धम्मोवएसए समणे भगवं महावीरे जिणे सुहत्थी विहरइ तावता मे सेयं कल्लं पाउप्पभायाए रयणीए जाव उट्ठियेम्मि सूरु सहरस्सरसस्सिम्मि दिणवरे तेयसा जलंते अपच्छिममारणंतियसंलेहणा-झूसणा-झूसियस्स भत्तपाणपडियाइक्खियस्स कालं अणवकंख-माणस्स विहरित्तए-एवं संपेहेइ संपेहेता कल्लं पाउप्प-भायाए रयणीए जाव उट्ठियेम्मि सूरु सहरस्सरसस्सिम्मि दिणवरे तेयसा जलंते अपच्छिममारणंतिय-संलेहणा-झूसणा-झूसिए भत्तपाण-पडियाइ-क्खिए कालं अणवकंखमाणे विहरइ एक्कारस य उवासगपडिमाओ सम्मं काएणं फासित्ता मासि-याए संलेहणाए अत्ताणं झूसित्ता सट्ठि भत्ताइ अणसणाए छेदेत्ता आलोइय-पडिक्कंते समाहिपत्ते कालमासे कालं किट्ठा सोहम्मं कप्पे अरुण्णए विमाणे देवत्ताए उववण्णे चत्तारि पत्तिओवमाइं ठिई पत्रत्ता। महाविदेहे थासे सिज्जिहिइ बुज्जिहिइ मुच्चिहिइ सब्बदुक्कवाणमंतं काहिइ [एवं खलु जंबू समणेणं भगवया महावीरेणं उवासगदसाणं सत्तमस्स अज्झयणस्स अयमट्ठे पत्रत्ते] ४५-४६

● सत्तमं अज्झयणं सपत्तं ●

अट्ठमं अज्झयणं—महासतए

(४८) [जइ णं भंते समणेणं भगवया महावीरेणं जाव संपत्तेणं सत्तमस्स अंगस्स उवास-गदसाणं सत्तमस्स अज्झयणस्स अयमट्ठे पत्रत्ते अट्ठमस्स णं भंते अज्झयणस्स के अट्ठे पत्रत्ते] एवं खलु जंबू तेणं कालेणं तेणं समएणं रायगिहे नयरे गुणसितए चेइए सेणिए राया तत्थ णं रायगिहे नयरे महासतए नामं गाहावई परिवसइ-अट्ठे [जाव बहुजणस्स अपरिभूए तस्स णं महासतयस्स गाहावइस्स अट्ठ हिरण्णकोडीओ सकंसाओ निहाणपउत्ताओ अट्ठ हिरण्णकोडीओ सकंसाओ

वद्धिउत्ताओ अद्द हिरण्णकोडीओ सकंसाओ पवित्थरपउत्ताओ अद्द वया दसगोसाहस्सिएणं वएणं होत्था से णं महासत्तए गाहावई वहुणं जाव आपुच्छणिजे पडिपुच्छणिजे सयस्स वि य णं कुटुंबस्स मेढी जाव सव्वकज्जवड्ढावए यावि होत्था तस्स णं महासत्तयस्स गाहावइस्स रेवती-पामोक्खाओ तेरस भारियाओ होत्था-अहीण-पडिपुत्र-पंचिंदियसरीराओ जाव माणुस्सए काम-भोए पद्यणुभावमाणीओ विहरंति [कोतस्स णं महासत्तयस्स रेवतीए भारियाए खोलहरियाओ अद्द हिरण्णकोडीओ अद्द वया दसगोसाहस्सिएण वएणं होत्था अवसेसाणं दुवालसण्हं भारियाणं कोलहरिया एगमेगा हिरण्णकोडी एगमेगे य वए दसगोसाहस्सिएणं वएणं होत्था ।४६।-४६

(४९) तेणं कालेणं तेणं समएणं सामी समोसढे परिसा निग्गया [कूणिए राया जहा तहा सेणिओ निग्गच्छइ जाव पज्जुवासइ तए णं से महासत्तए गाहावई इमीसे कहाए लद्धे समणे-एवं खलु समणे भगवं महावीरे पुब्बाणुपुब्बि चरमाणे गामाणुगामं दूइजमाणे इहमागए इह संपत्ते इह समोसढे इहेव रायगिहस्स नयरस्स बहिया गुणसिलए चेइए अहापडिखवं ओग्गहं ओगिण्हिता संजमेणं तवसा अप्पाणं भावेमाणे विहाइ तं महप्फलं खलु भो देवाणुप्पिया तहारूवाणं अरहंताणं भगवंताणं नामगोयस्स वि सवणया किमंग पुण अभिगमण-वंदण-नमंसण-पडिपुच्छणपज्जुवा-सणयाए एगस्स वि आरियस्स धम्मियस्स सुवयणस्स सवणयाए किमंग पुण विउलस्स अद्दस्स गहणयाए तं गच्छामि णं देवाणुप्पिया समणं भगवं महावीरं वंदामि नमंसांमि सक्कारेमि सम्माणेमि कल्लाणं मंगलं देवयं चेइयं पज्जुवासामि-एवं संपेहेइ संपेहेत्ता प्हाए कयबलिकम्मे कय-कोउयमंगल-पायच्छित्ते सुद्धप्पावेसाइं मंगलाइं वत्थाइं पवर परिहिए अप्पमहग्धाभरणालंक्रिय-सरीरे सयाओ गिहाओ पडिणिक्खमइ पडिणिक्खमिता सकोरेटमल्लदामेणं छतेणं धरिजमाणेणं मणुस्सयगुरापरिक्खते पादविहारचारिणं रायगिहं नयरं मज्झमज्झेणं निग्गच्छइ निग्गच्छित्ता जेणामेव गुणसिलए चेइए जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता नच्चासण्णे नाइदूरे सुस्सूसमाणे नमंसमाणे अभिमुहे विणएणं पंजलिउडे पज्जुवासइ

तए णं समणे भगवं महावीरे महासत्तयस्स गाहावइयस्स तीसे य महइमहालियाए परिसाए जाव धम्मं परिकहेइ परिसा पडिगया राया य गए तए णं महासत्तए गाहावई समणस्स भगवओ महावीरस्स अंतिए धम्मं सोच्चा निसम्मं हट्ठुट्ठ-चित्तमाणंदिए पीइमणे परमसोमणस्सिए हरिसवस-विसप्पमाणहियए उट्ठाए उट्ठेइ उट्ठेत्ता समणं भगवं महावीरं तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता एवं वयासी-सद्दहामि णं भंते निग्गयं पावयणं पतियामि णं भंते निग्गयं पावयणं रोएमि णं भंते निग्गयं पावयणं अब्बमुट्ठेमि णं भंते निग्गयं पावयणं एवमेयं भंते तहमेयं भंते अवितहमेयं भंते असंदिद्धमेयं भंते इच्छियमेयं भंते पडिच्छियमेयं भंते इच्छिय-पडिच्छियमेयं भंते से जहेयं तुम्हे वदह जहा णं देवाणुप्पियाणं अंतिए बहवे राईसर-तलवर-मांडविय-कोडुंबिय-इब्ब-सेट्ठि सेणावइ-सत्थवाहप्पभिइया मुंडा भवित्ता अगाराओ अणगारियं पव्वइया नो खलु अहं तहा संचापमि मुंडे भवित्ता अगाराओ अणगारियं पव्वइत्तए अहं णं देवाणु-प्पियाणं अंतिए पंचाणुव्वइयं सत्तसिक्खावइयं-दुवालसविहं सावगधम्मं पडिवज्जिस्सामि अहासुहं देवाणुप्पिया मा पडिबंध्यं करेहि तए णं से महासत्तए गाहावई समणस्स भगवओ महावीरस्स अंतिए। साययधम्मं पडिवज्जइ नवर-अद्द हिरण्णकोडीओ सकंसाओ अद्द वया रेवतीपामोक्खाहिं

तेरसहिं भारियाहिं अवसेसं मेहुणविहिं पच्चक्खाइ इमं च णं एयारूवं अभिगहं अभिगेण्हति-
कल्लाकल्लिं च णं कप्पइ मे वेदोणियाए कंसपाईए हिरण्णमरियाए संववहरितए तए णं से महासतए
समणोवासए जाए अभिगय जीवाजीवे जाव विहरइ तएणं समणे भगवं महावीरे बहिया जणव-
यविहारविहरइ ।४७।-४७

(५०) तए णं तीसे रेवतीए गाहावइणीए अण्णदा कदाइ पुच्चरत्तावरत्तकालसमयंसि कुडुंब
जागरियं जागरमाणीए इमेयारूवे अज्झत्थिए चितिए पत्थिए मणोगए संकप्पे समुप्पज्झित्या-एवं
खलु अहं इमांसिं दुवालसण्हं सपत्तीणं विघातेणं नो संचाएमि महासतएणं समणोवासएणं सद्धिं
ओरालाई माणुस्सयाई भोगभोगाई भुंजमाणी विहरितए ते सेयं खलु ममं एयाओ दुवालस वि
सवतीओ अण्णिओगेण वा सत्थप्पओगेण वा विसप्पओगेणं वा जीवियाओ यवरोविता एतांसिं
एगमेगं हिरण्णकोडिं एगमेगं वयं सयमेव उवसंपज्झिताणं महासतएणं समणोवासएणं सद्धिं
ओरालाई [माणुस्सयाई भोगभोगाई भुंजमाणी] विहरितए-एवं संपेहेइ संपेहेता तांसिं दुवालसण्हं
सवत्तीणं अंतराणि य छिद्वाणि य विरहाणि य पडिजागरमाणी-पडिजागरमाणी विहरइ तए णं सा
रेवती गाहावइणी अण्णदा कदाइ तांसिं दुवालसण्हं सवत्तीणं अंतरं जाणिता छ सवत्तीओ
सत्थप्पओगेणं उह्वेइ छ सवत्तीओ विसप्पओगेणं उह्वेइ उह्वेता तांसिं दुवालसण्हं सवत्तीणं
कोलधरियं एगमेगं हिरण्णकोडिं एगमेगं वयं सयमेव पडिज्झिता महासतएणं समणोवासएणं
सद्धिं ओरालाई माणुस्सयाई भोगभोगाई भुंजमाणी विहरइ तए णं सा रेवती गाहावइणी
मंसलोलुया [मंसमुच्छिया मंसगदिया मंसगिद्धा मंस अज्झोववण्णा बहुविहेहिं मंसेहिं सोल्लेहिं य
तलिएहिं य मज्झिएहिं य सुरं च महं च मेरगं च मज्जं च सीधुं च पसण्णं च आसाएमाणी विसाएमा-
णी परिभाएमाणी परिभुंजेमाणी विहरइ ।४८।-४८

(५१) तए णं रायगिहे नयरे अण्णदा कदाइ अमाघाए घुठे यावि होत्था तए णं सा रेवती
गाहावइणी मंसलोलुया मंसमुच्छिया मंसगदिया मंसगिद्धा मंसअज्झोव- वण्णा कोलधरिए पुरिसे
सहावएइ सहावेता एवं वयासी-तुब्बे देवाणुप्पिया ममं कोलहरिएहिंतो वएहिंतो कल्लाकल्लिं दुवे-
दुवे गोणपोयए उह्वेह उह्वेता ममं उवणेह तए णं ते कोलधरिया पुरिसा रेवतीए गाहावइणीए तह
ति एयमट्ठं दिणएणं पडिसुणंति पडिसुणिता रेवतीए गाहावइणीए कोलहरिएहिंतो वएहिंतो
कल्लाकल्लिं दुवे-दुवे गोणपोयए वहेति वहेता रेवतीए गाहावइणीए उवणेति तए णं सा रेवती
गाहावइणी तेहिं गोणमंसेहिं सोल्लेहिं य तलिएहिं य भज्झिएहिं सुरं च महं च मेरगं च मज्जं च सीधुं च
पसण्णं च आसाएमाणी विसाएमाणी परिभाएमाणी परिभुंजेमाणी विहरइ ।४९।-४९

(५२) तए णं तस्स महासतगस्स समणोवासगस्स बहूहिं सील-[व्वय-गुण-वेरमण-पच्च-
क्खाण-पोतहोववासेहिं अण्णाणं] भावेमाणस्स चोइस संवच्छरा बीइक्कंता [पत्ररसमस्स संवच्छर-
स्स अंतरा वट्ठमाणस्स अण्णदा कदाइ पुच्चरत्तावरत्तकालसमयंसि धम्मजागरियं जागरमाणस्स
इमेयारूवे अज्झत्थिए चितिए पत्थिए मणोगए संकप्पे समुप्पज्झित्या-एवं खलु अहं रायगिहे नयरे
बहूणं जाव आपुच्छणिञ्जे पडिपुच्छणिञ्जे सयस्स वि य णं कुडुंबस्स मेढी जाव सब्बकज्जवइद्दावए तं
एतेणं वक्खेवेणं अहं नो संचाएमि समणस्स भगवओ महावीरस्स अंतियं धम्मपत्रतिं उवसंपज्झिता
णं विहरितए तए णं से महासतए समणोवासए जेडुपुत्तं पित्त-नाइ-नियग-सयण-संबंधि-परिजणं
च आपुच्छइ आपुच्छिता सयाओ गिहाओ पडिणिक्खमइ पडिणिक्खमिता रायगिहं नयरे

मज्झिम्पज्जेणं निग्गच्छइ निग्गच्छिता जेणेव पोसहसाला तेणेव उवागच्छइ उवागच्छिता पोसह-
सालं पमज्झइ पमज्झिता उच्चारपासवणभूमिं पडिलेहेइ पडिलेहेता दम्भसंथारयं संथरेइ संथरेत्ता
दम्भसंथारयं दुरुहइ दुरिहत्ता पोसहसालाए पोसहिए बंधयारी उम्मुक्कमणिसुदण्णे ववगयमाला-
वण्णगविलेवणे निक्खित्तसत्थमुसले एगे अबीए दम्भसंथारोयगए समणस्स भगवओ महावीरस्स
अंतियं धम्मपत्रतिं उवसंपज्झिता णं विहरइ तए णं सा रेवती गाहावइणी मत्ता-लुलिया विइण्ण-
केसी उत्तरिज्जचं विकड्ढमाणी-विड्ढमाणी जेणेव पोसहसाला जेणेव महासतए समणोवासए
तेणेव उवागच्छइ उवागच्छिता मोहुम्मायजणणाइ सिंगारियाइ इत्थिभावाइ उवदंसेमाणी-उवदंसे-
माणी महासतयं समणोवासयं एवं वयासी-हंभो महासतया समणोवासया धम्मकामया पुत्रकामया
सगकामया मोक्खकामया धम्मकंखिया पुत्रकंखिया सगकंखिया मोक्खकंखिया धम्मपिवासिया
पुत्रपिवासिया सगपिवासिया मोक्खपिवासिया किं णं तुब्भं देवाणुणिया धम्मेणं वा पुत्रेण वा
सगणेण वा मोक्खेण वा जं णं तुमं मए सद्धिं ओरालाई माणुस्सयाइ भोगभोगाई भुंजमाणे नो
विहरसि तए णं से महासतए समणोवासए रेवतीए गाहावइणीए एयट्ठं नो आढाइ नो परियाणाइ
अणाढायमाणे अपरियाणमाणे तुसिणीए धम्मज्झाणोवमए विहरइ तए णं सा रेवती गाहावइणी
महासतयं मसणोवासयं दोच्चं पि तच्चं पि एवं वयासी-हंभो [महासतया समणोवासया किं णं तुब्भं
देवाणुणिया धम्मेणं वा पुत्रेण वा सगणेण वा मोक्खेण वा जं णं तुमं मए सद्धिं ओरालाई माणुस्सयाइ
भोगभोगाई भुंजमाणे नो विहरसि तए णं से महासतए समणोवासए रेवतीए गाहावइणीए दोच्चं पि
तच्चं पि एवं वुत्ते समाणे एयमट्ठं नो आढाइ नो परियाणाइ] अणाढायमाणे अपरियाणमाणे विहरइ
ते णं सा रेवती गाहावइणी महासतएणं समणोवासएण अणाढाइजमाणी अपरियाणिजमाणी
जामेव दिसं पाउम्भूया तामेव दिसं पडिगया ।५०।-५०

(५३) तए णं से महासतए समणोवासए पढमं उवासगपडिमं उवसंपज्झिता णं विहरइ [तए
णं से महासतए समणोवासए पढमं उवासगपडिमं अहासुत्तं अहाकप्पं अहामगं अहातच्चं सम्मं
काएणं फासेइ पालेइ सोहेइ तीरेइ कित्तेइ आराहेइ तए णं से महासतए समणोवासए दोच्चं
उवासगपडिमं एवं तच्चं चउत्तं पंचमं छट्ठं सत्तमं अट्ठमं नवमं दसमं एककारसमं उवासगपडिमं
अहासुत्तं अहाकप्पं अहामगं अहातच्चं सम्मं काणं फासेइ पालेइ सोहेइ तीरेइ कित्तेइ आराहेइ] ते णं
से महासतए समणोवासए तेणं ओरालेणं [विउलेणं पयतेणं पग्गहिएणं तवोकम्मेणं सुक्कं लुक्खे
निम्मंसे अड्डिच्चम्मावणद्धे किडिकिडियाभूए] किसे धमणिसंतए जाए तए णं तस्स महासतगस्स
समोवासयगस्स अण्णदा कदाइ पुव्वरत्तावरत्तकाले धम्मजागरियं जागरमाणस्स अयं अज्झत्थिए
चित्तिए पट्थिए मणोगए संकप्पे समुप्पज्झित्या एवं खलु अहं इमेणं ओरालेणं [विउलेणं जाव किसे
धमणिसंतए जाए तं अत्थि ता मे उट्ठाणे कम्मे बले वीरिए पुरिसक्कार -पक्कमे सद्धा-धिइ-
संदेगे तं जावता मे अत्थि उट्ठाणे कम्मे जाव य मे घम्मापरिए धम्मोवएसए समणे भगवं महावीरे
जिणे सुहत्थी विहरइ तावता मे सेयं कळं पाउप्पभायाए रयणीए जाव उट्ठियमि सूरै सहस्सरस्सिम्मि
दिणयरे तेयसा जलंतं अपच्छिममारणंतियसंलेहणा-झूसणा-झूसियस्स भत्तपाण-पडियाइक्खि-
यस्स कालं अणवकंखमाणस्स विहरितए-एवं संपेहेइ संपेहेता कळं पाउप्पभायाए रयणीए
उट्ठियमि सूरै सहस्सरस्सिम्मि दिणयरे तेयसा जलंतं] अपच्छिममारणंतियसंलेहणा-झूसणा झूसिए
भत्तपाण-पडियाइक्खिए कालं अणवकंखमामे विहरइ तए णं तस्स महासतगस्स समणोवासगस्स

[सुभेणं अज्झवसाणणे सुभेणं परिणामेणं लेसाहिं विसुज्झमार्णाहिं तदावरणिज्जाणं कम्माणं] खओ-
वसमेणं ओहिण्णाणे समुप्पण्णे पुरत्थिमे णं लवणसमुद्दे जोयणसाहस्सियं खेतं जाणइ पासइ
दक्खिणे णं लवणसमुद्दे जोयणसाहस्सियं खेतं जाणइ पासइ पक्खत्थिमे णं लवणसमुद्दे जोयण-
साहस्सियं खेतं जाणइ पासइ उत्तरे णं जाव चुद्धिमवतं दासहरपव्वयं जाणइ पासइ उद्धं जाव
सोहम्मं कप्पं जाणइ पासइ अहे इमीसे रयणप्पभाए पुढवीए लोलुयच्चुयं नरयं चउरासीइवास-
सहस्सद्धियं जाणइ पासइ ॥५१॥-५१

(५४) तए णं सा रेवती गाहावइणी अत्रदा कदाइ मत्ता [लुलिया विइण्णकेसी] उत्तरिज्जयं
विकइढ्माणी-विकइढ्माणी जेणेव पोसहसाला जेणेव महासतए समणोवासए तेणेव उवागच्छइ
उवागच्छिता महासतयं [समणोवासयं एवं वयासी-हंभो महासतया समणोवासया किं णं तुभं
देवाणुप्पिया धम्मेणं वा पुण्णेण वा सग्गेण वा मोक्खेण वा जं णं तुमं मए सद्धिं ओरालाई माणुस्स-
याई भोगभोगाई भुंजमाणे नो विहरसि तए णं से महासतए समणोवासए रेवतीए गाहावइणीए
एयमद्धं आढाइ नो परियाणाइ अणाढायमाणे अपरियाणामां तुसिणीए धम्मज्झाणोवगए विहरइ
तए णं सा रेवती गाहावइणी महासतयं समणोवासयं दोब्बं पि तच्चं पि एवं वयासी-हंभो महासतया
समणोवासया किं णं तुभं देवाणुप्पिया धम्मेण वा जाव नो विहरसि] तए णं से महासतए समणोवा-
सए रेवतीए गाहावइणीए दोब्बं पि तच्चं पि एवं वुत्ते समाणे आसुरते रुद्धे कुविए चंडिकिए
मिसिमिसीयमाणे ओहिं पउंजइ पउंजिता ओहिणा आभोएइ ओभाएत्ता रेवति गाहावइणि एवं
वयासी-हंभो रेवती अप्पत्थियपत्थिए दुरतं-पंत-लक्खणे हीणपुत्रवाउदसिए सिरि-धिरि-चिइ-
कित्ति-परिवज्जिए एवं खलु तुमं अंत सत्तरत्तस्स अलसएणं वाहिणा अभिभूया समाणी अट्ट-दुहट्ट-
वसट्टा असमाहिप्ता कालमासे कालं किच्चा अहे इमीसे रयणप्पभाए पुढवीए लोलुयच्चुए नरए
चउरासीतिवाससहस्सद्धियेसु नेरइएसु नेरइयत्ताए उववज्जिहिसि तए णं सा रेवती गाहावइणी
महासतएणं समणोवासएणं एवं वुत्ता समाणी-रुद्धे णं ममं महासतए समणोवासए हीणे णं ममं
महासत समणोवासए अवज्झाया णं अहं महासतएणं समणोवासएणं न नज्जइ णं अहं केणावि
कुमारेणं पारिजिस्सामि-त्ति कट्ठु भीया तत्था तसिया उव्विग्गा संजायभया सणियं-सणियं
पद्योसकूकइ पद्योसक्किता जेणेव सए गिहे तेणेव उवागच्छइ उवागच्छिता ओहयमणसंकप्पा
[चितासोगसामरसंपविद्धा करयलपल्लवमुहा अट्टज्झाणोवगया भूमिगयदिद्धिया] झिवाइ तए णं
सा रेवती गाहावइणी अंतो सत्तरत्तस्स अलसएणं वाहिणा अभिभूया अट्ट-दुहट्ट-वसट्टा कालमासे
कालं किच्चा इमीसे रयणप्पभाए पुढवीए लोलुयच्चुए नरए चउरासीतिवाससहस्सद्धियेसु नेरइ-
एसु नेरइयत्ताए उववत्ता ॥५२॥-५२

(५५) तेणं कालेणं तेणं समएणं समणे भगवं महावीरे समोसरिए जाव परिसा पडिगया
गोवपाइ समणे भगवं महावीरे भगवं गोयमं एवं वयासी-एवं खलु गोवमा इहेव रायगिहे नयरे ममं
अंतैवासी महासतए नामं समणोवासए पोसहसाला अपच्छिममारणंतियसंलेहणाए झुसियसरीरे
भत्तपाण-पडियाइक्खिए कालं अणवकंखमाणे विहरइ तए णं तस्स महासतगस्स समणोवागसस्स
रेवती गाहावइणी मत्ता [लुलिया विइण्णकेसी उत्तरिज्जयं] विकइढ्माणी-विकइढ्माणी जेणेव
पोसहसाला जेणेव महासतए समणोवासए तेणेव उवागच्छइ उवागच्छिता मोहुमाय [जणणाई
सिंगारियाई इत्थिभावाइ उवदंसेमाणी-उवदंसेमाणी महासतयं समणोवासयं एवं वयासी-हंभो

महासतया समणोवासया किं णं तुभं देवाणुप्पिया धम्मणे वा पुत्रेण वा सग्गेण वा मोक्खेण वा जं णं तुमं मए सद्धि ओरालाई माणुस्साई भोगभोगाई भुंजमाणे नो विहरसि तए णं से महासतए समणोवासए रेवतीए गाहावड्ढणीए एयमड्डं नो आढाई नो परियाणाई अणाढायमाणे अपरियाण-माणे तुस्सिणीए धम्मज्झाणोवगए विहरइ तए णं सा रेवती गाहावड्ढणी महासतयं समणोवासयं दोच्चं पि तच्चं पि एवं वयासी तए णं से महासतए समणोवासए रेवतीए गाहावड्ढणीए दोच्चं पि तच्चं पि एवं वुत्ते समाणे आसुरत्ते रुद्धे कुविए चंडिक्रिक एमिसिमिसीयमाभो ओहिं पउंजइ पउंजित्ता ओहिणा आभोएइ आभोएत्ता रेवत्तिं गाहावड्ढणिं एवं वयासी-रुंभो रेवती अप्पत्थियपत्थिए दुरंत-पंत-लक्खणे जाव नए चुरासीतिवास- सहस्सड्डिइएसु नेरइएसु नेरइयत्ताए। उववज्जिहसि नो खलु कप्पइ गोयमा समणोवासगस्स अपच्छिमं [मारणंति यसंलेहणा झूसणा-झूसियस्स भत्तपाण-पडियाइक्खियस्स परो संतेहिं तच्चेहिं तहिंएहिं सय्मूएहिं अणिट्ठेहिं अकंतेहिं अप्पिएहिं अमणुण्णेहिं अमणांमेहिं वागरणेहिं वागरितए तं गच्छ णं देवाणुप्पिया तुमं महासतयं समणोवासयं एवं वयाहि-नो खलु देवाणुप्पिया कप्पइ समणोवासगस्स अपच्छिमं [मारणंति य-संलेहणा-झूसणा-झूसियस्स] भत्तपाण-पडियाइक्खियस्स परो संतेहिं जाव वागरणेहिं वागरितए तुमे य णं देवाणुप्पिया रेवती गाहावड्ढणी संतेहिं तच्चेहिं तहिंएहिं सय्मूएहिं अणिट्ठेहिं अकंतेहिं अप्पिएहिं अमणुण्णेहिं अमणा-मेहिं वागरणेहिं वागरिया तं णं तुमं एयस्स ठाणस्स आलोएहिं [पडिक्कमहिं निंदाहिं गरिहाहिं विउट्ठाहिं विसोहेहिं अकरणयाए अब्भुट्ठाहिं] अहारिहं पायच्छित्तं तवोकम्मं पडिवज्जाहि

तए णं से भगवं गोयमे सममस्स भगवओ महावीरस्स तए ति एयमड्डं विणएणं पडिसुणेइ पडिसुणेत्ता तओ पडिणिकखमइ पडिणिकखमित्ता रायगिहं नयरं मज्झंमज्झेणं अनुप्पविसइ अनुप्पविसित्ता जेणेव महासतगस्स समणोवासगस्स गिहे जेणेव महासतए समणोवासए तेणेव उवागच्छइ तए णं से महासतए समणोवासए भगवं गोयमं एज्जमाणं पासइ पासित्ता हड्ड- [तुड्ड-चित्तमाणदिए पीडमाणे परमसोमणस्सिए हरिसवसविसप्पमाण] हियए भगवं गोयमं वंदइ नमंसइ तए णं से भगवं गोयमे महासतयं समणोवासयं एवं वयासी-एवं खलु देवाणुप्पिया समणे भगवं महावीरे एवं आइक्खइ भासइ पन्नवेइ परूवेइ-नो खलु कप्पइ देवाणुप्पिया समणोवासगस्स अप-च्छिमं [मारणंति यसंलेहणा-झूसणा-झूसियस्स भत्तपाण-पडियाइक्खियस्स परो संतेहिं जाव वागर-णेहिं] वागरितए तुमे णं देवाणुप्पिया रेवती गाहावड्ढणी सेतंहिं [तच्चेहिं जाव वागरणेहिं] वागरिया तं णं तुमं देवाणुप्पिया एयस्स ठाणस्स आलोएहिं [पडिक्कमहिं निंदाहिं गरिहाहिं विउट्ठाहिं विसोहेहिं अकरणयाए अब्भुट्ठाहिं अहारिहं पायच्छित्तं तवोकम्मं] पडिवज्जाहि तए णं से महासतए समणोवासए भगवओ गोयमस्स तह ति एयमड्डं विणएणं पडिसुणेइ पडिसुणेत्ता तस्स ठाणस्स आलोएइ जाव अहारिहं पायच्छित्तं तवोकम्मं पडिवज्जइ तए णं से भगवं गोयमे महासतगस्स समणोवासगस्स अंतियाओ पडिणिकखमइ पडिणिकखमित्ता रायगिहं नयरं मज्झंमज्झेणं निग्गच्छइ निग्गच्छित्ता जे-णेव समणे भगवं महावीरे तेणेव उवागच्छइ उवागच्छित्ता समणं भगवं महावीरे वंदइ नमंसइ वंदित्ता नमंसित्ता संजमेणं तयसा अप्पाणं भावेमाणे विहरइ तए णं समणे भगवं महावीरे अण्णदा कदाइ रायगिहाओ नयराओ पडिणिकखमइ पडिणिकखमित्ता बहिया जणवयविहारं विहरइ। ५३-53

(५३) तए णं से महासतए समणोवासए बहूहिं सील-व्वय- [गुण-वेरमण-पच्चक्खण-पोसहोववासेहिं अप्पाणं] भायेत्ता वीसं दासाई समणोवासगपरियायं पाउणित्ता एक्कारस य

उवासगपडिमाओ सम्म काएणं फासित्ता मासियाए संलेहणाए अप्पाणं झूसित्ता सट्ठि मत्ताइं अण-
साए छेदेत्ता आलोइय-पडिक्कंते समाहिपत्ते कालमासे कालं किच्चा सोहम्मे कम्मे अरुणवडेंसए
विमाणे देवत्ताए उववण्णो चत्तारि पत्तिओवमाइं ठिई पन्नत्ता महाविदेहे वासे सिज्झिहिइ बुज्झिहिइ
मुच्चिहिइ सव्वदुक्खणमंतं काहिइ एवं खलु जंबू समणेणं भगवया महावीरेणं उवासगदसाणं
अट्टमस्स अज्झयणस्स अयमट्ठे पन्नत्ते । ५४।५४

● अट्ठमं अज्झयणं सप्ततं ●

नवमं अज्झयणं—नंदिणीपिया

(५७) [जइ णं भंते समणेणं भगवया महावीरेणं जाव संपत्तेणं सत्तमस्स अंगस्स उवासग
दसाणं अट्टमस्स अज्झयणस्स अयमट्ठे पन्नत्ते नवमस्स णं भंते अज्झयणस्स के अट्ठे पन्नत्ते] एवं
खलु जंबू तेणं कालेणं तेणं समएमं सावत्थी नयरी कोट्टए चेइए जियसत्तू राया तत्थ णं सावत्थी
नयरीए नंदिणीपिया नामं गाहावई परिवसइ-अइडे [जाव बहुजणस्स अपरिभूए तस्स णं
नंदिणीपियस्स गाहावइस्स] चत्तारि हिरण्णकोडीओ निहाणपउत्ताओ चत्तारि हिरण्णकोडीओ
वडिढुत्ताओ चत्तारि हिरण्णकोडीओ पवित्तरपउत्ताओ चत्तारि वया दसगोसाहसिएणं वएणं
होत्था [से णं नंदिणीपिया गाहावई बहूणं जाव आपुच्छणिजे पडिपुच्छणिजे सयस्स वि य णं
कुडुंबस्स मेढी जाव सव्वकज्जवइत्तावए यावि होत्था तस्स णं नंदिणीपियस्स गाहावइस्स अस्सिणी
नामं भारिया होत्था-अहीण-पडिपुत्र-पंचिंदियसरीरा जाव माणुस्सए कामभोए पद्यणुभवमाणी
विहरइ तेणं कालेणं तेणं समएणं सामी समोसडे परिसा निग्गया कूणिए राया जहा तथा जियसत्तू
निग्गच्छइ जाव पजुवासाइ तए णं से नंदिणीपिया गाहावई इमीसे कहाए लद्धे समाने-एवं खलु
समणे भगवं महावीरे पुब्बाणुपुब्बि चरमाणे गामाणुगामं दूइज्जमाणे इहमागए इह संपत्ते इह समोस-
डे इहेव साव- स्थीए नयरीए बहिया कोट्टए चेइए अहापडिरूवं ओगहं ओगिणिहत्ता संजमेणं
तवसा अप्पाणं भावेमाणे विहरइ तं महप्फलं खलु भो देवाणुप्पिया तहारूवाणं अरहंताणं
भगवंताणं नामगोयस्स वि सवणयाए किमंग पुण अभिगमण-वंदण-नमंसण-पडिपुच्छण-
पजुवासणयाए एगस्स वि आरि- वस्स धम्मिवस्स सुवणणस्स सवणयाए किमंग पुण विउलस्स
अट्ठस्स गहणवाए तं गच्छामि णं देवाणुप्पिया समणं भगवं महावीरं वंदामि नमंसामि सक्कारेमि
सम्माणेमि कल्लाणं मंगलं देवयं चेइयं पजुवासामि-

एवं संपेहेइ संपेहेत्ता ण्हाए कयवलिकम्मे कय-कोउय-मंगल-पायच्छित्ते सुद्धप्पावेसाइं
मंगल्लाइं वत्थाइ पवर परिहिए अप्पमहग्धाभरणालंकिवसरीरे सयाओ गिहाओ पडिणि- क्खमइ
पडिणिक्खमिता सकोरेंटमल्लदामेणं छत्तेणं धरिज्जमाणेणं मणुस्सवग्गुत्तापरिखिते पादविहारचारेणं
सावत्थि नयरीं मज्झमज्जेणं निग्गच्छइ निग्गच्छित्ता जेणामेव कोट्टए चेइए जेणेव समणे भगवं
महावीरे तेणेव उवागच्छइ उवागच्छित्ता समणं भगवं महावीरं तिक्खुत्तो आयाहिण-पयाहिणं करेइ
करेत्ता वंदइ नमंसइ वंदित्ता नमंसित्ता नच्चासण्णे नाइदूरे सुस्ससमाणे नमंसमाणे अभिमुहे विणएणं
पंजलिउडे पजुवासाइ तए णं समणे भगवं महावीरे नंदिणीपियस्स गाहावइस्स तीसे य महइमहा-
लियाए परिसाए जाव धम्मं परिकहेइ परिसा पडिगया राया य गए तए णं से नंदिणीपिया गाहावई
समणस्स भगवओ महावीरस्स अंतिए धम्मं निसम्भ हट्ठुत्तु-चित्तमाणंदिए पीइमणे परमसोमण-
स्सिए हरिसवस-विसम्भमाणहियए उट्ठाए उट्ठेइ उट्ठेत्ता समणं भगवं महावीरं तिक्खुत्तो आयाहिण-

पयाहिणं करेइ करेता वंदइ नमंसइ वंदिता नमंसिता एवं वयासी-सद्वहामि णं भंते निगंथं पावयणं पत्तियामि णं भंते निगंथं पावयणं रोएमि णं भंते निगंथं पावयणं अञ्जमुट्ठेमि णं भंते निगंथं पावयणं एयमेयं भंते तहमेयं भंते अविहमेयं भंते असंदिद्धमेयं भंते इच्छियमेयं भंते पडिच्छियमेयं भंते इच्छिय-पडिच्छियमेयं भंते से जहेयं तुब्बे वदह जहा णं देवानुप्पियाणं अंतिए बहवे राईसर-तलवर-मांडबिय-कोडुबिय-इब्ब-सेड्ढि-सेणावइ-सत्थवाहणभइया मुंडा भविता अगाराओ अण-गारियं पव्वइया नो खलु अहं तथा संचाएमि पुंडे भविता अगाराओ अणगारियं पव्वइत्तए अहं णं देवानुप्पियाणं अंतिए पंचाणुव्वइयं सत्तसिक्खावइयं-दुवालसविहं सावगधम्मं पडिवज्जिस्सामि अहासुहं देवानुप्पिया मा पडिबंघं करेहि तए णं से नंदिणीपिया गाहावई समणस्स भगवओ महावीरस्स अंतिए सावयधम्मं पडिवज्जइ

तए णं समणे भगवं महावीरे अण्णदा कदाइ सावत्थीए नयरीए कोट्टयाओ वेइयाओ पडि-णिक्खमइ पडिणिक्खमिता बहिया जणवयविहारं विहरइ तए णं से नंदिणीपिया समणोवासए जाए-[अभिगयजीवाजीवे जाव समणे निगंथे फासु-एसणिज्जेणं असण-पाण-खाइम-साइमेणं वत्थ-पडिगह-कंबल-पायपुंछणेणं ओसह-भेसज्जेणं पाडिहारिएणं य पीढ-फलंग-सेज्जा-संधारएणं पडि-लाभेमाणे विहरइ तए णं सा अस्सिण्णी भारिया समणोवासिया जाया-अभिगयजीवाजीवा जाव] विहरइ तए णं तस्स नंदिणीपियस्स समणोवासगस्स बहूहिं सील-व्वय-गुण-[वेरमण-पच्चक्खाण-पोसहोववासेहिं अप्पाणं] भावेमाणस्स चोइस संवच्छराई वीइक्कंताई [पन्नरसमस्स संवच्छरस्स अंतरा वट्ठमाणस्स अण्णदा कदाइ पुव्वरत्तावरत्तकासमयंसि धम्मजागरियं जागरमाणस्स इमेया-रूवे अञ्जत्थिए चित्तिए पत्थिए मणोगए संकप्पे समुप्पज्जित्या-एवं खलु अहं सावत्थीए नयरीए बहूणं जाव आपुच्छणिज्जे पडिपुच्छणिज्जे सयस्स वि य णं कुडुंबस्स मेढी जाव सब्बकज्जवइढावए तं एतेणं वक्खेवेणं अहं नो संचाएमि समणस्स भगवओ महावीरस्स अंतियं धम्मपत्रत्तिं उवसंपज्जिता णं विहरित्तिए तए णं से नंदिणीपिया समणोवासए जेइपुत्तं मित्त-नाइ-नियग-सयण-संबंध-परि-जणं च आपुच्छइ आपुच्छिता सयाओ गिहाओ पडिणिक्खमइ पडिणिक्खमिता सावत्थिं नयरिं मज्झमज्जेणं निगच्छइ निगच्छिता जेणेव पोसहसाला तेणेव उवागच्छइ उवागच्छिता पोसह-सालं पमज्जइ पमज्जिता उच्चार-पासवणभूमिं पडिलेहेइ पडिलेहेता दब्बसंधारयं संथरेइ संथरेता दब्बसंधारयं दुरुहइ दुरुहिता पोसहसालाए पोसहिए बंधयारी उम्मुक्कमणिसुवण्णे वदगयमाला-वण्णगविलेवणे निक्खित्तस्थमुसले एगे अवीए दब्बसंधारोवगए समणस्स भगवओ महावीरस्स अंतियं धम्मपत्रत्तिं उवसंपज्जिता णं विहरइ

तए णं से नंदिणीपिया समणोवासए पढमं उवासग-पडिमं उवसंपज्जिता णं विहरइ तए णं से नंदिणीपिया समणोवासए पढमं उवासगपडिमं अहासुत्तं अहाकपं अहामगं अहातच्चं सम्मं काएणं फासेइ पालेइ सोहेइ तीरेइ कितेइ आराहेइ तए णं से नंदिणीपिया सपोवासए दोच्चं उवास-गपडिमं एवं तच्चं चउत्थं पंचमं छुट्ठं सत्तमं अट्ठमं नवमं दसमं एककारसमं उवासगपडिमं अहासुत्तं अहाकपं जाव आराहेइ तए णं से नंदिणीपिया समणोवासए तेणं ओरालेणं विउलेणं पयत्तेणं पगहिएणं तवोकम्भेणं सुक्के निम्मंसे अट्ठिचिम्मावण्णे किडिकिडियाभूए किसे धमणिस्तंए जाए तए णं तस्स नंदिणीपियस्स समणोवासगस्स अण्णदा कदाइ पुव्वरत्तावरत्तकालसमयंसि धम्म-जागरियं जागरमाणस्स अवं अञ्जत्थिए चित्तिए पत्थिए मणोगए संकप्पे समुप्पज्जित्या-एवं खलु

अहं इमेणं एयारूवेणं ओरालेणं जाव किसे धमणिस्तए जाए तं अत्थि ता मे उट्ठाणे कम्मे बले वी-
रिए पुरिसक्कार-परक्कमे सट्ठा-धिइ-संवेगे तं जावता मे अत्थि उट्ठाणे कम्मे जाव य मे धम्मा-
यरिए धम्मोवएसए समणे भगवं महावीरे जिणे सुहत्थी विहरइ तावता मे सेयं कल्लं पाउप्पभायाए
रयणीए जाव उट्ठीयम्मि सूरु सहस्सरस्सम्मि दिण्यरे तेयसा जलंते अपच्छिममारणंतियसंलेहणा-
झूसणा-झूसियस्स पत्तपाण-पडियाइक्खियस्स कालं अणवकंखमाणस्स विहरित्तए-एवं संपेहेइ
संपेहेत्ता कल्लं पाउप्पभायाए रयणीए जाव उट्ठियम्मि सूरु जाव विहरइ तए णं से नंदिणीपिया
समणोवासए बहूहिं सील-व्यय-गुण-वेरमण-पच्चक्खण-पोसहोववासेहिं अप्पाणं भावेत्ता वीसं
वासाइं समणोवासगपरियायं पाउणिता एक्कारस य उवासगपडिमाओ सम्मं काएण फासित्ता
मासियाए संलेहणाए अत्ताणं झूसित्ता सट्ठिं भत्ताइं अणसणाए छेदेत्ता आलोइय-पडिककंते समा-
हिपत्ते कालमासे कालं किच्चा सोहम्मे कम्मे अरुणगवे विमाणे देवत्ताए उववण्णे तत्थ णं अत्थे-
गइयाणं देवाणं चत्तारि पलिओवमाइं ठिई पन्नत्ता नंदणीपियस्स वि देवस्स चत्तारि पलिओवमाइं
ठिई पन्नत्ता से णं भंते नंदिणीपिया ताओ देवलोगाओ आउक्खएणं भवक्खएणं ठिइक्खएणं
अणंतं चयं चइत्ता कहिं गमिहिइ कहिं उववज्झिहिइ गोयमा] महाविदेहे वासे सिज्झिहिइ बुज्झिहिइ
मुच्चिहिइ सब्बदुक्खणभंतं काहिइ एवं खलु जंबू समणेणं भगवया महावीरेणं उवासगदसाणं
नवमस्स अज्झयणस्स अयमट्ठे पन्नत्ते ।५५।-५६

● नवमं अज्झयणं सप्तं ●

दसमं अज्झयणं—लेइयापिता

(५८) [जिइ णं भंते समणेणं भगवया महावीरेणं जाव संपत्तेणं सत्तमस्स अंगस्स उवासग-
दसाणं नवमस्स अज्झयणस्स अयमट्ठे पन्नत्ते दसमस्स णं भंते अज्झयणस्स के अट्ठे पन्नत्ते] एवं खलु
जंबू तेणं कालेणं तेणं समएणं सावत्थीए नयरीए कोट्टए चेइए जियसत्तू राया तत्थ णं सावत्थीए
नयरीए लेइयापिता नामं गाहावई परिवसइ-अइडे जाव बहुजणस्स अपरिभूए तस्स णं
लेइयापियस्स गाहावइस्स चत्तारि हिरण्णकोडीओ निहाणपउत्ताओ चत्तारि हिरण्णकोडीओ
वड्ढिपउत्ताओ चत्तारि हिरण्णकोडीओ पवित्थरपउत्ताओ चत्तारि वया दसगोसाहस्सिएणं वएणं
होत्था [से णं लेइयापिता गाहावई बहूणं जाव आपुच्छणिअे पडिपुच्छणिअे सयस्स वि य णं कुंडुबस्स
मेढी जाव सब्बकज्जवइडावए यावि होत्था तस्स णं लेइयापियस्स गाहावइस्स फण्णुणी नामं भारिया
होत्था-अहीण-पडिपुज्ज-पंचिंदियसरीरा जाव माणुस्सए कामभोए पच्चणुभवमाणी विहरइ तेणं
कालेणं तेणं समएणं सामी सपोसडे परिसा निग्गया कूणिए राया जहा तहा जियसत्तू निग्गच्छइ
जाव पज्जूवासइ तए णं से लेइयापिता गाहावई इमीसे कहाए लच्छे समाणे-एवं खलु समणे भगवं
महावीरे पुब्बाणुपुत्थिं चरमाणे गामाणुगामं दूइज्जमाणे इहमागए इह संपत्ते इह सपोसडे इहेव
सावत्थीए नयरीए बहिया कोट्टए चेइए अहापडिरूवं ओगहं ओगिण्हित्ता संजमेणं तवसा अप्पाणं
भावेमाणे विहरइ तं महप्फलं खलु भो देवाणुप्पिया तहारूवाणं अरहंताणं भगवंताणं नाम गोयस्स
वि सवणयाए किमंग पुण अभिगमण-वंदण-नमंसण-पडिपुच्छण-पज्जुवासणयाए एगस्स वि आरि-
यस्स धम्मियस्स सुवयणस्स सवणयाए किमंग पुण विउलस्स अट्ठस्स गहणयाए तं गच्छामि णं
देवाणुप्पिया समणं भगवं महावीरं वंदामि नमंसामि सक्कारेमि सम्माणेमि कल्लाणं मंगलं देवयं
चेइयं पज्जुवासामि-एवं संपेहेइ संपेहेत्ता जहाए कयवलिकम्मे कय-कोउय-मंगलं-पायच्छित्ते सुट्ठ-

पावेसाइं मंगलाइं बत्थाइं पवार परिहए अप्पमहग्धापरणालंक्रियसरीरे सयाओ गिहाओ पडणि-
क्खमइ पडिणिक्खमिता सकोरेंटमल्लदामेणं छत्तेणं धरिज्जमाणेणं मणुस्सवग्गुपरिखित्ते पादवि-
हारचाणरेणं सावत्थि नयरीं मज्झमज्जेणं निग्गच्छइ निग्गच्छिता जेणामेव कोट्टए चेइए जेणेव
समणे भगवं महावीरे तेणेव उयागच्छइ उयागच्छिता समणं भगवं महावीरं तिकखुत्तो आयाहिण-
पयाहिणं करेइ करेत्ता वंदइ नमंसइ वंदिता नमसित्ता नच्चासण्णे नाइदूरे सुस्सूसमणे नमंसमाणे
अभिपुहे विणएणं पंजलिउडे पज्जुवासइ

तए णं समणे भगवं महावीरे लेइयापियस्स गाहावइस्स तीसे य महइमहालियाए परिसाए
जाव धम्मं परिकहेइ परिसा पडिगया राया य गए तए णं से लेइयापिया गाहावइं समणस्स भगवओ
महावीरस्स अंतिए धम्मं सोच्चा निसम्म हट्ठतुट्ठ-चित्तमाणंदिए पीडमणे परमसोमणस्सिए हरिसवस
विसप्पमाणहियए उट्ठाए उट्ठेइ उट्ठेत्ता समणं भगवं महावीरं तिकखुत्तो आयाहिण-पयाहिणं करेइ
करेत्ता वंदइ नमंसइ वंदिता नमसित्ता एवं वयासी-सट्ठहामि णं भंते निग्गंथ पावयणं पतियामि णं
भंते निग्गंथ पावयणं रोएमि णं भंते निग्गंथ पावयणं अब्भुट्ठेमि णं भंते निग्गंथ पावयणं एवमेयं
भंते तहमेयं भंते अवितहमेयं भंते असंदिक्खमेयं भंते इच्छियमेयं भंते पडिच्छियमेयं भंते इच्छिय-
पडिच्छियमेयं भंते से जहेयं तुष्से वदह जहा णं देवाणुप्पियाणं अंतिए बहवे राईसर-तलवरमाडं-
बिय-कोडुविय-इत्थ-सेट्ठि-सेणावइ-सत्थवाहप्पभिइया मुंडा भवित्ता अगाराओ अणगारियं पव्व-
इत्तए अहं णं देवाणुप्पियाणं अंतिए पंचणुव्वइयं सत्तसिक्खावइयं-दुवालसविहं सावगधम्मं पडि-
वज्जिस्सामि अहासुहं देवाणुप्पिया मा पडिबधं करेहि तए णं से लेइयापिता गाहावइं समणस्स
भगवओ महावीरस्स अंतिए सावयधम्मं पडिवज्जइ तए णं समणे भगवं महावीरे अण्णदा कदाइ
सावत्थीए नयरीए कोट्टयाओ चेइयाओ पडिणिक्खमइ पडिणिक्खमिता बहिया जणवयविहारं
विहरइ तए णं से लेइयापिता समणोवासए जाए-अभिगयजीवाजीवे जाव समणे निग्गंथे फासु-
एसणिज्जेणं असण-पाण-खाइम-साइमेणं वत्थ-पडिग्गह-कंबल-पायपुंछणेणं ओसह-भेसज्जेणं पा-
डिहारिएण य पीढ-फलग-सेज्जा-संधारएणं पडिलापेमाणे विहरइ तए णं सा फग्गुणी भारिया सम-
णोवासिया जाया-अभगयजीवाजीवा जाव विहरइ तए णं तस्स लेइयापियस्स समणोयासगस्स
बहुंहे सील-व्वय-गुण-वेरमण पच्चक्खण-पोसहोववासेहिं अप्पाणं भावेमाणस्स घोइस संवच्छराइं
वीइक्कंताइ पन्नरसपस्स संवच्छरस्स अंतरा वट्ठमाणस्स अण्णदा कदाइ पुव्वरत्तावरत्तकाल-
समवसि धम्मजागरियं जागरमाणस्स इमेयारूवे अज्झत्थिए चित्तिए पत्थिए मणोए संकप्पे
सनुप्पज्जित्था-एवं खुलु अहं सावत्थीए नयरीए बहूणं जाव आपुच्छणिज्जे पडिपुच्छणिज्जे सयस्स वि
य णं कुडुंबस्स मेढी जाव सव्वकज्जवड्ढावए तं एतेणं वक्खेदेणं अहं नो संचाएमि समणस्स
भगवओ महावीरस्स अंतियं धम्मपन्नतिं उवसंपज्जित्ता णं विहरित्तए तए णं से लेइयापिता
समणोवासए जेट्ठपुत्तं नित्त-नाइ-नियग-सयण-संबंधि-परिजणं च आपुच्छइ आपुच्छिता सयाओ
गिहाओ पडिणिक्खमइ पडिणिक्खमिता सावत्थि नयरीं मज्झमज्जेणं निग्गच्छइ निग्गच्छिता जे-
णेव पोसहसाला तेणेव उयागच्छइ उयागच्छिता पोसहसालं पमज्जइ पमज्जिता उच्चार-पासवणभूमिं
पडिलेहेइ पडिलेहेत्ता दब्भसंधारायं संधरेइ संधरेत्ता दब्भसंधारायं दुरुहइ दुरुहिता पोसहसालाए
पोसहिए बंधयारी उम्मुक्कमणि सुवण्णे यवगयमालावण्ण- गलविलेवणे निक्खित्तसत्थमुसले एगे
अबीए दब्भसंधारोवगए समणस्स भगवओ महावीरस्स अंतियं धम्मपन्नतिं उवसंपज्जित्ता णं

विहरइ

तए णं से लेइयापिता समणोवासए पढमं उवासगपडिमं उवसंपज्जिता णं विहरइ तए णं से लेइयापिता समणोवासए पढमं उवासगपडिमं अहासुत्तं अहाकप्पं अहामगं अहातच्चं सम्मं काएणं फासेइ पालेइ सोहेइ तीरेइ किसेइ आराहेइ तए णं से लेइयापिता समणोवासए दोच्चं उवासगपडिमं एवं तच्चं चउत्थं पंचमं छट्ठं सत्तमं अट्ठमं नवमं दसमं एककारसमं उवासगपडिमं अहासुत्तं अहाकप्पं जाव आराहेइ तए णं से लेइयापिता समणोवासए तेणं ओरालेणं विउलेणं पयतेणं पगहिणं तवोकम्पेणं सुक्के लुक्खे निम्मसे अड्डिचम्मावणद्धे किडिकिडियाभूए किसे धमणिसंतए जाए तए णं तस्स लेइयापियस्स समणोवासगस्स अण्णदा कदाइ पुव्वरत्तावरत्तकाल समयंसि धम्मजागरियं जागरमाणस्स अयं अज्झत्थिए चितिए पत्थिए मणोगए संकप्पे समुप्पज्जित्या-एवं खलु अहं इमेणं एयारूवेणं जाव किसे धमणिसंतए जाए तं अत्थि ता मे उट्ठाणे कम्मे बले वीरए पुरिसक्कार-परक्कमे सद्धा-धिइ-संवेगे तं जावता मे अत्थि उट्ठाणे कम्मे बले वीरए पुरिसक्कार-परक्कमे सद्धा-धिइ-संवेगे जाव य मे धम्मायरिए धम्मोवएसए समणे भगवं महावीरे जिणे सुहृत्ती विहरइ तावता मे सेयं कल्लं पाउण्णभायाए रयणीए जाव उड्डिमि सूरै सहस्सरस्सभि दिणयरे तेयसा जलन्ते अपच्छिममारणंतियसंलेहणा-झूसणा-झूसियस्स भत्तपाण-पडियाइक्खियस्स कालं अणय-कंखमाणस्स विहरित्तए-एवं संपेहएइ संपेहेत्ता कल्लं पाउण्णभायाए रयणीए उड्डिमि सूरै जाव विहरइ तए णं से लेइयापिता समणोवासए बहूहिं सील-व्यय-गुण-वेरमण-यच्चक्खाण-पोसहोव-वासेहिं अप्पाणं भावेत्ता वीसं वासाइं समणोवासगपरियायं पाउणित्ता एककारस य उवासगपडि-माओ सम्मं काएणं फासित्ता मासिपाए संलेहणाए अत्ताणं झूसित्ता सट्ठिं भत्ताइं अणसणाए छेदेत्ता आलोइय-पडिक्कन्ते समाहिपत्ते कालमासे कालं किच्चा। सोहम्मे कप्पे अरुणक्कीले विमाणे देवत्ताए उववण्णे तत्थ णं अत्थेगइयाणं देवाणं चत्तारि पलिओवमाइं ठिई पन्नत्ता लेइयापियस्स वि देवस्स चत्तारि पलिओवमाइं ठिई पन्नत्ता से णं भन्ते लेतियापित्ता ताओ देवलोगाओ आउक्खएणं भवक्खएणं ठिइक्खएणं अणंतरं चयं चइत्ता कहिं गमिहिइ कहिं उववज्जिहिइ गोयमा महाविदेहे वासे सिज्जिहिइ बुज्जिहिइ सव्वदुक्खाणमन्तं काहिइ ।५६।-५८

(५९) दसण्ह वि पन्नरसमे संवच्छरे वट्टमाणे णं चित्ता दसण्ह वि वीसं वासाइं समणो-वासयपरियाओ एवं खलु जंबू समणे णं भगवया महावीरेणं उवासगदसाणं दसमस्स अज्झयणस्स अयमट्ठे पन्नते एवं खलु जंबू समणेणं भगवया महावीरेणं सत्तमस्स अंगस्स उवासगदसाणं अयमट्ठे पन्नते ।५७।-५७

(६०) उवासगदसाणं सत्तमस्स अंगस्स एगो सुयखंधो दस अज्झयणा एकसरगा दससु चेव दिवसेसु उदित्तांति तओ सुयखंधो समुदित्ताइ तओ सुयखंधो अनुण्णविज्जइ दोसु दिवसेसु अंगं तहेव ।५८।-५८

- (६१) यणियगामे चंपा दुवेय वाणारसीए नयरीए
आलभिया च पुरवरी कंपिल्लपुरं च बोद्धव्यं ॥२॥-१
- (६२) पोलासं रायगिहं सावत्थीए पुरीए दोत्रि भवे
एए उवासगाणं नयरा खलु होति बोद्धव्या ॥३॥-२
- (६३) सिवनन्द-भद्द-सामा धन्न-बहुला पूस-अग्गिमित्ता य
रेवइ-अस्सिणि तह फग्गुणी य भज्जाण नामाइं ॥४॥-३

- (६४) ओहिनाण-पिसाए माया बाहि-धण-उत्तरिजे य
मज्जा य सुव्वया दुव्वया निरुवसग्गाया दोत्रि ॥५॥-४
- (६५) अरुणे अरुणामे खलु अरुणप्पह-अरुणकंत-सिद्धे य
अरुणज्झए य छट्ठे भूय-वडिंसे गवे कीले ॥६॥-५
- (६६) चाली सट्ठि असीई सट्ठी सट्ठी य सट्ठी दसहस्सा
असिइ चत्ता घत्ता वए वइयाण सहसाणं ॥७॥-६
- (६७) बारस अट्ठारस चउवीसं तिविहं अट्ठारसाइ विन्नेयं
धन्नेणं ति चोव्वीसं बारस बारस य कोडीओ ॥८॥-७
- (६८) उल्लण दन्नवण कलं अब्भिहणुवट्ठणे सिणाणेय
वत्थं विलेयण पुप्फे आमरणं धूव पेज्जाइ ॥९॥-८
- (६९) भक्खोयण सूय घए सामे माहुर जेमणऽण पाणे य
तम्बोले इगवीसं आणन्दाईण अभिग्गहा ॥१०॥-९
- (७०) उड्ढं सोहम्म पुरे लोलुए अहे उत्तरे हिमवन्ते
पज्जसए तह तिदिसिं ओहिनाणं तु दसगस्स ॥११॥-१०
- (७१) दंसण वय सामाइय पोसहपडिमा अवम्म सच्चित्ते
आरंभ पेस उद्धिद्ध वज्जए समणभूए य ॥१२॥-११
- (७२) इक्कारस पडिमाओ वीसं परियाओ अणसणं मासे
सोहम्मे चउपलिया महाविदेहम्मि सिज्झिहिइ ॥१३॥-१२

● दसमं अञ्जयणं समत्तं ●

उवासगदसाओ समत्ताओ

सत्तमं अंगसुत्तं समत्तं

સુચનાપત્ર

૧. આગમ સૂત્રોમાં ડાબી બાજુએ છપાયેલ પ્રથમ-અંક, સૂત્ર તથા ગાથાનો સંયુક્ત સળંગ ક્રમાંક સૂચવે છે. [અણુક્રમ]
૨. છેડે જમણી બાજુએ દર્શાવેલ હિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [ક્રમ]
૩. સૂત્રને જણાવવા માટે અહીં ઉભા લીટા । । ની વચ્ચે આગમમંજુષાનો સૂત્રાંક મુકેલો છે. [સુતંકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુષાનો ગાથાંક મુકેલો છે. [ગાથંકો]
૫. છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
૭. જ્યાં સૂત્રોમાં [] આ રીતે ચોરસ કોંસ મુકેલા છે તે બે ચોરસ કોંસ વચ્ચેનું લખાણ જાવ વાળા પાઠોની કરેલ પૂર્તિ દર્શાવે છે.


[5]

-: અ-મા-રા- પ્ર-કા-શ-નો :-

- [૧] અભિનવ હેમ લઘુપ્રક્રિયા -૧- સત્તાઙ્ગ વિવરણમ્
- [૨] અભિનવ હેમ લઘુપ્રક્રિયા -૨- સત્તાઙ્ગ વિવરણમ્
- [૩] અભિનવ હેમ લઘુપ્રક્રિયા -૩- સત્તાઙ્ગ વિવરણમ્
- [૪] અભિનવ હેમ લઘુપ્રક્રિયા -૪- સત્તાઙ્ગ વિવરણમ્
- [૫] કૃદ્ધન્તમાલા
- [૬] ચૈત્યવન્દન પર્વમાલા
- [૭] ચૈત્યવન્દન સઙ્ગ્રહ - તીર્થજિનવિશેષ
- [૮] ચૈત્યવન્દન ચોવિંશી
- [૯] શત્રુઞ્જય ભક્તિ [આવૃત્તિ-દો]
- [૧૦] અભિનવ જૈન પંચાન્ગ - ૨૦૪૬
- [૧૧] અભિનવ ઉપદેશ પ્રાસાદ -૧- શ્રાવક કર્તવ્ય - ૧ થી ૧૧
- [૧૨] અભિનવ ઉપદેશ પ્રાસાદ -૨- શ્રાવક કર્તવ્ય - ૧૨ થી ૧૫
- [૧૩] અભિનવ ઉપદેશ પ્રાસાદ -૩- શ્રાવક કર્તવ્ય - ૧૬ થી ૩૬
- [૧૪] નવપદ-શ્રીપાલ - [શારવતી ઓળીના વ્યાખ્યાન રૂપે]
- [૧૫] સમાધિમરણ [વિધિ-સૂત્ર-પદ્ય-આરાધના- મરણભેદ-સંગ્રહ]
- [૧૬] ચૈત્યવંદનમાળા [૭૭૮ ચૈત્યવંદનો નો સંગ્રહ]
- [૧૭] તત્ત્વાર્થ સૂત્ર પ્રબોધટીકા [અધ્યાય-૧]
- [૧૮] તત્ત્વાર્થ સૂત્રના આગમ આધાર સ્થાનો
- [૧૯] સિદ્ધાન્તલનો સાથી [આવૃત્તિ-બે]
- [૨૦] ચૈત્યપરિપાટી
- [૨૧] અમદાવાદ જિનમંદિર ઉપાશ્રમ આદિ ડિરેક્ટરી
- [૨૨] શત્રુઞ્જય ભક્તિ [આવૃત્તિ-બે]
- [૨૩] શ્રી નવકારમંત્ર નવલાખ જાપ નોંધપોથી
- [૨૪] શ્રી ચારિત્ર પદ એક કરોડ જાપ નોંધપોથી
- [૨૫] શ્રી બારવ્રત પુસ્તિકા તથા અન્ય નિયમો [આવૃત્તિ-ચાર]
- [૨૬] અભિનવ જૈન પંચાંગ- ૨૦૪૨; [સર્વ પ્રથમ, ૧૩ વિભાગોમાં]
- [૨૭] શ્રી જ્ઞાનપદ પૂજા
- [૨૮] અંતિમ આરાધના તથા સાધુ સાધ્વી કાળધર્મ વિધિ
- [૨૯] શ્રાવક અંતિમ આરાધના [આવૃત્તિ-ત્રણ]
- [૩૦] વીતરંગ સ્તુતિ સંચય [૧૧૫૧-ભાવવાહી સ્તુતિઓ]
- [૩૧] (પૂજ્ય આગમોદ્ધારકશ્રીના સમુદાયના) કાયમી સંપર્ક સ્થળો
- [૩૨] તત્ત્વાર્થાધિગમસૂત્ર અભિનવટીકા- અધ્યાય-૧
- [૩૩] તત્ત્વાર્થાધિગમસૂત્ર અભિનવટીકા - અધ્યાય-૨
- [૩૪] તત્ત્વાર્થાધિગમસૂત્ર અભિનવટીકા- અધ્યાય-૩

[6]

- [३५] तत्त्वार्थाधिगम सूत्र अभिनवटीका- अध्याय-४
 [३६] तत्त्वार्थाधिगम सूत्र अभिनवटीका- अध्याय-५
 [३७] तत्त्वार्थाधिगम सूत्र अभिनवटीका- अध्याय-६
 [३८] तत्त्वार्थाधिगम सूत्र अभिनवटीका- अध्याय-७
 [३९] तत्त्वार्थाधिगम सूत्र अभिनवटीका- अध्याय-८
 [४०] तत्त्वार्थाधिगम सूत्र अभिनवटीका- अध्याय-९
 [४१] तत्त्वार्थाधिगमसूत्र अभिनवटीका- अध्याय-१०



[४२] आमारो	[आगमसुत्ताणि-१]	पदमं अंगसुत्तं
[४३] सूयगडो	[आगमसुत्ताणि-२]	वीअं अंगसुत्तं
[४४] ठाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	चउत्थं अंगसुत्तं
[४६] विवाहपत्रति	[आगमसुत्ताणि-५]	पंचमं अंगसुत्तं
[४७] नायाधम्मकहाओ	[आगमसुत्ताणि-६]	छट्ठं अंगसुत्तं
[४८] उवासगदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्ठमं अंगसुत्तं
[५०] अनुत्तरोववाईचदसाओ	[आगमसुत्ताणि-९]	नवमं अंगसुत्तं
[५१] पण्हावागरणं	[आगमसुत्ताणि-१०]	दसमं अंगसुत्तं
[५२] विवामसूयं	[आगमसुत्ताणि-११]	एक्करसमं अंगसुत्तं
[५३] उववाइअं	[आगमसुत्ताणि-१२]	पदमं उवंगसुत्तं
[५४] रायपसेणियं	[आगमसुत्ताणि-१३]	वीअं उवंगसुत्तं
[५५] जीवाजीवाभिगम	[आगमसुत्ताणि-१४]	तइयं उवंगसुत्तं
[५६] पन्नवणा-सुत्त	[आगमसुत्ताणि-१५]	चउत्थं उवंगसुत्तं
[५७] सूरपत्रति	[आगमसुत्ताणि-१६]	पंचमं उवंगसुत्तं
[५८] चंदपत्रति	[आगमसुत्ताणि-१७]	छट्ठं उवंगसुत्तं
[५९] जंबूद्धीवपत्रति	[आगमसुत्ताणि-१८]	सत्तमं उवंगसुत्तं
[६०] निरयावलियाणं	[आगमसुत्ताणि-१९]	अट्ठमं उवंगसुत्तं
[६१] कण्वडिंसयाणं	[आगमसुत्ताणि-२०]	नवमं उवंगसुत्तं
[६२] पुक्कियाणं	[आगमसुत्ताणि-२१]	दसमं उवंगसुत्तं
[६३] पुक्कदूलियाणं	[आगमसुत्ताणि-२२]	एक्करसमं उवंगसुत्तं
[६४] वण्हिदसाणं	[आगमसुत्ताणि-२३]	धारसमं उवंगसुत्तं
[६५] चउसरण	[आगमसुत्ताणि-२४]	पदमं पईण्णगं
[६६] आउपच्चक्खाण	[आगमसुत्ताणि-२५]	वीअं पईण्णगं
[६७] महापच्चक्खाण	[आगमसुत्ताणि-२६]	तइअं पईण्णगं
[६८] भत्त परिण्णा	[आगमसुत्ताणि-२७]	चउत्थं पईण्णगं

[7]

[૬૯] તંદુલવેપાલિયં	[આગમસુત્તાણિ-૨૮]	પંચમં પર્વણગં
[૭૦] સંધારંગ	[આગમસુત્તાણિ-૨૯]	છટ્ઠં પર્વણગં
[૭૧] ગચ્છાચાર	[આગમસુત્તાણિ-૩૦-૧]	સત્તમં પર્વણગં-૧
[૭૨] ચંદાવિજય	[આગમસુત્તાણિ-૩૦-૨]	સત્તમં પર્વણગં-૨
[૭૩] ગણિવિજ્ઞા	[આગમસુત્તાણિ-૩૧]	અટ્ઠમં પર્વણગં
[૭૪] દેવિંદત્પઓ	[આગમસુત્તાણિ-૩૨]	નવમં પર્વણગં
[૭૫] મરણસમાહિ	[આગમસુત્તાણિ-૩૩/૧]	દસમં પર્વણગં-૧
[૭૬] વીરત્પવ	[આગમસુત્તાણિ-૩૩/૨]	દસમં પર્વણગં-૨
[૭૭] નિસીહ	[આગમસુત્તાણિ-૩૪]	પદમં છેયસુતં
[૭૮] વુહત્ કપ્પો	[આગમસુત્તાણિ-૩૫]	વીઝં છેયસુતં
[૭૯] વવહાર	[આગમસુત્તાણિ-૩૬]	તઇઝં છેયસુતં
[૮૦] દસાસુયક્કવંધં	[આગમસુત્તાણિ-૩૭]	ચત્તયં છેયસુતં
[૮૧] જીયકપ્પો	[આગમસુત્તાણિ-૩૮/૧]	પંચમ છેયસુતં-૧
[૮૨] પંચકપ્પમાસ	[આગમસુત્તાણિ-૩૮/૨]	પંચમ છેયસુતં-૨
[૮૩] મહાનિસીહ	[આગમસુત્તાણિ-૩૯]	છટ્ઠં છેયસુતં
[૮૪] આવસ્સયં	[આગમસુત્તાણિ-૪૦]	પદમં મૂલસુતં
[૮૫] ઓહનિચ્છુત્તિ	[આગમસુત્તાણિ-૪૧/૧]	વીઝં મૂલસુતં-૧
[૮૬] પિંડનિચ્છુત્તિ	[આગમસુત્તાણિ-૪૧/૨]	વીઝં મૂલસુતં-૨
[૮૭] દસવેપાલિઝં	[આગમસુત્તાણિ-૪૨]	તઇઝં મૂલસુતં
[૮૮] ઉત્તારજ્ઞયણં	[આગમસુત્તાણિ-૪૩]	ચત્તયં મૂલસુતં
[૮૯] નંદીસૂયં	[આગમસુત્તાણિ-૪૪]	પદમા ચૂલિયા
[૯૦] અણુઓગદારાઝં	[આગમસુત્તાણિ-૪૫]	ચિતિયા ચૂલિયા

નોંધ : પ્રકાશન ૧તી ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૯૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●


શ્રી ડી. કે. ઠક્કર ૧૬, અલકાનગર, પ્રિયલક્ષ્મી મિલ્સ પાસે એલેક્ઝિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્રુત પ્રકાશન” વડોદરા નો રૂ. ૧૫૦૦/- ની કિંમતનો ડ્રાફ્ટ આપીને જ સેટ મેળવી શકશો.

[8]

-: પરિસિદ્ધ-નિદંસણ :-

- ૧ પદ્મં પરિસિદ્ધં - “વિસયાણુક્કમો”
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમણિકા છે. જે માટે અમારું ભાવિ પ્રકાશન “૪૫-આગમ બૃહત્ વિસય કોસ” જેવું.
- ૨- બીયં પરિસિદ્ધં “વિસિદ્ધ સદ્ગાણુક્કમો”
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્ગકોસ” જેવું.
- ૩- તદ્યં પરિસિદ્ધં- “વિસેસ નામાણુક્કમો”
૪૫-[૪૯] આગમમાં આવતા ખાસ નામો જેવા કે ગોયમ, સોમિલ, ... વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- વચ્ચં પરિસિદ્ધં - “ગાહાણુક્કમો”
૪૫-[૪૯] આગમમાં આવતી ગાથાને અ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્કમો” જેવું.
- ૫- પંચમં પરિસિદ્ધં “સુતાણુક્કમો”
૪૫-[૪૯] આગમમાં આવતા સૂત્રોને અ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેદ સૂત્રો અને ચંદનપન્તિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સમિતિ, (૨) દેવચંદ લાલભાઈ ફડ (૩) ઋષભદેવ કેસરીમલ પેઢી એ ત્રણ સંસ્થાના પ્રકાશનો જ લીધા છે. - ચંદ પન્તિ માટે હસ્ત લિખિત પ્રત લીધેલી છે, - બૃહત્કપ્પો - પૂ. પુન્યવિજયજી મ.સંપાદિત, નિલીઠ-પૂ.કનૈયાલાલજી સંપાદિત, વવહાર, પૂ.પુનિ માણેક સંપાદિત, જીયકપ્પો. પૂ.જીનવિજયજી સંપાદિત છે મહાનિસીઠ ની વૃત્તિનથી. દસાસુવક્ષંધ ની ચૂર્ણિજ મળી છે. માટે તેનું ક્રમાંકન થઈ શકેલ નથી.

૪૫-આગમના પ્રધાન આર્થિક અનુદાતા

સમ્યક્ શ્રુ.તા.નુ.રા.ગી શ્ર.મ.સો.પા.સિ.કા

શ્રીમતી નયનાબહેન રમેશચંદ્ર શાહ - પરિવાર, વડોદરા

પ્રસ્તુત આગમમાં મુખ્ય દ્રવ્ય સહાયક

૭ સાધ્વીશ્રી સૌમ્યગુણાશ્રીજીના ઉપદેશથી શ્રી ગુજરાતી શ્રે. મૂ. જૈન સંઘ, મદ્રાસ હસ્તે
શ્રી ઈન્દ્રવદન રતીલાલ દામાણી - વિંછીયાવાળા-ધાલ-મદ્રાસ